

FOURTH SITTING ON 20TH JULY, 1999

QUESTIONS

1. QUESTIONS entered in separate list to be asked and oral answers given.

LAYING OF PAPER

2. PU H.RAMMAWI to lay on the Table a copy of the Action Taken on Action Taken Report of Public Accounts Committee relating to Food & Civil Supplies Department.

STATEMENT BY A MINISTER

3. PU LALRINCHHANA to make a statement on sinking of land in Hunthar Veng, Aizawl.

DISCUSSION AND VOTINGS ON DEMANDS

4. PU LALRINCHHANA to submit to the vote of the House various Demands under his charge.
5. PU K.L. LIANCHIA to submit to the vote of the House various Demands under his charge.
6. PU J.LALTHANGLIANA to submit to the vote of the House various Demands under his charge.

S P E A K E R

: Mifel an lo pun hian mite an lawm thin a, misualin roβelna an chan in mite an rum thin.

Dik taka Lalin ro a rel chuan ram a phuisui a, thanna a lak chuan ram a chhe thin. Thuf.29:2-4.

Vawiin member absent leave dil Pu P.B.Rosanga, Dr R.Lalthangliana, Pu F.Malsawma dam lohna avang leh chungkaw harsatna avangin.

Tunah question kan la nghal a, starred question no. 29 na zawt turin Pu Zakhu Hlychho ilo sawm ang u.

PU ZAKHU HLYCHHO : Pu Speaker, ka starred question no. 29-na Home Minister chhan atan ka rawn zawt duh a, ka zawhna chu (a) Mizoram Sorkar leh HPC inremna kha tihpuitlin tum ani em ?
(b) Tum ni ta se, eng chen nge Sorkarin hma a lo lak tawh ? tih ka zawt e.

S P E A K E R : Chhang turin Pu Tawnluia, Home Minister i sawm ang.

PU TAWNLUIA
MINISTER : Pu Speaker, zawhna no. 29-na chhanna chu -

- (a) Ni e, hma lak mek zel a ni tih a ni.
(b) Mizoram Sorkar leh HPC te inremna tihhlawhtlin nan hma lak mek zel a ni a. Sinlung Hills Development Council huamchhunga khaw hrang hrangte hmasawna hna pawh thawh mek a ni.

PU ZAKHU HLYCHHO : Pu Speaker, zawhbelhna. Hemi zawhna ka rawn siamna chhan hi kan unau, Hmar (Sinlung) ti ta mai ila, te nen Mizoram Sorkar hian 27th July, 1994 ah khan inremna a siam tawh a. Chuta an inremna para 6-ah chuan tiang hian ziah a ni a. Pu Speaker, i remtihna in kan chhiarchhuak lawk anga. 'The Govt. of Mizoram have appreciated the concerned demand of the HPC delegation' a ziak zel a, 'accordingly the Govt. of Mizoram will take immediate measures for inclusion of an area to be specified within the HPC demand area of Mizoram in the Scheduled Tribal Area of the 6th Schedule to the Constitution of India, tiin a inziak a ni. Hemi thilah hian Sorkar hmasa pawh khan a buaipui angreng viau a. Chuvangin, heta Minister of State a ziah luh anih ang hian engchen nge hmalak anih tawh tih kha ka rawn zawhna ber ani a. Kan Sorkarin engchen nge hma a lo lak, anni khanin Gazette Notification te an beisei a, tunah pawh khan ka chhiar zo lova, a inziak a. Tin, chulovah chuan kha kha inremna hmasa ti ila a dik mai awm e. Khatah khan Sorkarin sum tam tak a seng a.

Tichuan, inremna hnuhnung a awm leh ta a, chu chu ni 7.4.1999 khan inremna hnuhnung MAIDA an tih ho nen kan sorkar hian inremna a siam veleh a, khatah khan mi 46 an rawn inpe a. Chuta 36 chu Manipur anni tih chanchinbu ah pawh a rawn inziak a. Hetah hian 46 zingah 36 hi Manipur mi niin, 16 dang chauh Mizoram mi anni tih Romei

chanchinbu ah pawh a rawn inziak a. Hetah hian sorkar in a nuai tel in a seng leh niin ka hria a. Chuvangin hei hi ka zuk zawh duhna tak chu Pu Speaker, sorkar hmasa in inremna alo neih kha nge tihpuitlin an tum a, sorkar hnuhnungin inremna ? tih kha. Tin, hetiang hi ni ta sela, nakinah pawh tute emaw in hriamhrei chelek in Manipur atang ten lo lut lehin hetiang hian min rawn tibuai leh ta se, inremna kan siam leh dawn em ni ? Chutiang chuan sorkar hi a va inseng nasa awm ve.

Tin, thil dik pawh miin ka hre lova. Hengah hian kan sorkar hian engang chiahin nge buai-pui zel a tum tih kha chianguang deuh a House-a min hrih tura zawt ka ni a. An kalpui tawh chinah te leh tin, inremna hmasa a ka rawn chhiarchhuah VI Schedule Provision ah heng ho hi khungluh ni ve rawh se tih hi sorkarin engchen nge a tihsak tih ka rawn zawt a ni.

S P E A K E R : Chhang turin Minister i ko ang.

PU TAWNLUIA : Pu Speaker, a zawhna hi 1994
MINISTER July 27 a Mizoram Sorkar leh HPC te inremna thuthlung anga tihpuitlin chungchang ani a.
A chhanna chu, 'hmalak mek zel a ni'.

Tin, zawh belhna ah khan HPC te nen inremna hi vawinnih awm tawh anga sawi kha hriatsual palh anih ka ring a. 1994 Jul 27 a Zoram sorkar leh HPC te inremna bak kha chu HPC leh Mizoram sorkar inkarah inremna sign ani lova. Inremna tihpuitlin chungchanga sorkar duhthawhna leh sorkarin a hlamchhiah dawn nia hriatna avanga lungawilo te 'MAIDA' kan Hmar thalai unaute ramhnuaiah awmin khatiang khan inremna tihpuitlin duhna avangin ramhnuaiah an lo tawm a. Chung chu unau vek kan ni a, unau te sorkar ah kan awm a, chuvangin, nangni pawh lo chhuak phawt mai teh u, ka ti a. Thuthlung leh ziak a engmah sign awm hauh lovin in ringam na in 'MAIDA' unau te hi ka sawm a. Chuan anni pawhin Mizoram Sorkarah, kan Chief Minister kaihhraina ah he MPC leh MNF Sorkar-ah rinna lian tak nghat in an lo hawng a. Chu chu inremna pannih awm anga sawi kha inremna lampang ani lova, a sign zawng kha chu kan ti ve lo a ni. Tichuan, an lo hawng a chutiang ang chuan kan lo dawngsawng a, an lo hawn khan mi 47 an ni a, ni ruk tih kha hriatsual palh anih ka ring a, ani pawh kan nei a, engemaw zat kha chu kan thenawm State Manipur lam a mite an lo ni a. Keini Mizo unaute hi kan inkawm pawh nasa khawp mai a, chuvang chuan heng political move ah te hian engemaw tiin kan inpeizawn chin a awm a, sawlam a mite hlir saw niselang chuan a dang a ni. Amaherawhchu, kan lo in unau tawn tawhna avangin anni pawh khalaiah khan an lo tel ve a, angkhat vekin kan lo ti a.

Tin, engmaw case sawlamah an lo nei anih pawhin sorkarin tunah Manipur Sorkarah atul ang chu lo tihfel sak turin ngenna pawh kan siam mek a ni. Tin, hetah inremna thuthlung clause 6-na ah khan Scheduled Area tihte,

Sixth Scheduled anga han remsiamna leh hmalakna tur ang kha chu, kan hotute nen uluk takin Party consideration awm hauh lova, kan Member zahawm tak takte leh party hruaitu dangte nen pawha uluk zawka kan en tura kan hmachhawp mek a ni, tih kha ka sawi theih tawk a ni e, ka lawm e.

PU ZAKHU HLYCHHO : Pu Speaker, zawh belhna pakhat kan zawt belh leh duh a. Hei inremna para 5(1) leh (2) ah hian tiang hian ziah luh a ni a.

Hmar tawng hi Medium of Instruction ah khilai an awmna area velah chuan primary level ah hawn sak an ni anga. A saptawng-in, "measures to use of Hmar language as a medium of instruction upto primary level and, recognition of the Hmar language as one of the major languages of the State of Mizoram", tiin ziah luh a ni a. Helai hi tihpuitlin sak anni em? Hmar tawng hi Mizoram a tawng pakhat ah recognition pek anni tawh em? Tin, primary level ah an zir vek phal a ni tawh em?

Tin, pahnihna ah chuan Hmar culture te, promote a preserve sak turin Art & Culture through a preserve sak tur anni a. Hengah te pawh hian eng chen nge ni kan sorkar hian helai Art & Culture Department atangin, a provision atanga han en hian a lang lem bawk si-lova, eng chen nge kan sorkarin hma a lo lak tawh tih ka zawt belh duh a. Hei HPC hi a lehlamah chuan ball ang lekin Mizoram a Political Party te hian kan hmang niin ka hria a. Anni pawh hianin inthlan dawn apiang hianin a khawilam hi nge bel ila min duhsak zawk ang tiin an thle tawn mai thin niin ka hria a. Duhsak tak tak hi an tawng lo deuh a ni lo maw?

Pu Speaker, ka zawhna chhan pawh hengho hi Mizoram sorkarin a remna kan siampui anih chuan keimahnin kan honour a, a nihna ang taka kan tihsak hi an phu ve lawm ni tih avanga zawt ka ni a. Tuna inremna 5(1), (2) na angte hi eng chen nge kan sorkarin hma a lak tawh tih kan zawh belh a ni.

PU H.RAMMAWI : Pu Speaker, vawiin hi 20.7.1999 ani a. July 27, 1994 ah inremna thuthlung kha signed ani a. Vawiin hi ni 20.7.1999 ani a, July 27, 1999 hi inremna champha vawi 6na tur ani tawh a. A hma kum 6 chhung khan inremna 5(1)(2) na kha engtingge sorkar hmasa khan hma a lak? tih kha ka zawt tel duh bawk a ni.

S P E A K E R : Home Minister i lo sawm ang.

PU TAWNLUJA
MINISTER

: Pu Speaker, July 27, 1994 khan Mizoram sorkar leh HPC te inremna thuthlung ziaak ani a.

Hei kum 5 hmel alo hmu ta a, inremna thuthlung 5(1)(2) Hmar language leh medium of teaching primary school a hman chungchangte, Art & Culture Department atanga Hmar culture tihhmasawn chungchang te engmah a awm lova, hei thla 7 hmel kan sorkar thar hian a hmu a, kum 5 chhung khan Mizoram sorkarin inremna thuthlung a tih puitlin duh loh avanga lungawilo te an lo piang hman a, 'MAIDA' unau te an rammu a. Chung siamremna atan chuan theihtawpin sorkarin hma a la, kan ngaihthlak tak ang khan ziaka engmah dah lovin inhriatthianna in, in ringgam tawkna in anni pawh an lo hawng a. Kan vaiin kan lawm tlangin kan hria a.

Tunah hian Mizoram State tawng pakhat a puan a, Hmar tawng chungchang te, Primary School a Hmar tawng inzirtir chungchang te; kum 5 chhunga thil tih-puitlin loh te thla 7 chhung hian tih tum ani chheva. Chuvangin, heng hi sorkar commitment te ani a. Commitment anih na ang hian sorkarin a ngaihtuah lovang tih vawiinni hian a hlauhawm hle a ni.

PU ZAKHU HLYCHHO

: Pu Speaker, Sorkar hmasa in a thil engmah a ti lova tih kha a dik thei dawn em ni? Sorkar hmasa khan inrem hnuah

Boundary Commission te an din a, tichuan an area turte an specifies a, khami a area turah khan inhnialna rei tak a awm avangin sorkar kha Sinlung Hills Development Council Area tur kha a chinfel theih lawk loh avangin kha Development Council pawh kha siam nilovin ka hria a. Chuvangin, engmah ti lova sawi kha a dik dawn em ni?

Tin, sorkar hmasain a a rawn duan Sinlung Hills Development Council Constitution Conduct of Business Rules a siamsak te, tin, Rules relating to grant-in-aid Sinlung Hills Development Council tih te, Rules hrang hrang te Sorkar hmasa khan khami enkawlina tur khan sorkar khan a siamsak ve niin ka hria a. Sorkar hmasa ina engmah ti lo anga sawi kha a dik chiah dawn em? tih kha ka rawn zawt belh duh a ni.

PU TAWNLUJA
MINISTER

: Pu Speaker, nichina i zawhna kha chu cross fire one leh two bik chungchang kha kan sawi ani a. Sinlung Hills Development Council

sorkarin a lo sonstitute tawh a. Chutiang ang chuan a function a. Tin, kum tin 1994 atang khan chuan budget provision pawh dah ve a ni a. Tichuan a lokal tawh a, amaherawh-chu kan zawhna te hi chhan dawn chuan zawhna chiah bak kha chu chhan a har thin a. Nichina hmalak lohna lai kan sawi

kha chu Art & Culture Department in Hmar culture te develop na tura hma a lak chungchangah te, tin, Primary School a medium of teaching a Hmar language hman chungchang te leh, hemi Hmar language Mizoram a tawng pakhat a puan chungchangah te khan chuan hmalakna thar engmah inrem hnuah hian a la awm lova.

Tin, ramri chungchang pawh hi lehlamah chuan thui tak a kal tawh a. Tunah hian sorkar record ah chuan ramri pawh hi tihfel angin a awm a ni tih kha ka han sawi duh a. Kan sawi duh tak erawh chu kum nga chhung pawha tih fel loh avanga rammu an awm hial khan chuan, sorkar khan lehlamah hemi inremna thuthlung ang khan thil a ti mai lo ani tih erawh chu a lang chiang viau a, kang kha erawhchu nichina kan sawi tak ang khan lungsi takin tunah hian an lo hawng tawh a, tha takin hma kan la tlang thei ang tih kan beisei a ni.

PU K.T.ROKHAW : Pu Speaker, HPC lokir hote hi Sorkarin eng angin nge ni enkawl a tum ? tih leh, sorkar hmasain a an area tura demarcation propose a neiin ka hria a. Khami kha pawm a ni dawn em ? tih kan zawt belh e.

PU TAWNLUIA MINISTER : Pu Speaker, an area tur hi sorkar hmasa khan alo pawm tawh a. A map nen a awm a, tin, HPC lokir te hi kum 5 chhung khan a dik tak chuan anmahni lungawina tawk tur chuan ngaihven anni lo viau a. Tunah hian Council te an piang chho anga, dan dik takin a ni tur dik tak ten Council an han kaihruai anga, heng hi chu anmahni te nena rel tlangin tha takin harsatna awm lovin, anmahni enzuina pawh hi a kal thei ang tih kan beisei e.

PU NIRJPAM CHAKMA : Pu Speaker, hemi HPC nen inremna kha sorkar hmasa khan hma tam tak a la a, tin, accord provision te pawh tihpuitlin tam tak a awm tawh a, 67% chu tihpuitlin ani tawh a ni. A dang chu tuna sorkarin ti rawh se.

S P E A K E R : Home Minister in chhan tur ala awm chuan han chhang se. Awle, tunah chuan starred question no. 30 na ah kal ila, Pu Zakhu Hlychho leh Pu R.Lalzirliana zawhna ani a, Pu R.Lalzirliana'n han zawt sela a tha ange.

PU R. LALZIRLIANA : Pu Speaker, ka lawm e. Ka starred question no. 30-na - Vai fin a kan Police tha tak takte misual in an thah te leh, civil mi thi te hnenah zangna dawmna pek ani tawh em ? (b)-na Pek ni ta se engzat theuh nge pek an nih ? tih Home Minister ka zawt e.

PU TAWNLUIA MINISTER : Pu Speaker, zawhna (a)-na leh (b)-na kha kan chhang kawp anga. 'Pek ni tawh e' tih ani a. Police boral ta te, an chhungte hnenah Rs. 1,00,000 theuh pek anni tawh a. Civilian thi chhungte hnenah Rs. 40,000 theuh pek anni tawh e.

PU R. LALZIRLIANA : Zawh belhna pakhat chauh Pu Speaker. Kha, a lawmawm khawp mai a, engtik niah khan nge an pek ? tiha kha min han hrilh leh theih chuan a lawmawm anga. Tin, chumi piah lamah, khami nia an motor hman Sinlung Hills Development Council Chairman motor kha siam a ni tawh em ? tih a kha ka'n zawt leh e.

PU ZAKHU HLYCHHO : Pu Speaker, zawh belhna, kan Minister zahawm tak khan kan pe tawh a ti a. Hemi zawhna kan rawn zawh dawn hian IGP pawh ka bia a. Vawihnih vawithum lai ka bia a. An pe lo a ni. Hemi zawhna kan zawh hnua pek a nih ka ring a, an pek ni kha min hrilh thei se tih ka rawn zawhbelh a.

Tin, hei chanchinbu pakhatatah chuan hetiang hian ka chhiar a. Assam a helho ten an Police an thah te ho kha Chief Minister, Mahanta chuan he thil thleng hi demin tualthahna hian rah tha a chhuah dawn lo a ti a. Police thi chhungte hnenah zangnadawmna Rs. 5,00,000 theuh pek anni dawn tih a puang a ni. Engtizia em em nge hetiang a inthlah ? Assam Police ai hian Mizo Police te hi an nihna hi a hlu lo bik em ni ? Nge kan state hian pawisa kan ngah tawk lo deuh em ni ? Engvangin nge state dangah te nuai li, nuai nga te an inpek theih lain keini nuai khat chauh ? Chu pawh chu kan ramchhung a hel nilo, mi ram atanga hel lo lut in min thah sak lehngal a kan hnam hi ava tlawm ve, a tihsan theih lawm ni ? tih kha ka rawn zawt duh a ni.

PU K.T. ROKHAW : Kan Police thi ta te, boral ta te silai helho te hnen atangin sorkar hian a la lut leh tawh em ?

S P E A K E R : Pu Tawnluia, Home Minister chhang turin i sawm leh ang.

PU TAWNLUIA : Pu Speaker, Vaitin incident a
MINISTER vanduaina kan tawh tuma Sinlung Hills Development Council Chairman, Gypsy No. MZ-01-2025
kha tunah workshop ah siam mek ani e.

Tin, hemi tuma boral ta te, an chungte chhawmdawlna hi July 14, 1999 ah khan pek anni tawh a, "In va pe tlai ve" tiin min zawt leh mai thei a, keini pawhin paw kan ti a. A chhan chu sorkar hmasa ah khan hentiang anga borql tate chhawmdawlna tur hi civilian Rs.20,000/- Police Personnel Rs. 40,000/- tih ani a. Amaherawhchu, heng thil ah hian tuna kan hmachhawn mek leh nakin zel thlir pawhin tuna kan han ngaihthlak tak ang khan state dang kalphung te enin, kan sum neih dan tawk te enmilin kan ennawn a ngai e tiin, kan Chief Minister pawhin heng kan Police huaisen boral ta te thlahna ah pawh khan a sawi a. Boral ta te chungte hnenah Rs. 1,00,000/- tunhma Rs. 40,000/- thin kha Rs.1,00,000/- kan pe ang a ti a. Tunhma a civilian boral ta te hnena an chungte hnena Rs. 20,000/- pek tur tih dan awm kha Rs.40,000/- kan pe ang.

Chutiang ang chuan Rules kha Amend a ngai a, kalphung te te a awm a, a awm a. chutiang ang chuan a bik takin Zoramsanga ASI chungte a nupui te inkarah harsatna kan nei a, Court ah te an kal a, a tawpah chuan 26th June khan inremna an nei thei ta chiah a. Tin, Rules amendment hunchhung te nen, Ex-Gratia pek hi ni 14.7.1999 kan tih ran theihtawpa tihin kan pe a ni e. Tin, silai man te kha lak let leh ani tawh em ? tih kha 'ala nilo' tih kha kan chhanna a ni e.

PU R.LALZIRLIANA : Pu Speaker, ka zawh belh hmain MLA te min ngaipawimawh tih hriatin ka lawm a. Heta question kan han tihluh hma kha chuan in muang deuh hlek niin ka hria a. Amaherawhchu, ti hian inrawn pe thei ta a, lawmawm ka ti a. Chubakah kha Rules te kan han siam a kan ti a, a lawmawm a, amaherawhchu, Rules amendment hma hian thil tam tak kan ti a, he House zahawm tak chungah ngei pawh hian Member te pawhin kan tuar a, hmanni lawkah, PSO hran kum a ni a, Bawngkawnah mi pakhat kahhlum a ni a, a zanah khan Rs. 40,000/- kha chawplehchilh-

in inpe thei mai kha a ni a, tichuan khilala kan sipai huai-sen, kan hnam tana thi leh civilian pawh hi duty lai ang tak taka ngaih chi a ni a. Khang ral, misualte Police va hrih tute kha an ni. Khatiang ang luman ti mai ila, zangna dawm-na kha heti chen a rei hi kan pending sak thei si a, khilala kha kei ka lo ngaih ve dan chuan kan Chief Minister zahawm tak kha a tiamtu a ni a. Finance Minister a ni bawk a, harsatna awm turin ka ring lova, engnge ni Police in mipakhat a kahhlum a zan, a tukah pe thei mai si a, khilama mite kan pe mai thei lo a kha engnge a awmia ? tawite in kan zawt leh mai a ni e.

PU ZAKHU HLYCHHO

: Pu Speaker, zawh belhna tawite, anih leh kan Chief Minister zahawm tak khan khilala Armed Veng a sipai thi te an thlahna

ah khan ka tel ve a. Khatah khan a puang mai si a, kan Chief Minister zahawm tak khan dan hre lovin a puang em ni ? Engahnge a department te khan hei hi dan a nilo tih an hrih loh, dan lo a khatia a puang mai kha a diklo a ni. Chuvangin, khatiang kha a ni thei dawn em ni ? Chubakah Pu Speaker, ka rawn zawh belh duh chu dan kan siam tha dawn anih chuan, kan amend dawn anih rau rau chuan engahnge hei aia tam hi a tih theih lawm ni ? Kan Home Minister zahawm tak hian hman-niah statement ropui tak a siam a, India rama Police Force tha ber kan siam dawn tih statement a rawn siam a. Heja statement pawh ka kawla, a lawmawm hlein ka hria a, ropui pawh ka ti a. India rama Police tha ber siam tur chuan Assam ho lu man zat pawh a nilo. Hmanni a Kargil a sipai thi te phei chu nuai sarikh te an pe dawn tih kan han chhiar lehngal a. Chuvangin Police tha ber siam tur chuan a tlem lulai deuh lo maw ? Hei aia tam deuh hi an amend rau rau anih chuan an ti thei mai lawm ni ? tih kha ka rawn zawh belhna a ni.

PU K. I. ROKHAW

: Pu Speaker, kan Minister zahawm tak khan silai kha a ngaipawimawh khawp a. Helho atangin lak let ala nilove tih kha min

chhanna kha a ni a. Hei thla li a ni tawh a, kan Police chhuanawm an borah hnu khan, helho kut atanga an silai lak-chhuah ala nilo hi, kan sorkar tan a mualpho thlak hlein ka hria a. A dik tak chuan keini kan sorkar lai kha chu ni sela, kan umzui tir anga, kan chhuhlet tawh hrim hrim ang. Tun thlenga hma pawh la lova an awm hi mak ka ti a, a hrim hrimin, hemi silai la let leh tur hian kan sorkar hian hmalakna a nei reng reng em ? Manipur ah a umzui tirem ? tih ka han zawt duh e.

S P E A K E R

: Kan Minister in chhang leh rawh se.

PU TAWNLUIA
MINISTER

: Pu Speaker, a hnukung ber kha han chhang ila. Kan Police te hi Mizoram Sorkarin a ring tawk a, House ah sawi mai mai tur a

ni lovang. Thil hrethiam pha ah inggai tlang ila, a thain ka ring a. Tin, an sorkar lai pawh khan sorkar hmasa ah pawh khan vanduaina a awmin theihtawp an chhuahin ka ring a. Nakinah pawh kan la chhuah tlang zel anga, heng hi chu a hunin a hril turah i ngai ang.

Tin, lu man tam avang hian Police hi that ber leh ber loh a teh anih ka ring lova. An performance, an efficiency ah teh anih ka ring a. Chuvangin, kan sorkar hian India ramah Police tha ber neih hi chu kan tum a ni. Kan buatsaih char char dawn bawk a ni. Tichuan, Member te tawiawm na ka ngen bawk a ni.

Tin, Ex-Gratia amount Chief Minister in a sawi kha a sawi awm tak leh, mite pawhin an tih thin ani a. State Chief Minister chuan a sawi thei a ni. Chuvangin, kha kha sawi tur dik tak a sawi a ni. A hmam kan sawiho vek a, dan kan neih pawh kan sawi bawk a, chutah chuan dan siamrem ngai te siamremin, "Hei hi chu a letin kan tipung e, singnga hi nuaikhat ah kan tipung anga. singhnh hi singli ah kan tipung ang" a ti anih kha.

Tin, Bawngkawn a incident chungchang avanga vanduaina ah rang deuhin inpe a tih kha a dik a. Kan D.C. ten hman lawk tur amahni atangin an lo siamrem a, hemi Vaitin hi chu a lo tam angreng a, a vai hian chuan, khatiang a han ti tur chuan harsatna deuh kan nei a, Bawngkawn a mi kha chu, "Chawplehchilh in lo dap phawt mai teh", ka ti a. Atul em avangin, kha singli kha chu pe turin lo siamrem tur a lo nei hlauh a.

Tin, a amount tam leh tam loh ah hianani e, Member ten an ngaipawimawh khawp mai a, ex-gratia chungchang hian a bik takin kan police te ral hmaah pawh a ni thei anga. Tin, engemaw vanduaina chi hrang hrangah an lo borah hian nuaikhat pawh nunna lei zawnga chhut chuan engmah a nilo. Nunna hi pawisa in a lei thei lo, lei phak a nilo. Amaherawhchu, kan sum dinmun a zir leh kan phak tawk erawh chu ngaihtuah ngun a ngai viauin ka ring a. He House thu thu hi hengte pawh hi a ni bawk a ni.

Tin, a tawpa kan sawi leh duh chu hetiang anga insurgency helna ramchunga a lo awmin, a tackle khami lo bei tur leh khatiang movement check tur bitum tu tur chu, hei Assam Rifle hi an ni a. Chuvangin, kan police te hnathawh theih tur chin leh thawh tur chin pawh kan hriatthiam a tha viauin ka ring.

PU R.LALZIRLIANA

: Pu Speaker, kan police te hi an efficiency atanga teh an ni a. An lu man a kha Rs. 1,00,000/- (nuaikhat) chauh anih kha chuan

a dikin ka hre lova. India ramah kan police te hi an tha ber tawhin ka hria a, vawiinniah hian. Chuvangin, an efficiency atanga teh anih chuan Rs. 1,00,000/- (maktaduai) hmu awm tak niin ka hria a, an luman te hi. Chu chu ka han sawi duh pakhat a ni a.

Tin, khatia helaia police P.S.O. ina, a lo kahhlum vanduaina lo tawkte a tuka a department atanga tih mai theih anih si kha chuan engtizia nge ni khatiang kan hnam tana thawktu tak tak te kha Finance Minister, Chief Minister ni bawkin a tiam ni si kha, pawisa zawng zawng enkawltu a ni a. Pawisa phailam atang lahin a viak a tha a, a sawichhuak reng bawka. Engnge harsatna kan neih hi khata tanga lo puk a, R.R. ah inpek leh huna rulh tir ve leh mai awm kha a va ni ve. Engtizia a tikhawtlai bik nge a nih ? tih te kha.

PU ZORAMTHANGA
CHIEF MINISTER

: Pu Speaker, ni e, keimah hian a mawphurhna chen ka nei a. Tin, keimah mi han zawt ang deuh te pawh kha ani a, tin,

anih dan tur pawh a ni a. Kan Home Minister khan a tlai nachhan kha a sawi tawh a. Tin, khatiang a lo thlen khan a sorkar chuan tuna awm sa hi tlem kan ti a, tun a lo thlen chuan a letin tihpun kan tum tih pawh kan puang a. Dan siam zawh hnuah chuan ka puan pawh a ngai lova, order a kal mai a. Mahse sorkar ina tih kan tum ka puang a, kan ti ta bawka ni. Chuvangin, kha kha a kaldan tur dik tak state dang leh hmundang ah pawh ani tho a, sorkarin a kan tih tur kan puang a ni.

Chuvangin kan tum a kan ti ta reng a ni. Tin, chu lo lehah chuan a tlai nachhan chu kan

Home Minister in a sawi tawh a, a group an ni a, engemaw ti a an tih chung khan thubuai hlabuai te a lo awm a. Tin, chu-l ah khami kan rules a kha tih danglam a lo ngai a, chungte nen chuan kan tum ai chuan kan tlai ta deuh ani a ti a, kha kha a sawi fuh a. Tin, Bawngkawn incident ah chuan khang zawng zawnga kal hnuah chuan tlem in a case chu a dang a ni. Bawngkawn incident kha chu helho va nawrna a sorkar duty te va kal chhuak te, raldo na kara thi nilovin, tuallai a mimal in-tih thiam lohna, Government duty a kalchhuak a tih nilovin; tuallai a an intih thiam lohna a thi a ni a, a case chu a inang lo a ni.

Amaherawhchu, chuti chung chuan mipui vantlang 'public agitation' leh, mipui a engemaw harsatna thleng thei thil a nih avangin sorkar pawhin heng thilah hi chuan anni hnenah hian mipuite rilru thawidam nan leh, a thi a te chungte kan ngaipawimawh a, hetiang hi kan condemn a ni tih entirnan, sorkar lam atang pawhin hei hi kan jih tur kan ralna ni ve rawh se kan ti a kan pe a ni. A nihna takah chuan kan LDC pakhat leh tuemaw lo inti thiam lo sela, LDC khan tuemaw lo that palh ta sela, a thawhna office-in emaw sorkarin emaw compensate zel turin bat a nilova. Khami mimal pahnih te intihthiam lohna anih avangin Court-in kha kha chu a rel tir tur a ni. Amaherawhchu, operation a kan tirhte, raldo a sorkar in a tirh te, duty tura a tirh te chu an duty na action, guiding action chi reng reng hi chu a case a dang a,

khawi sorkar ah pawh. Tuallaia tute emaw, officer leh officer lo pawh ani anga, mimal thila lo inhnial buai a, lo inkhawih te chungchang thuah hi chuan sorkar hian legally chuan khang compensate zela kha chu a bat chu a ni hauh lova. Mahse, khang thi a te kan tuarpuna leh political thilah leh, society thilah harsatna a awm theih avangin, chung chu sorkarin an zangna dawm nan leh tuarpui nan a pe zawk a ni. Chu chu a case pawh a inang lo reng a ni.

Tin, a dawt lehah chuan ava tlem ve tih kha, ni e, a tlem kan la ti, action a thi te pek ah chuan. Mahse, kan opposition lama Member zahawm takte pawh kha kum 10 an sorkar chhung khang tuna kan pek chanve khang a kal-pui char char a, kan sorkar veleh a letin kan tipung a, ava tlem ve tih kha chu awmzia a nei em aw!-ka ti a ni. Chuvangin, theih nise pawisa te hi ngah ila, a aia tam pek zel pawh kan duh. Mahse vawikhat a sorkar thar ina han tihpun ah chuan sorkar hmasa atanga a let a zuan tir kha chu a tawk thawkhat viauin kan hria a, kan sum dinhmun te a that dan a zir zelin heng hi chu a pun pawh kan la pun leh zel turah pawh kan ngai.

Tin, in la let lo em ni, engati chen chen nge ? tih kha kan hriat theuh angin, Manipur a underground activities nei te, Mizoram chhungah lo let zawk, rawn ambush a, Manipur ah tlan kir leh ta te an ni a. Kan police te operational area ani lo. Kan police te hi ralthuam nen Manipur ah, Manipur sorkarin an phalna lo chuan operation va thlak tur anni lo. Chuvangin kha kha a theihin a theih loh hrim hrim a. Mizoram chhungah an lo luh erawh chuan, Mizoram chhung chu an operational area anih avangin, chumi an lo tih chu an mawh ani a, Assam Rifles te leh security force dangte nen. Mahse, operation thilah chuan operational area hi Army pawh a command hnan hnan nen siam vek a ni. Chuti lo chuan inral palh a, inkah palh te a hlauhawm a. Chuvangin, kan police te khang va umzui a va ti turin operational area ani lo tih hriat tel bawh a tha.

S P E A K E R : Starred question no. 31-na ah kan kal tawh anga. Pu Lalthanzuala i lo ko ang.

P U F, L A L T H A N Z U A L A : Pu Speaker, ka zawhna starred question no. 31-na a ziak hi a diklo deuhhlek a. 'Myanmar nena Border Trade neihna hmun

tura ruahman Thingsai bul tiau kamah' tiin a inziak a, kha kha a dik lova.

(a) 'Myanmar nena Border Trade neihna hmun tura ruahman 'Tiau kam' Thingsai ah Police Station dah tumna a awm em ?

(b) Awm se, engtikah nge dah a tum ?

.....156/-

PU TAWNLUIA
MINISTER

: Pu Speaker, Member zahawm takin
zawhna an sawifiah khan a dang
te daih mai a. A awmzia chu kan
chhanna ah hian (a)-naah chuan,

'Thingsai bul Tiau kamah Police Station dah tumna a awm rih
lo' tih ani a.

Tin, a zawhna ah hian a ziak ang
hi chuan Myanmar nena Border Trade neihna tur anga Thingsai
Tiau kamah hian Police Station dah tum ani em ? tih anih
avangin, chutiang chuan kan chhang a. Sawi zau deuhhlek ila
Trade and Commerce lamah te kan han zawtfiah a. Border Trade
Centre siam tumna hnaivai mai ah chuan a awm theih hrih lo
tih kha a Department concerned atanga kan information anih
avangin, tiang chuan Tiau kam Border Trade Centre dah tumna
hi chu a awm love, tiin chhanna kha kan rawn siam a ni.

PU F.LAL THANZUALA

: Pu Speaker, anih leh kan zawh
belh duha chu, Thingsai ah
khian tunah khan kan Home Mi-
nister zahawm tak khanin police

station a awm tawh niawm in a sawi deuhin ka hria a. Ka
hriatdan a lo dik lo deuh nge ni, out-post ang lek khian an
la awm a. Police Station tak taka siam hi a awm lek lek niin
hriatna ka nei a, chu chu ka zawh duh nachhan a ni a. Thing-
sai a Police awm a khi out-post nge police station ? tih kha
kan zawt belh e.

PU TAWNLUIA
MINISTER

: Pu Speaker, Thingsai a Police
khi Out-Post a ni a, District
te a lo piangthar zel a, Sor-
karin administrative set up

te pawh hi theih ang anga en zel a tum a. Kan rilruah chuan
Thingsai khi Police lam atang pawhin thu pawimawh tak a nia
tun dinhmunah erawh chuan Police Station han dah mai tur chuan
kan sum dinhmunin a tlin rih lo a ni e.

PU K.VANLALAUVA

: Pu Speaker, zawh belhna, Hnah-
thial bialtu zahawm takin a zawh
kha Border Trade a rawn address
a. Border hrul hrim hrim maiah

khian kan sorkar hianin hmalak chhoh zel a tumna ah hianin
keini border area, border hrul a awm te khian police hi ma-
mawhna tam tak kan nei theuh a. Hnahthial bial N.Vanlaiphai
bial, Khawbung Constituency lam thleng pawhin tunah khianin
border area mipuiin harsatna kan tawh lian em em chu Khaw-
bung Constituency ah pawh harsatna a tam em em a, Burma lam
hel hrang hrangte hnu hma rawn neihna ani a, officially chuan
N.Vanlaiphai in a bial a. Mahse tunlaiah chuan tuipui ala kan
theih loh a. Champhai ah an va report a, N.Vanlaiphai bial
in ni a, an lo ti bawk si a. Chutiang chuan mipuiin harsatna
kan tawk nasa em em tih chu kan Minister zahawm takin a hriain
ka ring a.

Tin, Champhai Police Headquarters lam pawhin rawtna hrang hrangte siamin, khing Border Area bawrah khianin P.S. dah belh tumna te a awm em ? tihte kha hriat an chak a. Tunah hianin rawtna hrang hrangte pawh awm tawhin an han hre nial nual a. Engtingge kan sorkar hianin hmalak a tum ? khalai zawhna kha tlem a fello nia lang kha bialtu in a rawn sawi tawh a. Khalai karah khanin hmundang ah te pawh Police Station dah belh tumna, ngaihtuahna thar te a awm em ? tih kan zawh belh e.

Er. K.THANGZUALLA : Police Station, Out-Post ani emaw dah belh chungchang thua khianin Keitum khi a pawimawh khawp mai a. Khawchhak atangin mi chi hrang hrang Foreigners leh bungraw tawh ru te pawh an lo lut thla a. Tichuan a bul lawk Serchhip ah Police Station awm mahsela, Thenzawl lamah an kawit thla a, tiang chuanin an rawn kalna kawngpui kha a remchang em em mai a. Tin, khitalai velah khianin incidence te pawh a awm zauh zauh mai a. Keitum ah khianin Police Station a nih loh pawhin out-post dahsak theih a ni em ? tih ka zawt e.

S P E A K E R : Pu C.Thanghluna.

PU C.THANGHLUNA : Pu Speaker, hei Bangladesh dep lamah hi chuan B.S.F. ho hi ramri veng turin an awm deuh zela. Myanmar lamah erawh hi chuan kan Police ho han dah zel turin kan indaihlo hle dawnin a rinawm si a. Heng B.S.F. kan tih angte hi khawchhak border area ah hian dah ve theih dan a awm em ?

PU R.LALZIRLIANA : Pu Speaker, tuna zawhna nen khan a in relevant tho turah ka ngai a. Zawhna hmasa ah khan Pu Speaker i Chiang a, mahse ka rilruah a Chiang lo tlat mai a. Khawngaihin min lo ngaithiam langin, silai kha an chhuhsak tawh em ? tih lai zawhna kal zelah knan state boundary (Interrupted).

PU TAWNLUIA, MINISTER : Pu Speaker, Saitual bialtu zahawm takin tuna rawn hriatchian a duh kha, ni 26 ah khian Home Department demand kan sawi dawn a, chungah chuan sawina hun remchang kan nei thei ang.

Tin, Khawbung bialtu MLA zahawm tak Pu K.Vanlalauva'n a bial chungah Police Station emaw, Out-Post emaw dah tumna a awm em tih kha. Champhai District

ah khian police out-post leh police station te din belh a tul a. Chungah chuan, khawilai ngo remchang ang tia kan survey lai mek a ni. Tin, Keitum a police out post emaw police station emaw dah chungchang pawh kha, keimahni indaih angin kan lo thlir tur angah ngai ila. Tin, khawchhak lam border hrul ah B.S.F. a dah ve theih lawm ni ? tih kha, tiang hian B.S.F. te pawh hi Central hian kan duh ang tawh border a duty turte pawh hian min pe hleitheih bik lova, anni pawh an indaih bik lova, anni pawh an indaih bik lovah kan ngai a. Chuvangin keini chuan Prevention of infiltration of Force Battalion khat hi min pe turin kan dil a. Chumi rual chuan I.R. Battalion khat min din sak rawh u kan ti leh a, I.R. zawk hi chu tunah hian thui tak file pawh kal tawhin sanction kan beisei lai mek ani a. Chutiang chu border hrula duty tur atan pawh post kan mamawh belh tih kan hriat avangin hma kan lo lak dan ani e.

S P E A K E R : Tunah chuan question no. 32-na zawt turin Pu Zakhu Hlychho i lo sawm ang.

PU ZAKHU HLYCHHO : Pu Speaker, ka zawhna 32-na, December 1998 atanga June 1999 thlenga foreigner hnawhchhuah zat leh an hnawhchhuah te nationality min hrih thei angem ? tih Home Minister zahawm tak chhan atan ka rawn zawt e.

S P E A K E R : Chhang turin Minister Pu Tawn-luia i lo sawm leh ang.

PU TAWNLUIA
MINISTER : Pu Speaker, a chhanna chu December 1998 atanga June 1999 thleng a ramdang mi Mizoram atanga haw tir (push back) chu a District wise in hetiang hi a ni. Aizawl District ah 196, Burmi mi, Lunglei District ah 123, Burma mi Saiha District ah 29, Burma mi Lawngtlai District ah 4, Burma mi Kolasib District ah 1, Burma mi Champhai District ah 95, Burma mi an vaiin 448 anni e.

PU R. LALZIRLIANA : Pu Speaker, zawh belhna pakhat chauh, hei khawchhak lam kan unaute Burma mi hliir mai foreigner hi hnawhchhuah anni ta a, foreigner annih chuan a tha a, kha kha..

thalo ka ti hauh lova. Amaherawhchu, foreigner Chakma mi tam tak an awm a, chung chu engtizia nge tunah hian kan hnawhchhuah ve loh ? ka tia ni

PU LALCHAMLIANA : Pu Speaker, khawthlang lamah khuan foreigner anmahni thu a anmahni ram lama haw an awm em ? Awm ta se engzatnge awm ?

PU ZAKHU HLYCHHO : Pu Speaker, zawh belhna, sorkar hmasa ah khan hetiang zawhna hi a awm thin a. Tichuan hnawhchhuah kha a tam zawk Burma lama kan unau te an nih avangin, he House ah hian vawiina i dinglana thu te hian khawthlang lama Chakma leh hnamdang awm te rawn lut ru te sorkar hmasa khan hum tlat nia puhna kha a lian em em mai a ni. A chhan chu hnawhchhuah zingah khan khawchhak lama Myanmar lama kan unau te an tam deuh thin avang anih ka ring a. Tunah hei, 448 kan hnawtchhuak e, an ti a, an vaiin Burma mi anni a. Tichuan, khawthlang lam kha a figure ah pawh a tel ta miah lo mai kha, engnge ni helamah hian kan activity a chau deuh nge ni ? Kan sorkar ta bawh a kan ngaithiam tan ta zawk ? Anih loh leh helamah hian hnawhchhuah tur foreigner kha kan hmu ta miah lo zawk em ni ? tih kha ka rawn zawh belh duh ani e.

S P E A K E R : Kan question hour a tawp a, zawh belh duh kha chuan han zawh belh law law ula, Minister in a chhan chhung kha chu kan belh mai anga. Han zawh belh law law rawh u.

PU K.VANLALAUVA : Pu Speaker, zawh belhna, hei foreigner dah chhuah chungchang thuah hian kan sorkar hian fimkhur taka thil an tihchhohna ah hian engtingge tunah hian khawthlang lama Mizo hnahthlak nilo ramdang mi committee te din tumna a nei em ? Nei ta sela, engtikah nge chu ruahmanna chu an neih ang ? tih ka zawh belh e.

PU C.THANGHLUNA : Pu Speaker, hei kan sorkar thar hian foreigner, Burma mi 448 lai a lo hnawtchhuak tawh a. Foreigner anih chuan a lawmawm hlein ka

a. Amaherawhchu, tunhma a foreigner tamna ber nia an sawi thin khawthlang lampang ah pakhatmah hnawhchhuah a awm ta lo hi engtizia nge ? Foreigner hi an lo awm ta miah lo em ni, khawthlang lamah hian ? Foreigner an awm lo anih chuan a lawmawm anga, awm lo na na na chu hnawhchhuah tur pawh an awm lo anga. Amaherawhchu, foreigner awm nia hriat ngei si te hnawhchhuah awm ta si lo kha engtizia ta nge ni ? Enremna in kan en ta mai zawk em ni ? tih ka rawn zawt belh a ni e.

Dr. LALZAMA : Pu Speaker, ka zawh belh duh chu, chutianga foreigner te an lo awm si anih chuan sorkar hmasa ah te khan hnawhchhuah te an lo tum em ? An hnawtchhuak em ? Engzatnge an hnawhchhuah tih kha ka'n zawh belh duh a. Tin, khawthlang lamah chutianga te an lo awm anih chuan sawmi chhim lamah te pawh khang kha hnawhchhuah engzatnge awm ? tih ka'n zawt duh a ni.

S P E A K E R : A chhang turin Home Minister i sawm ang u.

FU TAWNLUIA
MINISTER

: Pu Speaker, Mizoram atangin mahni duh thua Mizoram chhuah-sen te an awm em ? tih thu kha Bilkhawthlir Bialtu zahawm

takin a rawn zawh kha han chhang dawn ila. Kan Riang unaute, anmahni thalai te rammu tene an ngenna anga Mizoram atanga Ramri kan a ramri lehlam a awm ta tam tak an awm a. Hei hi a figure chu tunah hian kan sawi sual palh takin, ka ken mai loh avangin nakinah kan pe thei ang a. Vawiin niah kan kharna ni sela.

Tin, Khawchhak mite hlir thawn hawn an ni a, tih hi tuna kan thawn hawn chin an ni reng a, kum 10 kalta chhung khan Mizoram Sorker pawhin heng a beihpui a lo thlakna-ah hian kum khatah 600-700 te hi chu Khawchhak lam mite an lo nawr kir thin a. Tin, tuna kan thawn kir te hi keini chuan hnawhchhuah lam niin kan hre love, thawn kir push-back an ni kan ti ani, Foreigners an nih avangin.

Tin, Khawthlang lamah hian Foreigners hi an awm si a, engatinge hnawhchhuah an nih ve loh ? tih zawhna hrang hrang han khaikhawm khan, a khai-khawma ni mai in ka hria a. Helai hi sawi tur tam tak a awm ang a, kum 10 kalte chhung khan Sorker-in Ramri lehlam atanga lo kal, awmmun khuar tur a lo sih hmuh a, ram te, khua te pe a Electoral Roll a khungte an lo neih nual a, an lo khawi ngam thin avang te leh, Electoral Roll-ah te an lo thun tlat tawh avangin tunah hian chawp leh chilh a han namkir zung zung turin enfiah a ngai kan ti a. Kumin January thla atang khan Mizoram-a tuna mi cheng zawng zawng hi a lu nungin chhlar teh ang kan ti a. Registration i siam teh ang kan ti a, Village Registration kan siam a, chutah chuan chhungkaw tina mimal identification kha ziah chhuah vek a ni a, chu chu kan peih fel hma in Election atan Electoral Roll buatsaih a lo ngai leh ta a. Chuvangin, Mizoram pumpui a mi cheng te kan lo luhna leh kan chen tawh thinna ziahna bu Village Registration kan siam atang hian khawthlang lamah pawh tute dinmun emaw pawh a Chiang ngei ang tih kan ring a. Chuvangin, chu chu kan tih theih hunah heng atanga thawn kir ngai te chu Sorker-in a hlamchhiah hauh lovang tih ring ila.

Tunah tak erawh chuan Electoral Roll buatsaihna in min rawn nan chin leh tek avangin, kan Village Registration Final a kha kan ti hman love, chu chuan kan hma lekna turah duh angin min kal chak tir thei lo ari. Hetiang lam hi kan ngaih pawimawh zawng tak anih avangin Sorker-in felfai tha takin a en turah kan beisei a ni.

S P E A K E R

: Tukin chu kan question hour kan pel deuh darh mai. Tunah chuan kan Business dangah kan kal leh tawh ang a,

Pu H. Rammawi PAC Chairman-in Food & Civil Supplies Deptt. chungchanga Report han lay se a tha awm e.

PU H. RAMMAWI : Pu Speaker, i phalna in, 'Statement on action taken on action taken report of Public Accounts Committee', he House zahawm tak Table-ah hian ka lay e. Ka lawm e.

S P E A K E R : Member-te hnenah report kha sem ni sela. Hunther Veng Lei tlehniem chungchang a thil awmdan sawifiah na Pu Lalrinchhana, Revenue Minister-in Speaker hnenah dilna a rawn siam a, kan dan angin phelsak a ni a, tuneh i lo ko ang.

PU LALRINCHHANA MINISTER : Pu Speaker, hun min pek a-vingin ka lawm e. Hunther Veng, Sairang lam dep khu 1995 kum khan Lei a tawh tawh a, chumi avang chuan kawng te pawh chhia in, in 20 thew theng chu sewn chhuah an lo ni tawh a. Tichuan, tun July 16 Zirtawpni khan khami a tawhna hmun leh a bak kha a tawh belh leh ta a. Tichuan, kewngpui pawh feet 2 lain a tlahniem a, ERTF hovina Boulder an rawn tih belh hma phei chuan Motor lian full load phei chu a kal thei lova, Tichuan, he thu hi hrie in Aizawl D.C. leh A.D.C. Pu Berzika te nen, a hmunah kan zu kal a, chutah chuan In 17 chu mahni In luh ngam lovin an awm a, chung mite chu Hunther Veng khawtleng leh hrucitute nen theih patawp in thiarchhuah hna an thawk a, chung mite han thiarchhuah lailawkna turin hmun kan han dep kual a, tichuan Chakma House sak lai mekah khuan in 10 chu kan han suan lailawk a. Tin, V/C House leh adang In remchangah a dang ho chu suan chhuah an ni a.

Chutiang ang buaipui vel a kan buai lai chuan kan Chief Minister te Nupa te, Minister Pu Aichhinga te, Dr R.Lalthangliana Minister-te pawhin an rawn tlawh a. Tin, heng bakah pawh Pu P.C.Thangzela, Pu C.Thanga I.A.S, Secretary te leh Mining lam leh P.W.D te leh P.H.E. lam a mite pawhin heng mite harsatna phuhrukna tur hien theih tawpin hma an rawn la a. Tichuan, hemi a rawn chhuah buaipuina senso atan D.C. pawhin Rs.6000/- (sangruk) zet an rawn pe a. Tin, sawn chhuah In 17-te hnenah khan Rs.3000/- (sangthum) theuh an pe a. Tin, Pu Aichhinga, Minister-in Rs.2100/- a pe a, Dr.Lalthangliana'n Rs.1000/- a pe bawk a, chumi baka mitlawmngai ten engemaw zet chu an pe bawk a, chutiang ang chuan tunah

khuan suanchhuah rihin an awm a. Heng mite harsatna enzui zel tur hian kan Sorkar lam pawhin a buatsaihpuia a. Tichuan an harsat zual chhunga an eitur-in buhfai quintal 20 a pe ta a.

Tin, heng in leh lo luah thei... tawh lova awmte an in benbel na tur leh an khawsakna tur kawng kan ngaihtuah chhonzawm a. Tichuan in leh lo nei ho an in suanchhuah ngsi, chung mite hnenah chuan Rs. 10,000 (Sing-khat) leh rangva bundle 4 theuh pek turin a ruahman a. Tin, mi inluah, mi inhnuaia awmte hnenah pawh Rs. 3,000/- leh rangva bundle 4 theuh pek turin a ruahman bawk a. Tin, chu mite khawsak na tur, in an inbawk ve na tur Sorkarin a enpui mek zel a ni. Tin, nimin lawkah khan kawngchhak lampeng pawh a nghin belh zel avengin an inluah tha ngam loin an awm leh tawh bawk a ni. Heng mahni in luah ngam lova awmte hi heng mite hi anni a :••

- | | |
|----------------------|--------------------|
| Pu Lalpianthanga | S/o Lalengzauva |
| Pu Thangzuala | S/o Sawiluaia |
| Pu Herliana | S/o Biakthanga |
| Pu Vanlalropuia | S/o Chhola |
| Pu Semañ Badur | S/o Dal Bahadur |
| Pu P.C.Lalsangliana | S/o C.Lalbiakmawia |
| Pu Darneihthuama | S/o Darghuma |
| Pu Thandanga | S/o Chawnga |
| Pu Lalthapuia | S/o Binliana |
| Pu David Zoramthanga | S/o Lema |
| Pu Laltilanmawia | S/o Ngurliana (i-) |
| Pu Ralchhunga | S/o Biakliana |
| Pu Dokhuma | S/o Kaiphunga |
| Pu F.Laldingliana | S/o Hrangkhuma |
| Pu V.Dingliana | S/o L.Darghauva |
| Pu K.Pathiauva | S/o Chhanghaka |
| Pu Lalnuntluanga | S/o Thangzova |
| Pu Rothangpuia | S/o Kapbuanga |
| Pu Lalthuampuii | D/c Bawnga |

Chung mite ho chu hemi harsatna tuartute hi en ni. Tin, heng mite awmna area khu, eng anga enzui zel tur nge anih ? Eng ang dinhmun nge anih ? Geologist te pawhin an rawn en a. Chumi an hmuhdan nichin lawk khan a copy min rawn pe a. Engineer te nen khulai lei tawh khu dan theih anih chuen dan dan kawng ngaihtuah mek a ni.

Tin, Pu Speaker, he statement hi Member te hnena sem a tul chuen ka rawn buatsaih e.

Ka lawm e.

S P E A K E R : Business pali neeh kan kal ang a. Vawiin hianin kan demand sawi tur chu Minister palite demand a ni a.
.....164/-

Pu Lalrinchhana, Pu K.L.Lianchia, Pu J.Lalthangliana te demand kan sawi dawn a. A hmasa berin Pu Lalrinchhana a enkawl Deptt., hrang hrangte demand han pulut sela a tha awm

PU LALRINCHHANA MINISTER : Pu Speaker, on the recommendation of the Governor of Mizoram and with your permission, I move the demand Nos 6 and 40 for Rs. 12,63,12,000/- only for meeting expenses during 1999-2000 in respect of the following Departments. Demand No.6 - Land Revenue and Settlement, Rs. 3,92,25,000/- . Demand No.40 - Animal Husbandary and Veterinary Rs. 8,70,87,000/- . Total Rs. 12,63,12,000/-.

Thank you.

S P E A K E R : Tunah Pu K.L.Lianchia, a enkawl Department te demand hrang hrang sawi turin ilo sawm ve leh ang.

PU K.L.LIANCHIA MINISTER : **Mr** Speaker, Sir, on the recommendation of the Governor of Mizoram and with your permission, Sir, I move the demand Nos 26 and 48 for Rs. 38,53,11,000/- only for meeting expenses during 1999-2000 in respect of the following Department. Details of the Demand :- Demand No.26 amount to Rs. 35,62,00,000/- only. Demand No.48 Sericulture Rs. 2,91,11,000/- only. Total Demand Rs. 38,53,11,000/- only.

Thank you.

S P E A K E R : Tunah pu J.Lalthangliana, a enkawl Department te demand pulut turin ilo sawm ve ang.

PU J.LALTHANGLIANA MINISTER : Mr Speaker, Sir, On the recommendation of the Governor of Mizoram and with your permission, Sir, I beg to move the demand Nos 25 and 51 for Rs. 3,23,08,000/- only for meeting expenses during 1999-2000 in respect of the following Departments. The detail demand are Demand No.25 - Art & Culture, amounting to Rs. 1,89,33,000/- it is written on Budget Book at page 181-190. Demand No.51 - Tourism, the amount is Rs. 1,33,75,000/-
.....165/-

Budget Book page No.493-498, the total no.of the demands is Rs. 3,23,08,000/- only.

Thank you, Sir.

S P E A K E R : Vawiinah kan Minister pathum te demand hi pass hman kan tum dawn a. Memberte kha kan han duhsak che u a, 15 minutes kan pe che u a. Mahsela, kan han sawi vek kha chuan tlai viau kha a ngai a, a maximum-ah 15 minutes kha chu kan ti tak na a hun in rawn hman thiam hram hram kan beisei ang a. Tlau lutuk lova zawh hman tepawh tum ila, a point takah lutin hun remchen thei ang berin hmang ila. Vawiinah erawh chuan hemi demand pathunte hi zawh ngei ngei turah kan programme kal dan a ni a, zawh pawh kan tum dawn a ni.

PU ZAKHU HLYCHHO : Pu Speaker, kan Dan 24-na ah hian a hun thuah Khan House ngaihdan lak hunah Speaker-in tha a tih chuan thusawi hun chhung a tuksak ang tih a ni a. Nimin khan kan ngaihdan kan sawi hman lova, hun kha a tawt ang reng viau mai a. Vawiinah pheii chuan Minister 3(pathum) Demand kan sawi dawn a ni a, nimin ang kha chu a tlem riau mai ka ti.

S P E A K E R : Nimina Minister 2(pahnih) Demand kan sawi pawh kha kan tlai chu a ni mai a. B.A.C.-ah ngun takin kan ngaihtuah tlang a, nangmahni pawh telin. Nikhat-a zawh hmun tur anga hei hi kan han duan chhuah chu a ni a. Chuvangin, a hun bi sawia hi chu 15 minutes bak kha exceed loh ni sela. Kan lo tih tawh dan pangngai ang khan kal chho leh ila. Tichung pawh chuan hun hian min daih lo viau a, vawiin pheii chu nimin aiin kan tan tlai daih mai dawn a, a sawi lam a hi. Chuvangin, Member-te pawhin lo hrethiam ula, 15 minutes exceed lovin i sawi ang u. Tunah a sawi duh apiang i lo ko ang. Pu K. Vanlalauva a ding hmasa ber e.

....166/-

PU K. VANLALAUVA : Pu Speaker, ka lawm e.
Sawi tur a hlei pawh awmlo
viau in ka hria a, a pawimawh hlawm em avangin.

Ka sawi duh hmasak chu Demand No.25-na - Art & Culture Department kha ni sela.

Pu Speaker, he Deptt. hi khawpuiah a tangkai viau a, mahse a Deptt.-in a hma a lo lak tawhna thin sum leh pai harsatna leh indaih lohna avanga harsatna tam tak a lo tawh thin, kan pi leh pu-te sulhnu cheibawl leh enkawl, tuaihnun te an lo tum thin, an theih loh thin hi engvangin nge kan theih loh tir reng ang le tih te ka ngaihtuahna-ah a awm a. He Demand thar ka hmuh atanga ka rilru a lang lian ber chu, ka hriat ve phak chinah chuanin, Constituency pakhatatah chuanin Khawbung Constituency-ah khianin kan pi leh pu-te sulhnu hi a tam ber anih loh pawhin, a ber pawl chu anih ka ringa. Han ngaihtuah mai pawh hianin kan pi leh pu-te indonā ramah an luh lai a, an ruhro lo dah khawmna Lamsial Puk wawin ni thleng a Art & Culture in a humhalh an tum, an puitlin hleih theih loh te, wawin a Ruhro awmkhawm te a tlem tial tial a, humhalhtu awm ta lo a chu, chutiang te.

Tin, Vaphai-ah Thasiama Lo neihna tlang, khing tlang te khi tlang hmuhnawm leh chuan kai pawh nuam tak a ni a. Ruahsur leh nisa in an em a, zawi zawin a lung a ral tial tial a, tunah chuan a tlang pawh tun hma kum 5 kalta ai chuan a lo te ta viau a. Khing te khi engtingge kan humhalh ang a, tun atanga kum 15/20 ah chuan khi tlang khian awmia a neilo mai ang aw tih te min ngaihtuah tir a.

Chutiangin Mizoram tlang hmingthang kan neih zing a mi Tan Tlang-te a tlangchhip a nuam em em a, mahse, a panna kawng kan siam thei lova. Khita tang khian Zoram khawvel a langchiang hle a, chei a chakawm em em a. Farkawn khaw luh dawnah te pawh kan pi leh pu-te thawmah Kungawrhi kua pawh kan sawi fova, khing kua te pawh khi zawi zawia kan humhalh zel loh chuan a ping mai ang tihte a hlauhawm ta a, hmundanga awm ve miah lo a ni a, a pawimawh hle in ka hria.

Dungtlang-ah, Lianchhiari Lunglen Tlang te thawnthu-ah ngaihnawm tak leh pawimawh tak anihna laiah humhalh thei lovin he Deptt. hi a awm thin a. An khawngaihthlak hle in ka hria. Tunah hian kan mi larte Lungphun leh Chanchin-te a awm diat diat a, mahse, enkawltu awm ta lo chu a lo tuiekin a lo thing. Tun ang ngat hi chuan a kawng a hnimin a kal a harsa ani. Hetah Farkawn-ah Lungkei phaw kan tih te, Lungkei phaw tial kan tih te, khingte pawh khi hmundanga awm reng renglo humhalh tlak a tling a, sawi zel dawn ila, sawi sen a ni lovang a.

Tin, tlangtla hmasa tena an inkulhna, an thih apianga an invuina thin pakhat Lian-puih khian kawtchhuah mawi tak Lungphun tam tak awmna te pawh a awm a. Y.M.A.-in eng tin tin emaw an Fund hnuh-khawm atangin an lo enkawl ve dawr dawr thin a, a nuam em em mahse, enkawl loh avanga ramnuuia chang ta mai te.

Tin, Vangchhe khaw luh dawn tep ah khianin Mizo Tlangval to, zan thum vel a lenna hi chu a hmin deuh zel tih khawpa Tlangval to, khimi puk te an halin harsatna a siamsak mai dawn a a hriat avanga a tlanhhiatna puk 'Laltuma puk' pawh enkawl zui hleih theih lohvin a awm reng.

A tawp berah chuan, a dang sawi lo mai ila, Khawbung-ah Hlakungpui kan ti a, khing-te pawh khi YMA leh an mahni Deptt. te pawhin hma an lo la tawh thin a, amaherawhchu, tunah hianin ram rim remin a awm a ni, enkawltu nei lovin. Pu Speaker, hengte zu ngaihtuah hi chuanin Mizoram hianin kan thil hlui, kan pi/pu-te sulhnu hi enkawl tur Deptt. ten an enkawlna tur nei hlei thei lo chung a kan dah te hi tun aia hma la chak deuh hlek turin he an Fund tlemte Demand No. 25-na nuai 189, hengte mai hi chuanin a daih tam lo hle ang tih ka ring a.

Hei bakah kan pipu-te sulhnu niawm tak, an incheina niawm tak han modernise vel te mi tam takin kan lo mamawh baw si a. Heng karah hianin ka rilru a ka ngaihtuah leh ka enghelh em em chu he Deptt. hi kan hman tangkai a, kut kan tih chak loh vaih chuanin tun atanga kum 15 ah chuanin kan pi/pu-te sulhnu tuna kan sawi zawng zawngte pawh hi hmuh tlak lohvin, enkawl tlak lohvin a lo awm tawh mai dawn a ni. Chuvangin, tun term-ah hianin he Deptt. hian in an sum neih ang ang a hma an lak thiam hi a pawimawh mang e, tih leh kan hlaphuah thiamte, kan zaithiam te, fing hmasa leh lehkha zia- thiam hmasa te, Khawbungah Hla Kutpui kan han ti a, an hming kan han ziah-tlar duh dul, an Lung kan han phun, mahse, enkawltu awm ta lo avanga harsatna tawh mekte hi min enkawl sak se kan duh hle a. Chu chu he Demand kan sawi ni-ah hianin, ka lo hual lawk ran ran a ni a. Pu Speaker, he thu hi tawite in kan sawi phawt a ni.

Tin, a dawt lehah chuanin Demand No.51-na Tourism Deptt. hi ka ngai pawimawh hle a. Hei hian zin mite khual bukah hian hma a la a, han tih awm tak pawh a ni e. Tunah hianin hmun tam takah hma an la a, An Building hi a tha a, enkawl tlak pawh a ni. Hmun thenkhatah chuanin tlem a ram ri dep deuh hlek a han sak palh te pawh a awm a ni ang, amaherawhchu, khang kha chu hun kal tawhah ngai ila. Amaherawhchu, mipui chenna, mite mamawhna lai tura han dinte pawh hi a tha mange aw, ka ti a. Kan Constituency min hmutute pawh hian Khawbungah te pawh khianin mawi tak main han din vak mai sela. Tuna han sak ang reng deuh, mahse peih

hleih theih loh, khingte pawh khi han peih sela, a riah te pawh riah ve kan chak a, kan hotute pawhin in chakin ka ring a. Khingte pawh khi tih puitlin hlan mipuiin an chak a, mipuiin an lo thlir thup ani tih kan sawi duh a ni.

Pu Speaker, Demand ddng tam tak sawi chakawm hle mahse langin, Demand pahnih-ah chauh chuan tawp ila a tha awm e. Ka lawm e.

S P E A K E R : Financial Business Rules 147 (3)-na kha en ula, tah khan Speaker thuneihna ani. Kha kha i hresual pawh a ni.
Awle, Pu Nirupam Chakma i lo sawm ang.

PU NIRUPAM CHAKMA : Pu Speaker, ka lawm e. Demand No. 26-na Medical hi sawi hmasak ka duh a. Tin, Session tan ni khan zawhna leh chhanna hunah ka sawi tawh a, Chawngte a Doctor awm loh chungchang, tun thlengin an la awm lova. Kan hriat dan chuan a hotu ber chu Supervi sor a ni a, khawngaih takin kan Minister hian Chawngte-ah hian Doctor min dah sak thei lawm ni ?

Niminpiah mai khan hmeichhe pakhat Nau nei turin an hruai a, mahse, Doctor awm loh avangin a thi ta a. Hemi chungchang hi House-ah kan sawi fo a, awnzia a awm thei lo em ni ? Hman ni-ah ring takin ka sawi a, tunah zawi takin ka sawi a ni. Engti zawnga sawiin nge Sorkar-in action a lak ang ? ka hre-thiam lo a ni.

Chuvangin, ka sawi min pawm sak sela, Office-ah nge kan sawi dawn, khawiah nge kan sawi ang ? Pu Speaker, Chawngte Sub-Center kan nei a, Medical Officer hi training in a kal nge ? ka hre lova, midang dah ani chuang lova, tuna a hotu ber chu Supervisor ani. Chawngte atan hian kan Minister in Doctor a rang thei ang berin min pe se a lawmawm hle ang.

Tin, natna atam em em a, In tin deuh thawah damlo an awm thluah a. Chawngte 'L' ah te Chawngte 'P' ah te Chawngte 'C' ah te an ni a. Chawngte mai bakah Thingtlang-ah pawh natna atam hle a ni. Tukin-ah zero hour ah sawi ka duh a, amaherawhchu Deptt. Demand sawi ho tur a ni a, chuvangin, ka sawi ta lo mai a. He thu hi a pawimawh ani tih Minister-in min hriat sak ka duh ani.

Tin, Chawngte Health Sub-Centre assessment Building kan hriatdan chuan World Bank pawisa in sak ani ang tiin proposal a awm tih kan lo hria a. Nakinah Minister-in a wind-up naah min hrih chiang thei se ka duh a.

Tin, Borapanduri ah Public Sub-Centre Building sak tawh a ni a. B.A.P Scheme atangin Eng-fih-ah nge hawn theih anih ang? Engtenge awm thei ang tih hi ka zawt duh a. Tin, Health for all by 2000 A.D tih hi Department thupui a ni a. Mizoram tawp ka ti mai ang, Parva khua te hi a pawimawh ve a. Statistical importance not only for Mizoram but for the whole of India. Kan House Leader zahawm takin a hria ang, importance chu. Chuvangin, subsidiary Health Centre emaw Primary Health Centre emaw sak dan a awm em? tih hi ka propose duh a. Tin, Western Border hi Malaria Spread zone a nei a, chhungtin Malaria avangin mi tam tak an thi a. Kuminah pawh Western Border area mai nilovin Lawngtlaiah te Saihaah te mi tam tak an thi a. Sorkarin kumtin action plan siam sela. Timely action a lak loh chuan entirnan spray B.A.C. te D.D.T emaw, Malaria dam-dawi dah nan Sorkarin fel takin action plan siam sela ka duh a. Tin, Mobile Medical team hi rural area-ah kan mamawh Medical camp tepawh a selected area Department lam atangin a siam theih chuan a tha ngawt ang.

Pu Speaker, Health Worker Training leh Nursing chungchang thuah hian, a bik takin Minority chungchang thuah hian Education qualification lamah hian kan tha lova, Chuvangin special consideration-a in sak theih dan a awm em? Kan Sorkar hunlaiah chuan reduction hunte pawh kum nga vel kan siam a, Matric passed lote awh Health Worker training turin kan la thin a. Amaherawh chu, reduction period chu a zo tawh a, tunah Matric passed tepawh an awm nual a, amaherawhchu, examination-ah an tlin theih loh avangin lak har kan ti a. Chuvangin Sorkar hian eng policy emaw ngaihtuah sela ka duh a.

Tin, Sericulture chungchang thuah hian Demand No 48, Sericulture chu ka enkawl tawh Department anih avangin tam tak ka hria. Tin, Department Staff te leh Director thlengin ka hrechiang viauin ka hria a. Tin, a enkawl naah Sorkarin assignment pe se a tih chi viauin ka hria. Chuvangin, Sericulture hi Mizoram-ah prospect nei tha ber zinga mi anih avangin, heti zawngin sawi ila, eng kawngin nge Sorkarin Sericulture Department hi a ngaihtuah ang? Engngeni a policy tur? We can go to any extent in Mizoram tih hi ka sawi duh a. Sericulture Department hian tam tak hma ala tawh a, kan Sorkar hunchhung pawhin tam tak hma kan la a. Amaherawh chu, keiman vision ka neih chu Sericulture Trade-ah mi tam tak involved tirin Co-operative Society-te, atleast 50 emaw dilin, co-operative Society hi din sela. Chu chu kan ngaihtuah thin a. Tunah hian eng dinmunah nge a awm ka hre lova. Minister in khawngaihin he House hi hrih sela a tha ngawt ang. Tin, Seed farm hi full fledged seed farm Aizawl ahte kan nei a. Lungleiah te Chhimpui-ah ahte dah theih nise ka duh a. Tin, Drilling leh testing factory Lungleiah tal

emaw kan neih kha a tulin ka hria a. Chu chu Sericulture-ah ka sawi theih nise.

Tin, Art & Culture, hei Institute of Music and Fine Arts hi kumtin student lain music te train a. Kha kha advertisement through in nge engtin nge an lak? Qualification engnge ngai, kha kha district tinah advertisement pein student lak theih dan kha ngaihtuahin ti thei se a tha ang. Tin, State level Cultural meet kumtin nei thei turin rawt ka duh a. District level tepa-wha neih theihdan tur Department lam atangin ngaihtuah theih nise tih ka rawt duh bawk a. Musical Instrument hi Art & Culture atangin an sem thinin ka hria a, chu chu MLA te hi pek theih dan a awm em? tih kha Minister-in min lo ngaihtuah thei se a lawmawm ngawt ang.

Tin, Tourism lampang hi ka Department lo enkawl tawh anih avangin thui tak chu ka hria a. Tourism chungchanga ka sawi duh chu, August 6, 1998 New Delhi a Vidhan Bhawan ah khan Tourism Ministers Conference ka tel ve a, chutah chuan State level Tourism Advisory Board din turin kan sawi a, hmanni khan kan Minister zahawm takin consultative committee-ah min kova, ka tel ve a. Chutah pawh chuan Tourism Advisory Body din turin rawtna kan sia m a. Minister zahawm takin a pawimawh e tiin Tourism Development Committee a din a. Chief Minister Chairman-na hnuaiah lawmawm tak a ni. Ka congratulate e, Mr Minister.

Tin, Tourism Development lam pangah hian pawisatam tak a ngai thin a, India Sorkar-in kumtin Financial Assistant chu a peve nain, Infrastructure Building chauh sak turin pawisa a pe ve a. Tin, maintenance te Mizoram Sorkar-in a tum a ngai a. Chuvang chuan Tourism kan din tak tak dawn chuan, develop tak tak dawn chuan, pawisa, Budget Provision tur pawh tam tak dah sela, a tha ang.

Tin, hemi bakah Tourism Finance Corporation hi New Delhi-ah a awm vela. Pawisa an pe a. Tourism Develop nan Mizoram pawh, vawikhat chu ka zir ve a, sawtah, MD nen kan sawiho a, keima enkawl lain, thui tak kan sawi tawh a. Amamawh ang tawh chu min pe ang an ti a, tun Sorkar hian bawhzui sela a tha ang. Tourism Building sak ringawt ni lovin travel tur hi zawng kan ti a. Tourist Transport lampangah te, bus leina tur te, Taxi leina tur te, pawisa tam tak haichhuek theiin ka hria a. Chuvang chuan, Sorkar lam atangin Tourism Finance Minister dawr turin rawtna ka siam duh a ni.

Tin, Building thua, hei kan Sorkar lai khan Raj Mandal, Diltlang, W.Phaileng, Thenzawl Beraw tlang te, nikumah scheme engngemaw zat Sorkarah theihluh a ni a. Sanction tepawh an hmu nualin ka hria a. Tun ah eng department kutah nge an pek? Executive Agency ka hre duh a. Tin, eng dinhmunah nge scheme pakhat chu kan dah ve a, a chhan chu Chawngte hi a lum viau a, suitable place for the tourist, kan ngaihtuah in scheme-ah kan

proposal tepawh hmuh tawh a niin ka hria, kha kha eng din-hmunah nge a awm ? tih ka zawt luh a.

Pu Speaker, Land Revenue chung-changah Demand No. 6-na, ka sawi duh chu a district partha chungchang a ni a. Kan hriat tawh angin Town-ah leh Sub-Town-ah anih loh chuan Partha hi a hmuh theih loh, tun district policy -ah chuan. Chuvangin Rural Area-ah Partha Pass kan hmu thei lova, hei hi Department lam atangin policy hi review a ngai a ni lawm ni ? ka ti. A chhan chu Villagers Partha nei lote Sorkar-ah an mortgage thei lova, bank finance emaw, cooperation Board Finance emaw engmah an hmu thei lova. Entirnan, Pu Speaker, tawite pakhat chauh, kha kha review sela a tha ngawt ang. Tin, a district policy of road side reserve leh revenue reserve tepawh review a ngai ani lawm ni ? tih hi ka sawi duh a ni. A chhan chu ram, hei House that hmasakah pawh kan sawi thin a. Road side reserve leh revenue reserve policy hi tunah thlak hun a ni lawm ni ? tih hi ka sawi duh a ni, ka lawm e.

S P E A K E R : Pu Sanghmingthanga Pautu.

PU SANGHMINGTHANGA H. PAUTU: Pu Speaker, ka lawm e, Kan ti ve thuak thuak ang a, a hmasa berin Health Department-ah khandan en ta ila. Hemi kan Health Department-ah hian, sawlai kan Hospital saw a bikin tlemin enngun a ngai emaw ? kan ti a. Sawtah sawn nau neihna hmun saw kan mupui kan fate nau neih a a ni a. A bul vel saw duh angin a thianghlim lo deuh hlek a, tin nau neihna a nu pumna tawh, mahse la na lutuk lemlo Varandah ah mi vei huai huaina kara nu an hmuhlawm tawp thin saw chu a zahhlahk deuh thinin ka hria a. Chuvang chuan helai hmunah hian In te deuh tal inasak theih lawm ni ? Kan Minister zahawm tak hian In min lo Note sak sela tih ka duh a, tin a dan a ni hrim hrim a, a nihna takah en/siam ni tawh thin sela, tun ami saw a qualified lo hrim hrim a ni nau neih nan. Chuvangin Nau an neih hma a an awm hahdam nan pindan siam theih niin ka ring a, chu chu siam ngei nise.

Tin, Doctor Specialist ho saw an tam ang reng hle a, heng Major Department an tih mi Medicine te surgery te Gynea angah te hi chuan pathum specialist an awmin an zo hle a, a bakah erawh chuan heng Medical Officer an tihte 3/4 te an awm that hi chuan hneh takin ven theih vek an ni a, sawtianga an awm tam lutuk tepawh saw transfer kual nise, hmun dang dangah specialist awm loh avanga mangang tak tak an tam si a, khangah khandan a tihtheih lawm ni tih chu kan sawi tel duh bawk a.

Tin, Laboratory Technician lamah, saw tak sawn pahnih chiah an awm a. Emergency Duty chhunah leh Zanah an ko bawk a, an khawngaihthlak hle a, tichuan hetah hian 2/1 tal dabbelh nise tih ka sawi tel duh bawk a ni. Chutianga anih loh chuah mihring ve thote an nih avangin an harsat lutuk bik kha a dik dawn em ni ka ti a. Tin, thisen han pek chungchangah tunlai tephei

chuan Malaria avang tepawhin, tin kan ramah chauh nilo India ram hmun hrang hrangah Malaria incident a nasa hle a, churang chuan hei tunlaia Disposable Blood Lancet an tih mai a, blade hriam tak, mi tan pakhat zel an tih ang chite hi duh angin an nei tha tawk lo em ni aw ka ti a, kan hotuten min lo note sak leh sela, tin Malaria damdawi lam guinine ampoule hi mak ka tih riau a awm a. Pu Speaker, kan hotuten a min lo enchian sak ka duh hle a. Quinine ampoule hi ka hriatna a sual loh chuan approved rate-ah Rs.16 an ti a, chu chu approved rate anih chuan a tha a. Amaherawh chu a damdawi burah hian MRP-ah chuan Rs.13.50 a inziak thin a, kha kha chu retailer ten an hralhna tur a ni mai a. Hei hi Aizawl ah pawh hian a rate a inang lo thin a, wholesale rate-ah chuan a thenin kha ampoule khat kha Rs.8/- a pe thei an awm a, a thenin Rs.5/- in. Hrangchhuan Pharmacy sawn 3.80 in an pe thei a. Chu chu Delhi lamah Rs.16/- ten ampoule khat kan lei tlat mai niin a lang a, hei hi Minister zahawm takin min lo chhinchhiahsak sela, tianga thil awm a awm anih chuan heng hi tihfel a tha a, tun hnuah chuan tih tawh loh nisela, pawisa tam tak kan safe thei dawn ani. Tin, hemi kan Doctor te, kan hotute, Director post tepawh hi hetia temporary a timai lo hianin MPSC kutah pekluh nisela, tichuan hotu tur te tihfel zung zung hi a tha lawm ni tih hi kan rawt duh bawk a.

Tin, scholarship-ah budget kan en khanin scholarship hi nimin lamah khan ka sawi tawh a, a dangah, tunah pawh hian ka sawi leh duh a, a bikin Medical students ho hian an thehlut tawh a, hotute hnenah khan tih ka sawi lang duh bawk a, Chutah chuan ka hriatna a sual loh chuan 1500/-p.m. ah nise an ti a, mahse kan sum dinhmun te enin kan harsat deuh a ni thei e. Tunah 500/-p.m. an la a, kumkhatah book grant-ah 1500/-, hei hi tunlai pawisa en hian 1500/- atang hian 100/-a han tihchhoh hi awm hlein ka hria a, an book grant pawh hi kum khatah 3000/- nita sela. Khatiang ang khan heng te hi, ngaih tuahsak an tha lawm ni tiin. Tin, nakinah R.E. lamah te reflect theih a ni dawn lawm ni tih kha kan sawilang duh bawk a,

Tin, hemi AH & Vety lamah ve thung hian han lut ta ila, an ni hi tunhma te kha chuan Vety Doctor te hian ran talh hmaa an check tur niin ka lo hria a. Mizo te hi Sa duh mi tak kan ni a, sate hi a hrisel leh selloh pawh hre lovin kan lei mai mai a ni a. Bazar sa te hi an check ta lemlo em ni ? Keini Bazar hnaih kan ni a, Doctor te kan hre tamlo pawh ani mai thei a, kan lo hresual palh thei a, a check awm ang hi kan hmu ngai mang lolova, talhna hmunkhatah hian a duh duh in an talh a, an rawn la lut a ni mai si a. Sa Hrisello kan ei nasat luattuk avang hian kan hrisello a ni mai lomaw a tih theih rum rum mai keini ang laymen ngaihndan chuan.

Tichuan, kan Vety Doctor ten tun aia uluk deuh hian min check sak thei sela tiin kan Minister zahawm tak hian min lochhinchhiahsak turin ka duh a. Hei ka bial lam han sawi lut zawk ula, Kawnpui Constituency ah hian Vety lama VFA te hi an awm ve nek nek a,

.....173/-

an post-ah hian an awm ve ngai reng reng lo mai a, a buaithlak hle in ka hria a, hotute hnenah pawh ka sawilang tawh a, an awm ve ni chuan record-ah chuan a awm a, a takah chuan an awm hlei lova. Heng hi hotuten khua-ah te kal ngeiin verify thei sela, a tha awm hle in ka hria, Chuvang chuan, awm tha duhlo na na na chu' penalised deuh mai kha a tha lawm ni, hna hmu lo tam tak an awm bawk in ka hria a, chung ho chuan hna an lo hmuh phah thung ang a tih kan sawilang duh tel a.

Hetah Art & Culture-ah khan in Budget hi kan en a, ka hmu thiam lo nge, kan ching let thin a, archeology ah hian an ti ta emaw ni te ka ti a. Thil hlui historical importance enkawl na sum dah ka hmu hauh lo mai a, awm se chu a tha mang e ka ti a. Khawbung bialah khian, entirnan, pipute sulhnu, vawthat, enkawl that ngai tak tak a awm nual mai a, hetiang anih chuan kan thil hlui chu a chhe zel mai awm mange ka ti a. Chumi avang chuan, kha kha a tel lo anih chuan R.E lamah chuan rawn tihlan theih hram ni ta sela, tunhma a kan hmun hlui kan pipu-te sulhnu, khami han zawn chhuah that a, chung lam an ni kuta kan dah ta rau rau anih chuan, chutiang chuan Budget ah te pawh awm ta sela, a tha awm mange tiin kan rawt duh bawk a ni.

Tin, Tourism lamah hianin Pu Speaker, hei hi kan hmasawn ve na tur kawng khat chauh niin ka ring a. Kan Touris. Minister pawh hei a tha a tho hle a, a bei tha hle in ka hria a. Helaiiah hianin kan rawt tel duh chu Training-na lam chungchengah hianin training-na velah khan in pawisa a awm tlem hle in ka hria a.

Hei hi Arts na khat a ni ve a. Training tha an neih khanin an mite, khalaiia an workers te, lo nghak thin te, a midang va kalte tan pawh a han kal a, thingpui han in, han riah nawm man hla tak a, khatiang lai kha, technique tha tak, khatiang han inzir chhuah ve theih si, hetia kan han hriat mai si, kan han tih lem loh a te kha thil tam tak a awm thei in ka ring a, chutiang lampangah kha chuan Training Centre te pawh an neiin ka ring a. Chung chu kan Minister zahawm tak khan in lo chhinchhiah ta sela, khatiang ang khan kan nau te ho hi, kan nula/tlangvang fel tak tak te khatiang khanin Training tir ta ila, tichuan midangte pawh a hip deuh ang a, hnam dang lo kal te, keimahni Mizo. te ngei pawh a tha awm mange tiin kan sawilang tel duh a ni e. Pu Speaker, Ka lawm e.

S P E A K E R

- 174 -
: Pu C. Sangzuala.

PU C. SANGZUALA : Pu Speaker, ka lawm e. Hei tlem te te in kan sawi ve den den chak a. Budget Bu tak taka hi chu enthiam a har viau mai a, a thenlai lai chu a sitawm deuhte chu kan zuk hmu ve a. A hmasa berin hei, Demand No.6-na, Land Revenue & Settlement chungchangah hian kan sawi duh chu. Hei, bial thil pawh, bial thila han tan kha a dik leh maiin kan hria a. Saw, Hlmen quarry saw mi tam tak thihna kha a ni a. Tin, sawmi chauh saw ni lovin, kha thil in a nghawng chhungkaw tam tak an awm a. Housing Loan han tih lai pawh khan pangchan an han chak deuh a, a tih hleih theih em em bik lova, khatiang anih lai khan tunah sawn tlangah leikak ruah mai a awm a, chu chuan he lam dam phei te saw a chhilih tur ang ani leh ang a, tichuan hlauthawng takin sawlai bial kan awm ani a, heng thil-ah hian Revenue lamah engkim kan thlen tawh a, chungte chu eng ang in nge min ngaihtuah pui tak tih kan hre chiah lova, heng thil lo awm palh thut thei te lak a han in venna tur ruahmanna te hi Deptt. hian an dah em aw tih te ka ngaihtuah a.

Nichin Khan Revenue Minister zahawm tak khan Vaivakawn, Hunthar Veng Lei tlahniam tuar tute an lo ngaihsak dan Statement te kha a pe a, a lawm-awm hle in ka hria a, khang atang khan kan harh ta hle zel anih dawn hi tih min ngaihtuah tir a, sawng Lei khi te pawh saw a chim kher kher nghah loh a tha mai awm mange aw, kan thi leh teuh mai ang tih hlauthawna a lian hle a ni. Tuna tuartu lo awm tawh sate avanga buatsaih ngai tam tak te, khawhmun enfel te, khaw siksawi te pawh angain kan hria a, khang atan te leh hmun dang dang a hetiang palh lo awm thei leilung nghet lo zual lai hmun a mite tan hetiang ruahmanna thla veng hi a awm tawm em ? a awm tawm loh chuan, nimin lamah te tawng thlamuan kan ni a, R.E. ah hemi kan dawn lai hi la nei leh thei turah kan in ngai ani a, chungte chu kan thlen ve duh a.

Tin, Revenue lamah surveyor training te, an neih tir thin a, mahse, tun thlang hian training passed tawh eng emaw zat te hna la pek loh nite in ka lo hria a, lehlam pangah Deptt. zu dawr ila an tul zia hi kan hriat ani baw si a, hoti taka indaih lo si hi, a tih reh dan a awm ngei ang, heng trained chhuakte han accomodate-na tur te, indaih zawka vantlang rawng an bawlna tur muala bawl tak tak thei tur te a insiam rem chhoh tumna ruahmanna a awm em tih kha ka zuk hmu thiam lo na a, chu chu chhinchhiah atan ka duh baw a ni.

....175/-

Han kal den den zel ila.
Demand No. 26-na ah hian kal leh ta mai ila, kan Minister zahawm tak pu K.L.Lianchia Demand-ah Khan - Medical ah Khan vaibelche 35 1/2 vel a awm a. Damdawiin kan enkawl danah tunhma in Civil Hospital chu mi harsa ten a thlawna enkawlna/treatment leh ei te dawn theihna anga kan ngaih ang kha a lo nih tak loh hnuah, tun hnuah hian tih danglam leh hlek kha awmin hriat a ni a. Damdawiin dang - Mission damdawiin te, private damdawiin te hi chu mi naran tan kan damdawiin tih phak lo a ni a, a senso te alo sang a. Civil Hospital hi mipui damdawiin anih leh tak tak theih dan tur ruahmanna awm em tih hi ka hrethiam vak lova. Chuti zawng chuan ngaihtuahna hi kal leh ta se, a thlawng ngawt a dawn tumna rilru thalo kha erawh chu ka sawi bik hauh lova. Amaherawhchu, thlamuang taka mite an nat theihna tur te, damdawiin tlawhchhan nei a an inhriat theihna tur te hi chu ngaihtuah ngai hlein ka hria.

Tin, a bik deuh hlekin Health Sub-Centre tih ang chi te hi nei lo veng an la awm thluah a. Aizawl veng thenkhatah tepawh hian veng chengker bik leh Doctor pan harsa bik te, damdawiin leh hmun ualau pan mai harsa bik deuh veng tepawh a awm a ni. Chung angah te pawh chuan Health Sub-Centre hi awm lohna ala awm nual mai a. Chung pek chu tum ang deuhin kan hotute tawngin ka hre tlat a, 'thil awm sa kan en mar phawt dawn a ni' min tihsan deuh em ni ka ti a. Tuna awmlai, a existing dinhmun enfel pah hian heng thil lian tham lo mipui mamawh ngawih ngawih ang chi hi chu a theihna chin chinah chuan han hun fir fer hi tha viauvin ka ring a. Kumin pheichu kan hrisel lo a, kan thi kan thi mai a. Veng leh khaw ngah deuh pheichu kan thi deuh reng ani mai a. Hengah hian kan lo tihve theih chu Health Department atang hian thuife heng hi kan chhan thei niin a lang a. A hun lova thi mi tam tak kan awm a, a hun lo tak takah mi a thih theihloh kan ti mai thei a. Mahse, enkawlna pek loh avang te, a hun taka pek loh avang te, tin, tangka neih loh avang tein mi an thi hma thin a ni a. Hei hi a runthlak em em a ni. Khatiang lakah Khan ka han sawi tak te kha invenna tangkai anih kan ring a.

Tin, Kulikawnah Damdawiin peng hran 'Hospital Extension' tiin kan vuah ta mai a, nau neihna hmun leh training na hmun a hman saw, Damdawiin puitling, Civil Hospital extend na tur ani tih kha a ni a. A nihna tur famkim taka hman theih thuai thuai hi kan chak hle a. Aizawl chhim mai nilovin, Mizoram pum tan Damdawiin pui a lenglo te dah pheichu zung zung nan a pawimawh khawp mai a. Chung atana tul ang ang, a in improvement tul te, tin, a dang dang tepawh, Doctor te thleng pawhin ngaihtuahna lo lian thei sela, lo langsar thei se tih hi kan sawi chak a.

Tin, Demand No. 48-na hi ka hmelhriat tak a ni lo chung chung hian han sawi ve

ila. Kan Department te zingah Sericulture hi tangka kan thar ve na tur awm pawimawh tak niin ka hria a. Tun hnu hi chuan pangang ril atanga silk a siam tepawh hi kan thiam ve tawh hle niin ka hria a. Tunah hian vaibelchhe 2 zet, nuaih 291 emaw a lo lang a. Hei hi no han hring tham ni lo viauin ka hria a. He Department pawh hi scheme fel tak siam a han tih len deuh va, no hring ve a tangka kan ram min tharsak ve tu atan ka duh hle a. A pui a len chuan an fate pawh an lian nge nge thin a, no hring tur Department ni ve si, a pui hi kan ti te ang reng viau mai a. Chu chu R.E., lama hriat atan kan sawi ve duh bawk ani.

Tin, Demand No.25 naah hian kan lutthla leh puat ang a. Hei hi ka hre ve nial nual a. Art & Culture hi Directorate hranga kan dah atang khan Department nung leh hmel lantir rang pawl tak niin ka hria a, lawmawm ka ti a. Tunah hian Department tangkai deuh mai, Mizo zia min tihlam saktu leh hawichbuaktu ani a. Amaherawhchu, thil kan pek hi a te viau mai a. A hnuai-ah hian peng pawimawh tak tak kan hnam zia tihlanna tur-te thil pawimawh tam tak a awm a. Han tilang tur khawp chuan a hmanrua hi a tlem neuh neuh viau a. Chung zingah thil thenkhat han daw duh ka neih chu, hemi chhungah hian Publication Board te kan nei a. Tunah hian nuaih 5 han dah ani awm e. A beitham hle a. Tihpun kan beisei ngawt a. He Publication Board hi kan hnam tana rotling lehkhabu hrah tla emaw, tla lo emaw hnam tana rotling tak tak lehkhabu chaw dangral mai nilo, chutiang lehkhabu chhuah nan, mahni a lehkhabu publish theilote tihsakna atan a ni a. A Board a pawh hi hemi nuaih 5 ringawt hi chuan Board hmelpu a han che vel thei tur chuan a har hrim hrim mai a. Board anga a lo din ve tak tak theih a, autonomous body ang deuh hlek a han chet tir tepawh hi a hun viau lawm ni, tih te kha ka rilruah chuan a awm a. Language promotion leh language development tepawh keng tel tur niin a rinawm a.

Tin, hemi nena inkungkaih tak bawk hi, Art & Culture hnuai-ah, Art & Culture Advisory Board te kha a awm a. Heng ho tang kawp hi kan hnam tana han invawrh zauhnana tangkai em em atana ding vek an ni a. Chung ho han chetna tur, ban han phun na turte pawh hi a awm vek lovin a lang a, kut kuangkuah chunga chetna tur a ang viauin a lang a, ban phara han chet hah hahna tur, hnam rawng an bawl theihna tur hi ngaihtuah sak a ngai viauin ka hria a. Chung chu Art & Culture hian a ken tel avangin tunai hian duat deuh a ngai mange kan Minister ten min lo chhinchhiah sak sela, tunah hian a awm ang ang hi zai taka hman a ngai phawt dawn chuan alang a, belhchhah zauh deuh atan a itawm mange aw ka ti.

Tin, a tawp berah chuan demand 51-na - Tourism hi khualzin hip luh hi pawimawh tak a ni a. Kan tangka hnar ve tur pawh a ni a, kan ram kan tih langsarh ve na tur pawh a ni a. Helamah hian nasa zawk
.....177/-

a an chet theihna tur ruahmanna kawng tunah hian a kaw zau vak lo mange ka ti a, chulamah chuan ka duhthawh thu kan thlen pawh a ni, Pu Speaker, ka lawm e.

PU ZAKHU HLYCHHO : Pu Speaker, kan Baibulah chuan 'Miin khawvel hi a pumin nei sela, a nun chan si sela, atan engnge sawt ang' a ti mai a.

Chutianga mihring nunna khawih thei thil anih avangin a pawimawh hle a ka lo rin lain, hei kan Governor thusawite nimin lam atangin ka lo en a, kan Chief Minister thusawite ka lo en a, a changtu Minister hianin a zir lo nge ni ? a sawi ve thei lo aw ! tih te ka ngaihtuah rum rum a, priority pekna pakhatmah a lang lo a. Kan Chief Minister thusawiah phei chuan "the Department will continue the ongoing works" a ti duh lek mai a. Pu Speaker, hman deuh a, kan Budget chungchanga Radio commentary ni 9.5.'99 a an rawn puan kha ka lo ngaithla a, tunah chuan kan Budget pumpuih hian kalphung thar a awm lem lo a ni tih an rawn comment a, tin khami tuma kan Sessionah khan hemi Medical a kan Sorkar hmalakna chungchang, a bik takin Hospital vel kan zawhnaah khan kan Minister zahawm tak hian "Hmasawhna tur thil thar engmah kan nei lem lo" a ti bawka. Heng commentary te nen kan Governor leh Chief Minister thusawite nena kan enkawp hian, MPC leh MNE Sawrkar-in a Joint Elec-tion Manifesto a Public Health tih a mi zawng zawng tana hriselna Health For All tih programme tipuitling tura hmalak in tum hi chu in thelh dawn niin ka hria. Vawiin a kan sawi turah pawh hian phur awmlo deuh tlatin ka hria a ni. Heti zawng hian ka zu en a, kan Budget bu hlui Sor-kar hmasa Budget kha in copy a, a figure hi inthlak a ni mai lo maw tihte pawhin a sawi theih in ka hria a.

Pu Speaker, ka sawi duh chu kan Minister te, he Sorkar kaihruaitu te hian an demand an pharh dawn hian Zoram hruai an tum dan hi chiangkuang tak-in tilang thei sela tih hi ka sawi duh a. Tuna a lan danah hi chuan Zoram hruai nan hetu zawng hian kal ila tih aiin a development leh a hna buai hian kan buai a ni mai lo maw tih theih deuh thaw turin a kal a. He Departmentah hian hmanni khan zawhna a awm a. Khawbung bialtu zahawm tak pu K.Vanlalauva'n a biala thil thlang a rawn sawi, quarter sa miah silova, a thar anga pawisa lak te, a repair a repair ringawt te kha a rawn sawi chhuak a. Chuvang-in he Department pawh hi an in ngaihtuah ngun a ngai hle in ka hria.

Tin, Pu Speaker, he House a kan sawi hi, kan Minister te hian an Department chan anih avangin an Department hi tan hlur lo sela. A tul angin action heng Member zahawm tak ten a an rawn sawi chhuah a te hi chu hma kan rawn la ang e, kan lo enzui ang e tal

te min tihsak thei sela chu a tha hle in ka hria

A hmasa bera ka sawiduh chu Pu Speaker, Malaria Epidemic chungchang hi a ni. He House-ah hian tun hi ka vawihnih sawina niin ka hria a. He thil hi ka vei em em mai a, Unstarred question-ah pawh khan ka zawt nghe nghe a. Kuminah hian Jan - June thla thleng Malaria avanga thi zat Mizoram-ah engzat nge awm tih ka zawt a. Chuta an rawn chhannaah chuan, Aizawl District-ah mi 42, Lunglei District-ah mi 1, Chhimituipui-ah mi 29. An vaiin mi 72 tiin min chhang a ni. Lunglei hi engtizia nge mi 1 chauh anih theih bik aw tih hi ka ngaihtuah nasa hle a, an record hi a dik lo nge. Tin, a lehlamah chuan an inthlahdah lutuk nge, an ti tha lutuk zawk tih hi chhui tham awmin ka hria. Mizoram pumpuih Malaria avangin kan thi nasa em em mai a. Tin, hmun tam takah ka bial chhungah te ka va kal a, damdawi inah lenglo khawp in leh verandaah te an mu thuap mai a. Chutih lai a Lunglei a Malaria awm lo anga lo lang ta hi thil serious tak niin ka hria a, hei hi a Department leh Minister concern tepawh khan lo chhui sela tih hi ka ngen duh a ni.

Pu Speaker, CAG report nimina kan dawnah khan hetiang hian a rawn in ziak a, Mizoram pumah hian 1992 to 1998 chhung khan Malaria dan nan Mizoram Sorkar in tu Sorkar pawh lo ni rawh se, Sorkar hmasa ka demna pawh nisela a pawh chuangin ka hre lova 10 crore chuang Malaria do nan hian a lo hmang tawh a. Tichuan chumi kum chhung chuan confirmed death hi 224 an awm tawh a ni. Hei hi CAG report Pu Speaker, a ni a. Kuminah hian thlaruk chhungin 72 an thi tawh anih chuan a percentage a han lak chuan a sang hle ang tih hi a chiang a ni. Chuvangin, hei hi enge a chhan tih hi Sorkar hian uluk leh zual a kan chhui a ngai tawh a ni lawm ni ? Mizoram hian kei mi mawl tak damdawi lama engmah hre lo pawhin a ka lo chhui ve dan mai maiah chuan kan thih tamber hi Cancer leh Malaria leh Drugs a ni. Hemi pathum hian nakinah chuan Mizo mipuite hi min la suat palh ang tih hi a hlauhawm in ka hria a.

Pu Speaker, Kan hnung khan Saiha-ah ka va zin a, Damdawin ka tlawh tih ka sawi fo hi, tah chuan engtizia nge heti em em a Malaria kumin a a pun tak tih zawhna ka siam an chhanna-ah chuan kumdangah chuan April ni 5 ah hian DDT Spray hi kan tan ngei ngei a. Kuminah erawh chuan a damdawi a awm loh avangin May ni 12- ah kan tan thei chauh a ni an ti. Thla khat chuang DDT Spray lohvin Mizoram pum hi a awm a ni. Chumi avang chu ani awm mange aw ka ti a.

Tin, kan hotute Medical lam a miten min hrilh dan phei chuan Aizawl-ah kan va dil thin a, mahse Damdawi a awmlo an ti a, vawihnih kan rawn kir ani an ti. Chutiang anih chuan hetiangah thil serious ah hian damdawi awmlo tih hi a awm tur niin ka ringlo. Mizoram pumpui kan nunna inngahna anih avangin

a hun takah Damdawi hi a awm tur ani tih hi he House-ah hian kan Minister hian min tiam thei nghe nghe sela a tha in ka hria. Tin, chulovah chuan, Mizoram pumpui chu ka hre lova, Chhimpui chu chauh ka hria a.

Hei, Medical hi ka sawi zel a, Chhimpui-ah chuan Malaria Spray turin mi 14 chauh an ruai thei tih min hrilh a, khaw 200 deuthaw kap turin mi 14 chauh an ruai thei hi a tlem lutuk. Tin, chulo chu Pu Speaker, thil zahthlak ang reng deuh tak chu, heng Thosi kap ho hlawn hi anni hi part-time a in hlawnfa an ni a, an kah zawh chuan an tawp leh mai a. Tichuan, kah a lo hun leh chuan midang an ruai leh mai a, heng Thosi kap ho hlawn te hi Deptt. hian in kum khat chuang te zuk ba a mawle. Hei hi chu thil dik a ni in ka hrelo. Inhlawnfa, eichawp hlawn te pawisa Deptt.-in kum khat chuangte an bat sak thin hi. Engpawh nise, kan Minister hian min lo en sak thei lawm ni tih hi ka ngen duh a.

Tin, chulova ka sawi leh duh chu - Zemabawk T.B. Hospital chungchang hi a ni. Hei, Mizoram-ah T.B. Hospital pakhat kan nei a, T.B. Hospital pui bera kan nei chu Zemabawk a ni a. Hei hi Mizoram chhunga T.B. vei zawng zawng hian kan pan a ni. Tichuan, he T.B. Hospital enkawl na hi a tlachhe ta hle in ka hria a. Hei, Chanchinbu a rawn chhuak hi pu Speaker i rem tihna in kan chhiarchhuak lawk a nge. 'Tuk tina damlo ten thin pui an dawn thin chu January ni 23 atang khan an dawng tawh lova, an bawngnute dawn thin chu a dal lutuk a, Damlo te tan thatpuina chi a ni lo reng reng a. Luak tichhuak zawk a ni. An chaw ei Buhfai a chhe lutuk a, chawmeh ration a chhe em em baw si a, Sunday tukah sa waw khat an dawng thin a, kum 1998 tlai tina artui dawn thin chu 1999 atang khan tih tawp a ni a. Tui an khawp kham lova, chutih lain pawlam atangin Tui an chawichhuak baw thin si a. An harsatna te hi thuneituten enfiah thei se a lawmawm hle ang'tiin he Chanchinbu hian a rawn ziak ani. Chuvangin, ka zuk sawi duh chu hei hi kan T.B. Hospital nei chhun anih avangin (pu Speaker, a chanchinbu hi, ngawi rawh a copy hi ka la pe dawn nia, kan Minister zahawm tak hi a duh chuan)

Tin, chulova ka sawi leh duh chu, hei Saiha-ah Specialist awm loh thu kan House Question Hour-ah khan ka sawi tawh a, Training kal lai mek, phailam a training specialist kha Saiha an Post a ni. Hei em hi chu tihdan phung ani dawn em ni ? ka ti deuh va, an nei lo anih chuan dah lo law law mai sela, training mek han dah te chu anih hian a nilo lutuk, chuvangin, engpawh ni sela, District Headquarter a ni a, tun hma atang pawin Specialist kan nei ve thin a, khawngaih takin kan Minister zahawm tak hian min dah sak ve thei ang em ? tih kha ka rawn sawilang duh a.

Tin, chumi lo ka sawi duh chu, Pu Speaker, Sericulture Deptt. lam daih Demand No.48 na-ah a ni a, Sericulture hi Mizoram-ah a pawimawh em em ani tih chu kan hria. Amaherawhchu, a Budget han en

hian kuminah a tlahniam lehngal a, a changtu Minister vanduai nge ka hre lo. Budget bu-a a landan chuan nikum aiin a tlahniam ta daih mai a. Chanchinbu pakhat ka chhiar-ah chuan Manipur kan thenawm State-ah lawk khuan hemi Sapan OES atang hian Sericulture Development atan Project Crores 450 lai sengin an siam sak ani tih ka chhiar a, kan Director hnenah pawh ka sawi a, hei hi lo en teh u, thil tih ve theih tur niin ka hria a, Mizoram tan a tha lawm ni tiin Phone in ka hrilh nghe nghe ani. Chuvangin, kan Sorkar hian tun ai hian Sericulture lam uar turin a tul chuan Foriegn aid te pawh zawngin hma lo la thei sela, a tha lawm ni ? tih kan sawi lang duh a.

Tourism leh Arts & Culture hi engvangin nge kumin-ah hian an Budget hi a hniam tak em em ? Nikum lam ah Tourism-ah khan 173.32 anih laiin kumin ah 133.75 chauh a ni a, tin Arts & Culture ah nikumah 193.24 anih laiin kumin ah 189.23 chauh ani mai hi engtizia nge kan Minister hian tan a la lo deuh em ni ? Hei ai hian tan a la deuh thei lawm ni tih kha kan sawi lang duh a.

Tin, Pu Speaker, ka sawi leh duh chu, Tourism-ah hian Matric Pass te tam tak Hotel Management an ti nge phairamah an training tir a, ti-chuan an rawn chhuah hnuah hian M.R. in tlem te hlawhin an ruai a, chung M.R.-a rawih chu vawiin ni thleng hian an regularise thei lo hi paw ka ti a, an khawngaihthlak em em a ni. Chuvangin, hetia phailama training a kan tirh rau rau si chuan engah nge tun aia tha zawk hian hlawhte hi a pek theih lawm ni ? Tin, chubakah an mahni hi a regularise theih lawm ni tih kha ka sawi leh duh ani.

Tin, Pu Speaker, chulo ka han sawi leh duh chu Vety Demand-ah hian ka rawn sawi leh duh a, Demand No.40-na - Ka sawi duh chu hei Mizoramah Ar vulh kan in en courage tan a, mahse Mizoram a kan Ar vulh hi hman niah khan a rate an rawn chhuah a, Mizoram Ar vulh kha ka hriat sual loh chuan Kg-a Rs.65/- in Sorkar-in a fix a, Silchar lam atanga lak hi Kg-ah Rs.80/- atanga Rs.100/- te a ni zawk si a. Hetiang chuan kan encourage zo dawn em ni ? Hei hi chu a rate te kha kan Sorkar hian a lo en tha thei lawm ni ? Phailam atanga lokal tur kan dan theih nan. Tin, tunhma khan Vety hian America atangin an ti emaw ni Vawk tha chi te kha kan chah chhuak an ti a, tunah chuan sawi hi a awm ta mang lova, America Vawk tih pawh ka hmu ta mang lova. Vawksa lei hian ka chhuak ve zauh zauh va, hi hi America chi thlah a ni e, ti a sawi pawh hi ka hre ta mang lova, khangte kha a tha tak tak anih chuanin Deptt. hian hma rawn la chak deuh sela tihte kha kan sawi duh a.

Tin, chulovah chuan hei Mizo, kan custom te nen a inzawm tlat chu Sial hi a ni a, Sial hi kan pipu atangin an sum lakluh na ber a ni a. Vawiin niah erawh chuan Sial hi khawtinah a bo tan ta mai a, exhibition a tam a, T.V -ah te kan hmuh tih mai loh hi chu kan fate ho hi chuan a Sial tak tak pawh an hmu tawh lo mai-thei a ni. Chutiang khawp chuan Mizoram ah hian Sial hi a tlem ta a, chuvang chuan kan Sorkar hian engti zawng a hma lak nge a tum, tunhma ang em a tih loh pawhin Sial firm te siam a chutiang a hengte hi tihpui dan kan Sorkar hian a ngaihtuah thei em tih kha ka rawn sawi duh ani.

pu Speaker, thildang ka rawn sawilang leh duh a. Hei, Vety Bawnghnute lak thin hi a thalo ani, a chang chuan a bel a failo nge ni auh tlat ani. Tin, a changin bleaching powder rim te a nam thin ani. Hei hi thil ho te mah ni sela Deptt. fimkhur loh vang a ni mai awm mange aw, ka ti a. A hnathawktute fimkhur tawh loh vang a ni maithei a, chuvangin, kan Minister zahawm tak hian hengte hi chu siam tha sela. Mi zawng zawng private-a Bawnghnute sem/hralh thin aia kan hlut zawk theih nan fimkhur leh zualin an ti thei lawm ni ? tih kha ka han sawi tel duh bawh ani, pu Speaker, ka lawm e.

S P E A K E R

: Anih leh tun kan chawhma meeting chu kan zo ta a, chawhnu dar 2-ah kan lut leh ang a.
Meeting Adjourned.

S P E A K E R : Kan business ah kan kal leh nghal anga. Chawhma lam khan mi panga lai chuan kan sawi tawh a, sawi tur i lo ko leh ang. Dr. Lalzama.

Dr. LALZAMA : Pu Speaker ka lawm e. Vawina kan demand sawiho ah hian eng eng emaw han tarlan kan duh chu Revenue Department atang hian han tan ta ila, a phok hmasa ber atang hian plan leh non-plan tih ah hian non-plan ah hian a tam viau mai a, plan ah hian engtizia nge a awm loh tihte ka ngaihtuah a. Revenue Department hian tunah pawh engemaw khawpui chhunga ngaih te, khawpui chhung town area a ngaih te, Mizoram a sub-town tih ang te pawh LSC siam tur te pawh an awm tih ka hria a. Heng hi a rang thei anga hmalak hi tha in ka hria a. Kan ram in pawisa a lakluh revenue pawh a hlawk zelna tur niin a lang a. Entirnan ka bial chhungah pawh town area a puan ni ve mahsela, Sihphir khua ah te chuan LSC siam mumal pawh ala nilova. Hmalak mek chu a ni a. Durtlang te khawpui chhung viau a kan ngaih pawh za chuang zet chu LSC la ti lo ani.

Chungah chuan hma han la ve deuhhleka ila. Heng atan hian in hmang deuh ila, a tha awm mange tih kha ngaihtuahna a kan neih a ni. Tin, hei Health Department lampang han sawi leh lawk ila. Hospital leh Dispensary kan tihah hian plan ah hian awm awm tak si non-plan lamah hian pawisa hi a tam zawk deuh tlat mai a. Hei hi ka hrethiam vak lova, engemaw han sawifiah theih te anih chuan a thain ka ring a. Plan a awm sa tarah kan ngai a ni a. Chuvang chuan hei hi enge ni a chhan tihte kan sawi duh a.

Tin, hei Health Department lam hian sawi tur eng eng emaw awm chu nichina chawhma lamah te pawh kan ngaihtlak ang khan malaria lam hi a tam em em mai hi a ni a. Kan ramchhungah helam hria thawhna tak tak tur hi ngaihtuah tham a tlingin ka hria a. Hei kan thih phah nasa em em mai a, Health Sub-Centre te pawh kan la nei tlem a niin ka lo hria a. Amaherawhchu, Central lampangin a kan neih tawk tura a tih zat aia tam kan nei niawm tak chuan kan hria a. Entirnan ka bial chhungah pawh Tuirial ah te pawh khuanin damdawi an hmuh theih mai loh avanga thih phah kha keimah ngei pawhin ka hria a. Chuvangin, an khawngaihtlak thei em em mai a. Kel man te an nei mai lova, damdawi hmuh tur mai a awm siloh avangin mi harsa tak takte pawh a awm theih a ni. Malaria avangin tihian kan thi deuh phuk phuk thin a, kan sawi seng lovang a. Kuminan pawh kan hriat theih a ni a. Damdawi in kan kal pawhin chutiang chuan mi bathlar ah te an mu thep thuap mai a ni a. He lampang hmalakna hi chak fu mai sela a tha awm mange tih kha ngaihtuahna ah kan nei a.

Tin, Health Worker te sawn-
chhuah a, han dah kha ni ta sela. Mahse khawpui lama luh
deuh vek hi kan duh a. Kan insawna kan indah a, lehlam ah
chuan a tihpui tute pawh an tha deuh pawh ani maithei e,
engpawh nisela kan ram siamna tak tak tur leh kan hriselna
kawnga hma kan sawn theihna tur tak takah chuan thingtlang
khaw hmun hrang hrang in 100 vel emaw an awm theihna ah chuan
Health Worker dah theihna tur kawng hi ngaihtuah ila, chung
atan pawh chuan pawisa ruahman belh zel ni ta sela, a thain
kan ring ani a. Entirna turin ka bial chhungah pawh Muthi
ah te an la vei hauh lo mai a, in 100 chuang daih an awm
tawh a. Tuirial leh Airfield ah te pawh dah hun tak niin
kan hre nghe nghe a. Chutiang hmun chu hmundang ah pawh a
tam hle dawn in ka ring a. Chuvangin, malaria natna te an
lo vei pawh a Doctor awmna hmun chiah lo ah pawh damdawi
pek thuaina turin ni ta sela thain kan ring a ni.

Tin, chu lo lelah chuan Aizawl
a kan hospital pui ber hi damdawi hi a awm lo viau mai a,
hei damlo te pawh hian damdawi lei chawp hi a ngai reng mai
ani a, hei hi engnge a chhan aw tih hi hriat a chakawm viau
in ka hria a. Kan indaih loh dan engnge ni, engah nge kan
hman tam ang tih te, dam lo reng rengin damdawi lei chawp
a ngai deuh fo thin a ni. Helai tak mai hi keipawhin an sawi
ka hre fova. Durtlang Hospital a awm kha a hlawk zawk an
tihna chu damdawi lei chawp ve a ngai lo deuh e tihte ani a,
chuvangin engpawh nise kan Aizawl khawpui kan hospital ah
hian damdawi leichawp a ngai zing deuh ani ang. Khatiang tur
atan ruahman tam deuhhlekk thei ila chu a tha awm mange tih kha
ka han tarlang duh bawk a.

Tin, chulo lenah chuan hei Pri-
mary Health Centre kan tih damdawiin te ti mai ila khum sawm
vel awm theihna chutiang pawh chu hei kan mamawh viau zel a.
Khaw lian deuh deuh ah pawh dah tura ruahmanna siam theih
nisela. Entirnan ka bial chhung Sihphir khua ah pawh in
sang chuang a awm ve tawh a. Mahse chutiang chu dah ala ni
ve lova. Khum sawm vel lek emaw awm theihna chi kha han rua-
hman theih te a ni lawm ni. Khaw lian in sang chuang awmna
ah te hi chuan han awm ve awm tak hi ani a. Sawng Zuangtui
ah te pawh in 600 vel an awm a, engmah hi an nei lo mai a.
High School pawh an nei lova, playground pawh an neilova,
tuikhur pawh an nei lova, Health Sub-Centre pawh an nei bawk
lova. Khawpui area ti a han ngai pawimawhin rilru ah awm
se ka duh a ni.

Tin, hei T.B.Hospital chung-
chang kha chawhma lam khan an sawi tawh a. Tah hian Doctor
pawh tunhma nikum lam te chuan riah chilh thin ani a. Tunah
hian an Doctor sawn chhuah ani ta a, a thlaktute kha an riak
ta mang thin lova, a quarter thalo chhuanlamin. Chuvangin
damlote pawh an thla a phang a Doctor in a riahpui pawh an
duh em em a, chutiang kawngah pawh chuanin Department con-
cerned hian lo chhinchhiah deuh se a tha awm mange kan ti
bawk a ni.

A dawt lelah chuan vairam lam
Guwahati ah te pawh Medical College Hospital ah te tunhma
Neurological Research Centre an tihah te pawh hmanraw tha tak
tak a awm a. Entirnan, MRI an tih te leh Scanning an tih
hmanraw tha tak takte hi Mizoram ah pawh hian a lei ve theih
tho lawm ni. Phai pan tur reng a inngaih hi a dik dawn em ni ?

Heng atan hian sum te pawh hi han ruahman thei ta ila a va tha dawn ve. Tam tak phai a kan zuk kal nachhan hi damlo in entir in, heng lamah hmanrua kan neih loh vang te hi ani fo thin a. Chuvang chuan hmanraw tha te neih ve theihna turin hmalak hi ava tha awm ve. Tichuan, kan budget siamah pawh hian han tel ta sela a tha awm mange.

Tin, thil tam tak kan han sawi loh pawh mamawh tak tak tur thil a awm anga. Mahse nakinah belhchhah theih anih hunah han belhchhah mai nisela a tha awmin ka ring a. Vety lampang hi han sawi nghal ila. Vety lampangah pawh hian kan ramah intodelh te kan tum a, sorkar pawhin hma an la a. Sorkar hmalakna lo chho zelah hian ran vulh lama tanlak tur ani a. Budget te kan en chuan Cattle Development te pawh hi duhthu ala sam lo viauin ka hria a. Mahse department lam ten an la belhchhah theih chuan a lawm-awm hlein ka ring. A chhan chu heng hi Mizoram kan intodelh tak tak theihna atana hma kan lakna chikhat ani ve a. Chuvangin, heng hi lo chhinchhiah ni ta sela. Chuvang chuan ran han vulhna hmun deuhhlek, entirnan, ka bial chung bawk han sawi ila Sihphir khua te pawh bawnghnute hi litre 4000 vel dawn tuk tinin Aizawl ah hian an rawn thawn thla thin a. Chungah chuan ran Doctor te pawh an la awm lova. Ran Doctor dahna turin ruahmanna pawh a awm niawmin a lang a, quarters te pawh sak ani tawh a. A rang lama han tih theih ni ta sela. A chhan chu ran inrai tir chungchangah te leh a damlohna te a tam a, Bawng an vulh tam em em a. Chuvangin, khati zawngte pawh khan hma kan zauh zel a pawimawh hle awmin kan hria a. Chuvangin, VFA ringawt han awm chu a tawk lo deuhhlek a ni. Ran damdawi lamte pawh pek a tul a. Natna a tam ve a, khanga han ti zung zung tur leh a thiam zawk tena enkawl theihna tur a duhawm hle a ni.

Tin, hei Art & Culture lam kha tlem han sawi leh ta ila. Chawhma lamah Historical Movements han humhalhna turte pawh awm se tih kha keipawhin tha ka ti a. Hei Mizo Honours la te leh MA Mizo tawnga zirna a mite ngei pawhin heng hmunte hi tlawh an chak pawhin fund a awm thin lova. An thil zir leh sawi thinte a hmun ngeia han hmuhte a chakawm rualin hengte hi han humhalh a zir laite nena khua han fan te a chakawm na in fund te a awmlo thin niin a lang a. Chuvangin heng kawngah hian tan han la deuhhlek ila. Hmanlai leh tunlai kan culture humhalh nan hmanlai chang pawh nilovin tunlai kan culture pawh develop zelna tura hma kan lak chak zawk theihna turin hengah hian tan la ta ila. Library lamte pawh kha han sawi ila, lehkhabu han publish na lam te pawh kha kan sawi bawk a. Khangte kha a tlem viau mai a, keipawhin kan enin duh khawp awm lo viauin ka hria. Hei, State Library leh District Library te pawh han tih changtlun zel theihna turin leh lehkhabu ziak mite pawhin a an publish duh hun anga sorkar atang pawha lo tanpuina awm thei kha a pawimawh hlein ka hria. Mizote hi literature lamah leh lehkhabu publish chungchangah harsatna kan tawk a, keimah ngei pawhin ka rilrua awm ka tih loh phah thin a ni. A publish lam harsatna kha a ni a. Chuvang chuan a publication board hi han vulh len theih deuh hlek nisela, a tha awm mange tih kha kan ngaihtuah a ni.

Tichuan, nichinah khan Health Department lampang kan han sawi khan ka hmanhmawh deuhhlek a, han sawi veleh ka duh a chu hei hi a ni, Doctor thiam tak

tan kan nei teuh a, specialist te, hengho hian an hlawh tur chungchangah harsatna an nei a an hlawh tuna an tihsan hma pawh khan an hlawh hdui han ti ve ila, tunah a thar han la dawn mek chu a ni nain, a thar lak hma a hlawh an lo lak chungchangah pawh hianin an lak tur zat lak loh deuhhlek a awm a, chu chu an han nawr ve mek niin ka ring a. An dilna copy te pawh ka hmu a, chuvangin, heng pawh hi kan doctor te lungawi tak leh tha taka an dinhmun kan hlankai theihna turin hmalak te pawh a tul hlein kan hre bawk a ni. Doctor te kan pan lo thei lova, chuvang chuan dinhmun siamthatna atan kan tarlang duh a ni e, ka lawm e.

PU K. HANGZUALA : Pu Speaker, hun min pek'avangin ka lawm e. A hmasain Demand No. 51-na Tourism hi han sawi ka duh a. Hei ka bial chung Thenzawl ah Tourism Department in Cottage Type nuai sawmthum man dawn lai sak an tum'avangin lawmthu kan sawi duh a. Thenzawl saw Mizoram pumpui saw han thlir ila, Tourism Development atan hian Thenzawl tluka khaw rem hi a awm emaw tih ka chhutna atang chuanin a dang awm awmin ka hre lova. A chhan chu Mizoram laili takah kawngpui ina kiltin atanga a chhun ani a. Tin, Mizoram tuikhawhthla sang ber Vantawngkhawhthla a awm bawk a.

Tin, Tourism Centre reng reng T.V. ah te kan hmuh hi chuan hmun nuam leh tui tam tawk awmna ani deuh zel a. Heng Water Sport te leh Boating te hi tihna remchang a awm zel a. Chutiang angah chuan Zoram ah hianin Thenzawl tluka remchang tui tamna awmin ka hre lova. Tunah sawnin NEC rama tui pakhat saw nuap ilangin 2 Km. vel a tling chho thei a, a kam saw hemi golf course siam nan hian a rem em em mai a. Sport lam hotute pawhin an lova en tawh thin a. Tin, chubakah chuanin Decr Park te Forest in an siam a, tin, hei Tourist hoina an lei fo thin Handloom production awmna hmun (centre) ani bawk a. Aizawl milian nuho zin hi chuanin sawtilaia handloom product saw an hawn teuh zel ani a. Chutiang khawp chuanin Tourist Centre ah Thenzawl saw a rem em em mai a. Hemi lamah hian hei kan hotute pawhin ngaipawimawh in In te an han sak belh zel dawnah hian nakina Tourist Centre tih tak tak dawnah pawh Thenzawl tluka rem saw a awmin ka hre lova. Chu chu kan hotuten min lo chhinchhiah sak turin ka duh a.

Tin, a dawt lehah chuan medical ah hianin lawmthu sawina tur a awm leh a, Thenzawl Hospital saw khum 10 emaw lek awmna ani a, tunah hian kan hotuten khum 30 awmna turin an lo siam chho leh a, lawmawm hlein ka hria a. Chu chu kan sawi hmasa duh a, amaherawhchu, tunah chuan kan Thenzawl damdawiin saw doctor an awm mumal hlei thei lova. May, June thla chho vel pawh khan doctor awm lovin an awm a, mipui an mangang em em mai a. Hmeithai Association ho kha free clinic min zu siamsak teh u tiin an sawm a. Tichuan, joint in YMA te nen June 15 YMA Day khan free clinic an zu hawng a, tah-chuan hotuten doctor tha tak takte minrawn pe a. Khami ni kha kan hlawhtling hle a. Mi 667 an exam a, damdawi Rs.50,000.00 chuang man an sem ral a. Tin, khami ah khanin malaria vei mi 80 chuang hmuhchhuah ani a, chutiang khawp chuan natna a tam a sawlai khuaah sawn. Doctor min han pe zawk a, mahse thlahnih chhuti in a kal leh daih mai a. Tunah hian doctor awm mumal lovin kan awm a. Serchhip atang khian

an zuk vil zeuh zeuh thin a. Hei, thu rinawm tak atanga ka hriat dan chuan Aizawl Civil Hospital ah hianin doctor 60 vel zet awmin an sawi a. Amaherawhchu, enkawl tur hian 40 vel pawhin an enkawl zo zan ang tih ani a. Chuvang chuan he-tianga doctor hmunkhat a awm teuh mai hi thingtlang doctor awm lohna ah sawn dan a awm em aw tihte kan hotuten min lo en sak sela ka duh a.

Tin, Serchhip damdawiin te pawh, a pawimawh em em-mai a, a chhehvel khua zawng zawng khian an pan a ni ber mai a. Amaherawhchu, facilities leh thildang eng eng emaw ah khian an la tlachham em em mai a. November ni khum khan police custody ah zurui mi pakhat a bo-ral a, a chhungte khan post-mortem tir an duh a. Mahse doctor te khan post mortem kan ti theilo in duh chuan Aizawl ah kan refer ang che u an ti a. Mahse Aizawl a ruang inphurh thlakna an neih loh avangin post mortem loh in phum ani a. An chhungte rilru a na em em mai nghe nghe a. Chutiang khawp chuan post mortem pawh ti thei lovin khi damdawiin khi an la changtlung lo niin ka hria a. Hetihlahiah hian kan hotuten an lo hriatpuin changtlung zawka siandan min ngaih-tuah sak turin kan ngen a.

Tin, Revenue lamah Demand 6-na ah hianin khi Serchhip khua khi master plan buatsaih kan tum a. Tunah hianin a team tur rawtna ka siam mek a, chu chu hemi urban development Act leh Rule hnuai a team din dan tur ang ruahman ang hianin Minister concerned hnenah rawtna ka-siam mek a. Chu chu tunah hianin inhmun thenkhat back date a patta tir tum te an awm in hmanni khan lehkhate ka dawng a. Vawlinniah W/T Serchhip atangin ka hmu leh bawk a. Chu chu Revenue Director pawh ka phone nghal a, back date a engemaw tia settlement term an awm chuanin ngun deuhin min lo ensak ula, lo tihsak suh u. Master Plan kan buatsaih dawn a expert team dinin uluk taka khi District Headquarter thar khi a khawthleng te a tha si a plan ala rem bawk a, tih kan tum lai ani a. Hetiang settlement siamah hian lo ti lo hrih phawt teh u tiin request ka siam a. Hei hi kan Minister zahawm tak pawhin min chhinchhiah sak sela thain ka hria a.

Tin, Animal Husbandry ah hianin hei budget buah khanin Feed and Fodder Development tih kha a awm a, 106 lakhs lai a awm a. Hei hi khawi hmunah nge ni an tih dawn aw a lang lem lova budget atang hi chuanin. Amaherawhchu, Thenzawl hmunah sawnin Vety Department in hemi ranchaw hnim chikhat chu tunhma atangin an lo ching tanin an lo seng thin a. Chu chu a tha duh em em mai a, India ramah hianin hetiang tluka a than thatna leh a ngeihna hi a awm lo ange tih hialin comment te pawh a awm niawmin ka hria a. Ranchaw sawtiang ang hnim saw Thenzawl ah sawn ram ruak te ala awm bawk a, kan sorkar hian tihtak takin ti sela, Mizoram a hemi cattlefeed leh hemi fodder lamah hian nasa takin centre kan din theiin Mizoram mamawh bak pawnlam a thawchhuah tur hial te pawh hi a awm thei mai awm mange tiin heti lampang hria te chuan an sawi a. Chuvang chuanin Thenzawl saw hemi ranchaw cattle feed leh fodder lampang development atan hianin a rem leh em em mai a.

Sawti lamah sawn hma min lak sak theih chuan a lawmawm hlein ka ring a. Tin, tunhma atangin NEC Scheme hnuai a sawn Vety Department te vawk vulhna te Ar vulhna te leh Bawng vulhna te nasa takin an lo din tawh a, infrastructure saw awm sa deuh vek ani mai a. Tin, doctor

thiamte pawh an awm sa a, sawlaih sawn ei leh bar leh he-
tianga chaw kan ei a kan telh thin chawmeh lampang sa, meat
production atan pawh Thenzawl saw a rem leh em em mai a, a
climate te pawh saw ran ngeih tawk tak lum lutuk silo, vawt
lutuk silo lai ani a. Tin, ran tih tak taka tih dawn chuan
tui an mamawh nasa em em a, chuvang chuan tui te pawh saw a
tha em em a, tiang atah hian Thenzawl saw a rem leh hlein
ka hria a. Chuvang chuanin NEC ina infrastructure tam tak
an lo siam tawh sa rin mai theih tur sawn hma nasa taka lak
theih niin ka hria a. Heng poultry chungchang thuaah te leh
piggery ah te hmun a remin inte sak sa a awm bawk nen ti
lamah sawnin kan hotuten hma min lak sak sela kan duh bawk
a.

Tin, Sericulture ah pawh hian
Demand 48-ah hian, Thenzawl ah sawn tunah private in eng-
emawzat in Sericulture lamah hian hma an la a. Hetah pawh
hian an hlawhtling hle rinawmin ka hria a. Tunah sawn mi
tam zawkin hetiang lama inhman te pawh an tumin ka hria a.
A lo ti tawh sa te pawh saw an phur viauvin ka hria a. Chu-
vang chuan, sericulture lamah pawh hian Thenzawl saw nasa
taka hmalak nan a rem a ni tih kan hotute pawh hian an hre
thawkhatin ka hria a. Chuvang chuan Handloom lama hmunpui
pakhat a lo nihna laiah sawn sericulture lama hmalak vak te
pawh saw rem viauvin ka hria a. Tahchuan, hengah te pawh
hian hma min han lak sak turin leh sum te pawh tam zawk,
saw lamah an dah theih chuanin an scheme rawn siamah hian a
tha hlein ka hria a. Chutiang chuan Thenzawl saw nasa takin,
kawng hrang hrangin development thil hmalak nan rem hlein
ka hria a. Chungte chu kan sawi duh a. Thildang chu sawi
lo mai ila, khati zawng kha ka sawi theih ni mai se ka lawm e.

DEPUTY SPEAKER : Pu Speaker, ka lawm e. Demand
pathum tawite tein kan sawi duh
a. A hmasa berah chuan Tourism
Department Demand 51-na hi. Hei,
kan hre vek a, India ramah 'Explore India Millenium Year' tih
te 'Visit India' tih te, Central sorkar lam atangin a rawn
puang a. Tichuan, Mizoram Budget bu kan han en chuan he De-
partment atan hian 133.75 lakhs vel dah ani a. India ram
pumpui a visit India Year puan anih lai ang hian Mizoram a
kan pawisa dah te han en hian kan Minister hian eng angin nge
kalpui an tum dan chiah hi hriat a chakawm hlein ka hria a.

Tin, detail deuh a zuk study
phei chuan an pawisa neih tam vak lo chu thu hran nise, staff
zawng zawng hlawh hi plan atanga pek niin a lang a. Tichuan,
an plan pawisa tlem bawk si laiah hian he visit India, Mizo-
ram ah te pawh ramdang atanga lokal an awm chho ve ta nak nak
a. Hmalak na tu pawh tam takin a awm anga, Department hian
eng angin hma a lak alo tum ve hrim hrim hi hriat a chakawm
viauvin ka hria.

Tin, Art & Culture chungchangah
khan kan hriat danin 1993 ah Library Act kan nei tawh a. Amah-
erawhchu, chumi dan chu kan hmang tha lo nge ni ? kan hmang
miah lo ang te pawhin a sawi theih hialin ka hria a. Library
te chu Mizoram pumpui te pawh han en ta ila, India ramah ziak
leh chhiar thiam hnam kan ni a. Tin, Library kan neihna a rei

tawh em em a, chuti chung chuan mi inluah in an la sawn kual an la sawn kual ani mai a. Library building tha deuh angte kan mamawh hlein ka hria a.

Tin, tukim zingah pawh Khawbung bialtu in a sawi tawh ang khan Mizoram ah hian kan Historical Monument, Ancient Monument tam tak kan nei a, chungte chu enkawl mumal mang lova awm mai mai khaw thenkhat ah chuan YMA, tlawngai pawl ten an enkawl chhoh te anni hlawm a, an thahnemngaihna in. Amaherawhchu, hetiang hi mi ramah chuan Ancient Monument, Historical Monument, Preservation Act fel takin an nei a, chung atang chuan eng eng nge an preserve tur chin, tin, a enkawl dan tur pawh Dan in fel takin an lo nei a. Chutiang te chu kan la nei ve lem lo nge ni ? kan la nei lo anih chuan neih thuai a thain ka hria a.

Tin, Demand No. 40-na A.H. & Vety a ka han sawi duh chu department hian anmahni pualin building lian tha tak mai an nei a, a lawmawm hle a ni. Chutihlaila kan sawi duh chu Central Agriculture University hnuaiah hian Vety College kan ramah Selesih ah kan lo nei ve ta a, hei hi Central University ta a ni a, Mizoram a thunei-tu ber leh hotu bera an rawn neih chu OSD Officer on Special Duty tih vel a ni a. Hei NEHU kan nei a, Central Agriculture University atangin Vety College, Central University kan nei ve ta bawk a, engemaw chenah a compare loh theih lohna chin a awm a, NEHU kan en chuan clerical staff te leh IV grade tam takte hi Mizo anni deuh fur mai a, amaherawhchu khimi Selesih ah khi chuan Vety College kan han neih ve tanah hi chuan hnamdang an tamin min pawh tan chho viau niin a lang a.

Tin, OSD te pawh hi deputation term a awm niin ka hria a, deputation term a OSD an dah anih chuan Mizo te pawh hi qualified kan awm ve a, chuvangin kan sorkar hian Mizoram hmangaih taka enkawl thei tu tur he College atan hian dah ve hi a thain ka hria. Shillong ah te leh hmundang dang Nagaland ah te pawh kan hmu a, chungah te chuan anmahni leilung fate an in humhalh nasatzia kan hmu a, hna pek chungchangah te pawh an in humhalh nasatzia kan hmu a. Chuvangin heng Vety College angah te pawh hian Mizo nula leh tlangval tena kan thiamna in a tlin tawh ang kan thawh chhoh tur hi a awm chho a, a awm chho reng dawn a. Chungah chuan kan indahluh ve theihna turin na deuh takin sorkar hian a percentage ang deuh te pawhin hauh nei ve ta ila. Tin, a percentage a kan hauh baka, public pressure ang atangte pawh hian student organisation angte pawhin pressure neiin han sawi leh thin sela. Shillong angah te pheih khu chuan NEHU hnuaiah khuan tunah Central University nimahse, hnamdang tan hian luh a har em em tawh mai ani a, Academic line ah lo chuanin. Chuvangin, Mizoram ah pawh he Vety College bul kan han tanna chiah ah hian uluk taka a leilung fate kan induhsak chhoh hram hram hi a tul hlein ka hria a.

Tin, Health Department ah thil pakhat lek kan sawi duh chu Health Department hi a pawimawh em em mai a, tidamtute anni a, an tihdik loh pawh hi a langsar a, duhthawhna atang ten kan sawi noh noh mai a, kaldan thar a ngai ani tiin kan han sawi thin a, mahse ngun taka ka ngaihtuahin Health Department hi an Department awmdan ang ang tha taka an kalpui hi Mizoram ah chuan a tawh viauvin ka hria. Amaherawhchu, tun an dinhmun a hinchutiang chuan policy leh programme thar duang ila tih lam nilovin, tuna department an

an inenkawl dan pangngai hi a tu a te pawh hi hnathawk thei turin induang sela, chu chu ram pum atan pawha thatna niin ka hria. Han zin ila hmun tam takah Health Sub-Centre neih ve na khua ni si, amaherawhchu, a building awm miah lo, quarter awm miah lo angte, Sub-Health Centre a building mumal awm lo. Chaw chhumna awm miah lo, choka awm miah lo te a tam em em a. Chuvangin, khang kha a nihna tur ang takin han function sela chuan kawng tam takah mipui pawhin hma kan sawn ngein ka ring a.

Tin, department a thawkte an pawimawh em em a, department dang zawng zawng aian a thawktute hi an pawimawh ta bik niin ka hria, tidamtu anni miau a. Tin, a thawktute lah hi department danga han kal ve vak theil an nihna lai a awm a. Engineer te chu department dang dangah pawh an kal thei a, E.E. thlengin post pawh an nei fer fur a. Doctor te leh medical line erawh chu Health Department ah awm tawp anni mai a. An hnathawhna ah hian an lungawi a ngai a, tha taka hna an thawh theihna turin. Chuvangin an department ah staff te Recruitment Rules fello ang zawng zawngte, tunhma kha leh chen kha Director ni miah lovin Director charge lain kan han inhnuk thin kha a ni a. Chuvangin an hnathawhna ah tui taka an thawh theihna turin an staff welfare angte pawh incentive awm ang angte pawh ngaihtuah tul hlein ka hria a. Chutianga staff te phur tak leh hnathawk theia kan siam chuan an hnathawhna ah lo tuiin mipuite pawh hianin a hlawkna a tawpkhawk ah chuan kan tel ang tih ka ring tlat a. Member thenkhat ten duhthawh thil thuah kaldan thar tihte han sawi a awm a. Amaherawhchu, he department ah te chuan an tih tur dik tak an thawh theihna turin sorkar hianin department tan hian hmala selangin Sub-Health Centre neih lohna ah chuan building te, quarter te, a thawktute nen pe se hna an thawh thei ang. Chutiang an neih loh avangin khaw tam tak hi harsa kan ni tlat a ni. Tam takin a dam loh pawh kan dam loh phah tlat a ni.

Tin, Hospital, Sub-Health Centre, Health Centre khum 10 awmna tawh angah pawh a mumal lova, kan dam loh nasat avangin tlawngai pawl ten khumte an dawh belh a, chutianga tanlak chu ani a. Chuvangin, heng zawng zawng hi thuam famkim in department hian han thuam se, an phutaw leh an phak tawh angin a department a thawktute pawh incentive leh a theih ang anga an dinhmun te pawh siamthat ngai te siamtha in, chu chu tun kan dinhmun ah hi chuan a tawh viauin ka hria, ka lawm e.

PU H.LALTANPUIA

:

Pu Speaker, ka lawm e.

Demand No. 26-na Medical

atang hian tan ila, ka han

sawi duh hmasak chu Microscopist

chungchang hi ani a, Microscopist te hi an pawimawh em em in ka hria a. Doctor thiam takte pawh awm mahse an thisen exam result atang khan damdawi an chawh lo thei silova. Tunlai phei chu kan member ten an sawi tawh a, Malaria te a tam em em a, typhoid te. Tin, thisen enah hian hmu thei riau bik te leh hmu thei miah lo te hi an awmin ka hria a. A then phei chuan an hmu thei ta lutuk emaw tih turte an awm a. Sorkar hmasa atanga an lo kalpui thin dan pakhat vawin thlenga

hmun tam taka an la practice IV Grade anmahni department atangin thlakhat vel an training tir a, lekhathiam lo, hei hi PV a nia, hei hi PF a nia, zuk en thiam ngawr ngawr kha thingtlang PHC ah leh Subsidiary Health Centre hmun tam takah an thawtir a ni. Chuvang chuan he thisen en chungchang hia pawimawh si a, kan IV Grade te lekhha thiamlote kha mawh-phurhna kan pe sang lutuk hian ka hria a. Chuvang chuanin kalphung thar kan ti mek mek bawk a, tun atanga hun lokal turah chuan Pu Speaker, rawtna kan siam duh a. Training chhuak kumhnih tal laboratory technician lekhha thiam ni bawk, hetianga te hi kan PHC leh Subsidiary Health Centre kan tih angah te hian dah chhoh theih ni tawh sela, kan IV Grade te pawh IV Grade an nihna anga khan hnathawk ve tawh mai sela tih hi ka duh a. Entirnan, hei, bial dang tam takah pawh in nih ka ring a, an reliable tawk ni hian ka hre tlat lo a ni. Kan microscopist hmun tam taka kan dah te hi. Chuvang chuan doctor thahnemngai leh doctor taima te, doctor thiam tak tak ten damlote a dika treatment an pek theihna tur atan hian kan microscopist te hi siamthat an ngai a. Lekhha thiam, laboratory technician pass te an ni tur a ni tih hi thlak vek hi Zoram pumpuiah hian tum turin kan ngen duh a kan Minister zahawm tak.

Tin, chulo leh kan sawi leh duh chu kan Referral Hospital neih tum chungchangah hian information kan duh mai mai a. Engtikah nge he Referral Hospital a hi zawh theih anih ang? Engtik atangin nge function theih a nihna ang tak tura function theih hun tura hi hriat a chakawm hlein ka hria a. Chu chu min chhan theih chuan a lawmawm khawp bawk anga. Tin, chulo lehah chuan saw Zemabawk ah sawn cancer hemna kan nei ve ta a. Vawiinniah hian mi tam tak, mirethei faten kan chhawr tan chhoh mek niin ka hria a. A lawmawm hle a, sum leh pai nei ve lo phai pan thei lo tam takin an chhawr tawh a. Chutihlai chuan a cancer hentu, a technician saw deputation in college atanga lak a niin ka hria a. Tin, ani saw M.A. Physics ani a, TATA Cancer Institute ah khuan kumhnih chhung hemi atan hian training chhuak ani tawh bawk a. Ani chauh hi Mizo pa kan neihchhun niin ka hria a. Ka hriat dan a sual loh chuan. Mahse, tuna a hlawh lakna saw head mumal awm miah lo in a awm a. Tin, anmahni rank pui ang hi State dangah te chuan Rs. 3000/- atangin an tan tir a, mahse keini chuan Rs. 2200/- pay scale in kan tan tir a, chu pawh chu a head awm lo ani a. Chuvangin, State dang ten an tih thin dan angin a pay pawh saw kan sorkar hian min siamthat sak sela, chuti anih loh chuan tunah sawn ban mai a tum tlat a ni. A ban vaih chuan a tuartu tur chu mipui damlo mirethei tak takte an ni dawn a ni. Chuvangin, College ah chuan promotion chance pawh a awm chho thei ve zel a, anni MSc Physics tan chuan Employment ah problem a awm bawk silova, chuvangin, ani a ban si chuan vai khawilai ami emaw lak chhoh leh a ngai anga. Chuvang chuan kan Mizo thawk thei awmchhun saw saw hriat atan ka han sawilang duh a.

Tin, a dawt lehah chuan ka bial lamah han lut ta ila, hei kan Minister zahawm tak hian a sawi thin a, tha pawh ka ti a a policy hi. Kum 200 a ral hma chuan Sub-Health Centre din thar leh kan tum lovang, a awm sa erawh chu a nihna ang tak turin kan thuan tha dawn ani a ti a, a tha hlein ka hria a. Man memberpui tam tak ten an sawi tawh a Zokhaw lama kan PHC dinhmun te, kan Sub-Health Centre dinhmun te,

a chhe em em a. Entirnan, ka bial Khawlian ah chuan Sub-Health Centre pakhat a awm a, a building quarter pakhatmah a awm lova. Chutiang chuan hmun tam takah a awm a sawi sen ani lova. Amaherawhchu, kan Minister ina a sawi angin vawilekhkhat kan ti thei thut lo anih pawhin zawi zawiin a awmsa tihchangtlun erawh hi chu kan tum turah ka ngai a.

Tin, chutiang bawk chuan ka han sawi leh duh chu Phullen Subsidiary Health Centre tura lo duan tawh Lungpho bial a Ngentiang nen hian term hmasa ah pawh khan a kalchho rual zelin ka hria a. Tin, kum hmasa ah pawh a koken in plan ah hian nuaikhat dah niin ka hria a. Amaherawhchu vawiinniah hian Ngentiang kha chu an sa chho ta zel a. Phullen bik kal rual zel sia kha. Engatinge Phullen hi vawiinni thlenga kutthlak a la nih tak loh tih kha. Vawiinniah hian kan PWD lam ten estimate an la siam lo reng nge ni a chhan ka han hre duh a. Tin, chutih rual chuan rang taka hei chu a thar ani lova, kan Minister in a a sawi policy chhunga mi kha ani a. Chuvang chuan chak taka min umzui pui a, min thawh sak turin kan ngen bawk che u a, kan Minister.

Chulo lelah chuan Demand dangah han kai ta ila. Animal Husbandry Demand No. 40-na ah hian, kan Minister i/c te hnenah te leh kan department hotute hnenah ka sawi fo thin a. Ka bial Vanbawng khi hei Mizoram khua hi Pathian zarah kan tlawh tam ve fu tawh mai a. Vanbawng khi Mizoram khua te zingah chuan a khaw len dan anga tehkhin phei chuan ran tamna ber niin ka hria a. Sial te khi ala tam em em a, ran vulh khi an la uar em em a. Bial han fan chang ni pawh hian Sebawng leh Sial insi te hi hmuh tur a awm deuh reng mai a. Chutiang khawpa an khawchhung ah pawh ran tam ani a. Chuvang chuan khilai ah khian Rural Animal Health Centre kan ti emaw ni, VFA awm theihna chi hi min dah sak ve hram rawh u tiin ka ngen thin a. Tun budget thar kan han pass hnuah pawh hian beiseina sang tak nen Vanbawng ah Rural Animal Health Centre nei turin kan lo inring dawn tih kha kan sawilang deh duh bawk a.

Tin, Phullen ah tunah hian an dahchho leh tawh em ka hre lova. Phullen ah khian VFA hmundangah min transfer sak a, a thar la dah leh lovin vawiihni thleng hian kan awm niin ka hria a. Chungte pawh chu kan Minister zahawm tak hian min lo enchian sak in a thar alo dahlo anih chuan, a thar khawngaih takin min dah sak vat turin ka ngen bawk a.

Tin, Demand No. 48-na Sericulture chungchangah hian kan member pui tam tak ten an sawi tawh angin hma thar lak theihna tur hi a awm lo in ka hria a. Nuai 291 chauh ani a, tunah hian Sericulture ah hian farmer hi 3000 chuang kan nei a. Chungte incentive pekna tur hi hmasawn zawnga kalpuina tur hian pawisa hi a awm lo riauin ka hria a. Remchangah R.E. te kan neih hunah phei chuan, Sericulture hi Mizoram in kan hmingthanpui theih tur ramdangah pawh market problem awm lova kan thawn chhuah theih tur a ni. Chuvangin, kan sum hnar tur leh mirethei chhawmdawlina tur tha tak an retheihna ata chhanchhuak thei tur hlawk si niin ka hria. Chuvangin, sum hi ka dukhawp lo hle a. Remchangah R.E. ah tam zawk min dahsak theih chuan a lawmawm hle ang.

Tin, demand no. 51-na Tourism hi visit India year puan kumte a lo ni a. Mizoramah pawh Committee sang tak neiin hma ropui tak lak tum mek niin ka hria a. Chutihlaia kan sawi duh chu, kan Serchhip bialtu zahawm tak sawi kha, Tourist te pawh hian an tlawh duh laia hi chu tui tamna apiang an tlawh duh a ti a. A dik viauvin ka hria a. Chuvang chuan khawi khawi emaw chawlhbuk han sak ngawt mai ai chuan tui tamna hmunah te han sa se, session hmasa ah te pawh ka lo sawi tawh a. Khimi Rungdil, ka bial Suangpuilawn chhunga mi khi engemaw tal hnuhma min han tih-sak ve teh u. Khimi Rungdil humhimna tur atan pawh ani anga, a Rungdil hrim hrima hi hmingthanna kawng hrang hrang tam tak a nei a, chuvang chuan Rungdil ah hian Tourist Lodge emaw picnic cottage emaw tiang hi min sak sak ve rawh u, ka ti a. Amaherawhchu, sum harsatna avangin a hming chauhin buk sakna tur chu kan dah dawn nia min ti a, lawmawm hlein ka hria a. tun kum atan chuan. Hun lokal zel turah chuan Rungdil khi puitling zawka changtlung zawka kan Tourism Department hian min chei sak turin kan ngen duh bawk a.

Tin, chulo lehah chuan Art & Culture lamah khan a hmingin project report hi MLA nih hma kha chuan ka saam ve thin a, sum hmuh ve na deuh te pawh ani a. Lehkhabu rawn tur tha, Library chungchangah hian kan Library hi ka fangchhuak nasa viau tawhin ka hria a. Lehkhabu tha, project report han siamna tur atana trade hrang hrang industry ah te, agriculture ah te, rawn tur han zawn hian a vang em em mai a. Chuvang chuan kan Library saw changtlung viau mahsela technology lampang hi kan uar lovin ka hria a. Chuvang chuan khawngaih takin kan Minister hian min chhinchhiah sak sela. Thangthar lokal chho zel turte pawh sorkar hi a nihna ang tur state kan nihna ang tur kan kal chho zel anih chuan engkim mai hi project leh scheme tel lo chuan engmah hmuhchhuah theih ani tawh silova. Chuvang chuan kan lekhathiam lo chhuak thar zelte tan rawn tur tha hemi technology lamah hian kan neih hi a pawimawhin ka hria a. Chu chu kan ram pum tan tangkaina tur a ni bawk a. Chuvangin technology lampang hi uar theih hram nise tih hi kan Minister in-charge Art & Culture ka han hriattir duh bawk a ni. Awle, Pu Speaker chuti zawng chu ni mai rawh se, ka lawm e.

PU K. I. ROKHAW

: Pu Speaker, hei Demand sawina hun tha tak min pek avangin ka lawm e. Kan Chief Minister zahawm tak hi awm thei sela

ka ti viau a. Mahse, hei a lo awm lo hlah mai a, pawh ka ti khawp mai. Pu Speaker a pakhatna a sawi ka duh chu Vety Department Demand No. 40 hi a ni a. Hmana kan Chief Minister, Opposition Leader anih lai pawh khan a sawi thin a, large scale production hi Vety ah hian kan neih a ngai khawpin ka hria a. A chhan chu hei kan vawk vulh te, Ar te pawh nise, Bawngte pawh nisela, a vultute hi chungkaw pakhat ina vawk pahnih te an vulh a ni a. An vulhna chaw kha a man a to em a, an han hralh ta a. A Kg. a an han hralh khanin hlep an

nei mang tlat lova. Chuvangin sa man te hi a sang lo thei lova. Chumi avang chuan Large Scale Production hi kan tih a ngai hlein ka hria a.

Tin, kan sorkar hian mahni intodelh hi a tlangaupui ber ani bawk a. Chuvangin kan Chief Minister Opposition Leader anih lai pawh khan a sawi tam ber ani bawk a. Ran vulhtu tur pawh hi sorkarin thlang ta sela, an ran vulhna tur ram ngaihtuah sak ni ta sela. A chaw tur hi theihtawpin sorkarin tanpuina pe ta sela. Chhungkaw pakhat hi vawk 40,50,100 te pawh an vulh thei dawn ta a ni. Mizoram khawpui deuh deuh population leh nitin a sa ei zat te ngaihtuahin vawk vulh tir ni ta sela. Chutiang taka hmalak anih chuan sa ah pawh kan intodelh theih ka ring a.

Tin, Vety Department atanga tanpuina awm thei tur pawh hi khatiang chhungkaw thlan bikte hnenah khan pek ni ta sela. Hetiang anga kan tih chuan sa ah hian kan intodelh ngei ngei in ka ring a ni. Mahni a vawk 2,3 te vulh hi chu hlawk tham ani lova. Intodelh thei dinhmunah kan ding thei dawn lo a ni. Hetiang hian kan Minister hi suggestion ka pe duh a ni.

Tin, a pehnhna ah chuan Bazar a sa talhtu tena sa an hralh reng reng hi a hrisel tawk em ? Mipui tan atha tawk em tih hi Vety Doctor te check tura tih ani a. Mahse an exam/check ngai emaw ka hre lova. Check loh hi tam tak a awm ngei ang. Chuvang chuan nikum lamah pawh bazar ah sawn sa thi tawh, talh nilova amah a thi tawh kha an hralh a ni. Hei hi a department te hian ngaipawimawh in doctor ten check ngei sela a duhawn hle a ni.

Tin, a bik takin doctor te tan pawh hian active taka tih hi a harsa hlein ka ring, part-time a exam tur anih dawn avang khan, hun an neilo hle maithei a. Chuvangin wing hran department hian saamsak thei sela. Chutah chuan doctor te hian bazar a sa te hi mipui tan a hrisel loh sel loh exam reng thei sela. Doctor in a certificate a pek chin chiah kha hralh ni ta sela. Chutiang anih chuan mipui tan a him tawkin ka ring a. Tun anga kan kal zel anih chuan a thi (natna) avanga thi te pawh talh ni ta se, sa ani ve miao si a, mipui tan chuan a dam lo talh leh dam tha talh a kha a sa ah chuan a danglam chuang silova. Chuvangin a department hian träng zawng hian hma la ta sela, a check tu tur hi Vety Department anih pawhin wing hran ah dah ni ta sela, doctor pawh a hran a dah ni ta sela.

Tin, LAD alo nih pawhin Vety Doctor te khanin LAD ah khan wing hran nei ta sela. Chutiang chuanin kalpui ta ila mipui hriselna atan pawh hian a that zel ka ring a ni. Tin, a demand hran lo sawi takah chuan kan Minister zahawm tak khan min lo chhinchhiah sak sela, a lawmawm viau ang. Ka bialah VFA awmna hmun a bik takin Chakhang te, Chapui te leh Tawngkawlawng te, khilai velah khian Zawngling ah te a hmaah kha chuan building tha tak takte kan nei hlawm a. Mahse a building kha a lo rei tawh lutuk a, 1982 a an sak te 1970 tih vela an sak te kha a ni hlawm a. A thar sak belh a awm ta lova. Chuvangin tunah chuan a building pawh hmuh tur a awm tawh reng reng lo a ni. Chuvangin,

engpawhnise VFA te an awmna hmunah hi chuan an office tur leh an quarter tal hi chu min sak sak hram rawh se tih ka rawn ngen duh a. Tin, ran damdawi hi VFA an awmna reng rengah ran damdawi an dil a, pakhatmah an nei ngailo zuk nia!! Chuvangin ran damdawi pawh hi sorkar pawh hian ngai pawimawh sela a tha viauin ka hria a.

Tin, tunah non-plan mobilise tur hian Vety hian 3 crores something a nei in ka hria a. Hei hi cut loh ni sela. Chutiang anih loh chuan chumi chu cut leh zel anih chuan a maintain na tur khan tuna quarter chhe tawhte dispensary chhe tawhte han maintain na tur kha an nei dawn lova, hei hi cut loh hram ni rawh se tih kha kan ngen duh bawk a. Tin, Tuipang Dispensary khi doctor an lo dah thin a, a awm hleithei lova a chhan chu engmah facility pek ani lova. Tin, a dispensary pawh tunah chuan a chhe tawh em em a. Vawk leh Bawng in riahna atan an hmang tawh a. Chuvangin khi pawh khi kan sorkar chak tak hian min lo en sak se a lawmawm viau ang.

Tin, hei demand 25-na Art & Culture hi tlem han sawi ve ka duh a, Art & Culture a kan artist te hi an dinhmun hi sorkar hian ngaihtuah sak se a thain ka hria a, a then te chu kum 10 thawk tawhte 15 thawk tawh te an ni a. Mahsela, artist te hian promotion chance an neilo reng reng a ni. Chuvangin mihring reng reng hi kan hnathawhna kawngah promotion chance a awm loh chuan a phur theih lova, Government tan thahnem a ngaih theih tak tak loh a ni. Chuvangin Artist ho tan hian promotion chance te pawh hi siam nise, service rule te pawh hi en that nise a lawmawm viau ang. Tin, Demand No. 51-na Tourism hi tlem han sawi ve zawk ka duh a. Tourism a thawk reng rengte hi a tlangpui in muster roll a rawih vek an ni. A sang deuhhlekk chu work-charge anni a, chu chu receptionist atan te cook atan te Guwahati ah an zu training tir a, an training zawh ah an lo chhuak a, chuan Mizoram ah M.R. in an lo ruai a. Tunah kum 4 kum 5 thawk tawh deuh vek anni a. M.R. in an la thawk a ni, training tawh an ni. Chuvangin engpawhnise, hetiang training tawh ho hi chu sorkar hian a aia nghet a dah dan hi ngaihtuah hram rawh se tih ka lo sawi duh bawk a.

Tin, Tuipui South ah sawn Highway Restaurant Building lian tak sak a ni a. Keini chhimlam MLA te phei chuan kan va zin hian Tuipui ah sawn riahna hmun a awm lova, chuvangin Tuipui South a Highway Restaurant saw a rang lama hman theihin kan department hian min siamsak ta se. Tin, helai MLA leh Minister te pawhin in va zinin sawmi saw riah nan in hmang ve dawn a, chuvangin hei hi department in ngaipawimawh sela a lawmawm ngawt ang.

Tin, Zihro ah sawn Highway Restaurant kan nei a, mahse a enkawltu tur an awm lova. A Highway Restaurant hi zawh vek tawh a ni a. Engpawhnise, a staff sawlaia thawk tur saw a rang lama min pe turin ka ngen duh bawk a.

Tin, Demand No. 26, Health hi kan Minister zahawm tak khan engpawhnise ka point te te hi min lo chhinchhiah sak sela. A wind-up na ah pawh hei hi a point te te a min hrilhfiah ka duh khawp mai a, chu chu min lo hriat sak sela. Specialist hi hmanni a zawhna leh chhanna ah pawh khan ka zawt a, Saiha ah hian specialist an awm lo a ni. Engpawhnise a dang hi chu kan ti lova, a pawimawh zual bik surgery leh gynaecologist leh medicine, hemi pathum tal hi chu min lo pe hram rawh u tih a sawi ngun ber ka nih ka ring. A chhan chu kan hotute, Member zahawm tak tak ten an rawn sawi tawh ang khan hriselna hi a pawimawh em em mai a, doctor te hi kan hmuh theih kan lei Pathian an ni, damlo tan chuan. Chuvang chuan a pawimawh lutuk avang hian specialist hi engpawhnise la Saiha ah sawn kan Minister zahawm tak hian min lo dahsak hram rawh se.

Tin, engatinge specialist te hian Saiha ah te, Champhai ah te, Lawngtlai ah te engatinge an awm duh loh? An awmna hmun anih loh avangin, an khua leh tui anih loh avangin, helai Aizawl leh Lunglei mi bial vek an nih vang anih ka ring. Chuvangin, specialist hetiang taka sawichhuah a har chuan engatinge Chhimtuipui a mite saw Saiha leh Lawngtlai a dah tur doctor fel tak tak kan nei asin. Sawng a mite saw specialist turin tir sak ve se. Training ve ta sela chuan specialist kan duh e, min lo pe hram rawh u kan ti lovang, anni saw kan ring dawn a ni. Mahse Chhimtuipui atangin specialist pakhatmah kan nei lova. Kan dil kan dil thin che u a ni. Chuvangin kan Minister zahawm takte hian doctor te chu Government Servant an ni a, sawn a a pawimawhna hmun apiangah dah tur an ni. Mipui avanga hnathawk an ni. Chuvangin an duh leh duh loh lam a nilova, sorkarin hetah awm rawh a tihna hmunah an awm tur a ni. Hei hi min ngaih pawimawh sak hram turin ka ngen a ni.

Tin, Chakhang PHC hi kan khua a ni a, kan sawilan duh chu, Chakhang PHC hi 1991 a din tawh ani a, a building sak zawh vek tawh ani a. Tin, staff quarter pakhat sak ani tawh bawka. Doctor quarter kan la nei lova, tin a building kan sak tawhah pawh department in hma an lak zui loh avangin a bang te, a chhuat te leh a dang dang a chhe leh deuh vek tawh a, a chhungah Bawng leh Vawk te an riak a. Chuvangin heng chhe tawh maintain na tur leh doctor quarter leh nurse quarter sakna tur khi kan Minister hian kumina financial year chhung hian min ngaihtuah sak hram rawh se tih leh, Doctor pawh min dah sak hram rawh se tih hi ka ngen duh a ni.

Pu Speaker, Drug Control Department hi ka ngai pawimawh em em thin a, a chhan chu damdawi dik lo hi a tam em em a, chumi check tur chuan Drug Inspector te hi an pawimawh em em a. Chuvangin Health Department atangin a hrangin din nise, tichuan anni chuan damdawi hi a dik leh diklo an test thei dawn ta a. Tin, tunah hian Drug Testing Laboratory hi kan la nei lova, Calcutta kan tawm a, Calcutta ah damdawi a dik leh dik loh kan test tir a, a lo thlen leh meuh chuan thenkhat te a thang thin a. Chuvangin kan sorkar thar hian Drug Testing Laboratory a ranglamin ngaihtuah se a lawm-

awm viau vang. Kan Chief Minister, opposition leader a nih lai khan, "Keini kan lo sorkar hunah chuan damdawi hi lei a ni tawh lovang a, a thlawnin kan pe tawh dawn a ni" a ti a. Chuvangin, Mizo mipuite hian a thlawn a damdawi min pe thei tur sorkar thar an neih dawn avang hian beiseina lian tak kan nei a. Min pe thei lo anih erawh chuan thudik lo min hrilh a ni ang, Pu Speaker ka lawm e.

PU LALCHAMLIANA

: Pu Speaker, ka lawm e. Hei mi tam berin a kan vei Medical lam a Malaria ah khan tawite han sawi ve ka duh a. Kan

Opposition Group Leader zahawm tak khanin kan vei ang min vei pui a. Nichinah Saiha a ava zin tum a malaria tam chhan a zawhte kha lawmawm ka ti em em a, malaria hi 1958 atangin an bei chho tawh a. Chuan 1977 ah chuan Eradication nilovin control an ti a, mahse vawiinni thleng hian kan la tuar zel a, CAG Report te kan han en chuan Mizoram hian kan ti tha vak lo a ni tih chu phat rual a ni lova. Chumi rual rual chuan a takin kan vei zel a, kan la thih phah zel si a. Chuvangin, malaria do na kawngah hian chuan Health Department hian improvement a neih theih ka ring tlat a, chu chu kan tarlang ve duh a, DDT a hun taka kah loh vang nge, a detection a tha tawk lo nge, a tihdam na damdawi a tha tawk lo nge, kha chu ka hre lo. Amaherawhchu, tun aia tha hian hma an lak theih hi ka ring a, chumi tur chuan kan Minister zahawm tak pawh hi kan ngen duh a ni.

Kha lam kha chu kan dinglam a thute hi kan pui tawk viau tawhin ka hria a. Health Department he sorkar thar a lo pian hnu a hmalakna hi a fakawm ve tihte pawh tarlan thain ka hria a. Hun rei tak atanga Director mumal mang lova awm te, tin, promotion ah stagnation nasa lutuk awmte pawh kha tun sorkar thar ah chuan Directorate pahnih ah siamfel turin Cabinet Decision a awm tawh niin ka hria a, a lawmawm hlein ka hria a. Tin, chubakah chuan mi harsa zualten natna khirh zual an veiin, chung mite chu pawisa a tanpuina tur scheme te pawh rawn duanchhuah niin ka lo hria a. Ka bial atangin T.B. vei pakhat a awm a. Tunah phei chuan, hmannah, "Pawisa a la remchang love" an ti a, tunah a remchang tawh em ka hre lova. Kan hawng duh tawh si an ti a. An laksak theihna mai awm "authorised letter" leh ka pawisa thenkhatte pawh kan inthleng ve nual a, kan beisei ve viau a ni. Hetiang ang scheme an han siamchhuak te hi tha hlein ka hria a. Lawmthu kan sawi duh a.

Tin, specialist semrual chung-chang thuah an la indaih lo hle tih kan hriat rual hian, Lung- lei lam te pawh a bialtu te ve ve an awm lova, South leh North, an lawm ve thovin ka ring a. Lunglei ah pawh specialist 10 chuang lai an awm a. Saiha lam pawh kha an dah ve turah ngai ila.

Malaria ah khan tlem han kir leh kan duh chu Pu Speaker, thingtlang lam chu kan buaina a awm a tihchian a ngai a ni. Thin lian hian Quinine a hua tih hi a awm a, Doctor te kan zawh lah chuan chutiang a awm ngawt lo. Malaria miin a lo vei hian a thin a len phah thei a, a kal (Kidney) a thalo thei a, a chuap a thalo thei bawk a. An lo vei rei tawh khan, khatianga han tih khan an dam zo ta lo thin a ni an ti a. Chutiang anih chuan Zoram hriat ah hian puanchhuah theih nisela, a tha hlein ka ring a, kan ngen nghal duh a ni.

Tin, malaria bawk kha han sawi leh ta ila, kan hnung deuhah khan kan vei nasa hle hlawm a, tun thleng pawhin a la ni a. Silchar tlangdung ah khuan mak deuh chu Bilkhawthlir leh Vairengte inkarah khuan a tlak lam aian a chhuah lamah khuan an vei nasa a. Saipum, Saiphai, Phainuam, N.Chawnpui tih ah te khuan. Amaherawhchu khilalah khuan damdawiin a awm tha lo a, hei kan Minister zahawm tak Col. Lalchungnunga te pawh a vanglai deuhin an zuk tlawh a. Miin malaria lo veiin lo na ta viau sela, damdawiin hnai ber chu Bilkhawthlir km.40 chuang a lo ni a. Thisen pawh la sela, a en tu kha an awm mumal leh lova. Bilkhawthlir ah emaw, Kolosib ah emaw an kal a ngai leh ta a ni. Chuvangin, tun tum Budget ah hian PHC atan pawisa dah engemaw zat a awm ve teuh mai a. Plan ah nuai 645.34, non-plan ah 486, hengte hi engtianga hman tur nge ni ang aw, khulai ruam khuan damdawiin an van mamawh em em ve mawle !! Km. 40 vela damdawiin han pan te kha a harsa hle mai a. Chuvang chuan khulai khu a bik takin en ta ila, Tuirial Hydrel Project te khu siam tur anni leh ta nghal a. Malaria avanga Tuirial Hydrel Project te khu siam tlai phah anih kha a hlauhawm rum rum mai a. Khulai bawrah khuan Saipum nge, Saiphai nge chu ka hre lova. Khawngaih takin khum 10, SHC ani emaw, a aia lian deuh, a theih phei chuan duhtusam a nia kan dah thei dawn lawm ni ? tih kha ngenna angin ka sawi ve duh a ni.

Pu Speaker, Land Revenue lampang kha tawite han sawi ka duh a. Hei Vairengte ah khuan hun rei tak atang tawhin counter insurgency and jungle welfare training school a awm a, khu khuan ram engemaw zat an duh a ni. Vairengte in thlawhhma an lakna tur te, leipui an siamna tur te an nei zim em em a. Sorkar hmasa ah khan Soil ram te leh ram thenkhat dang an lo dil belh a pek tumna a lo awm a. Chu chu kumin kum tir lam pawh khan a teh tu tur nia sorkar tuat ten an zuk teh niin ka hria a, Hectre 110 lai. Tahchuan Soil Department ina rubber 1500 bawr vel a lophunna te pawh chu chu sikul training na atan chuan chulai hmun chu pek tumna a lo awm niin ka hria a. Pu Speaker, hei hi khulai mipui ten rem an ti lo ani tih hi vawinah hian he House hi ka hrih duh a. Chuvangin khawngaih takin sorkar a thuneituten khulai C.I.J.W. School khu ram pek belh tawh lo sela. Chuti lo chu mipui te khu kan chep ta lutuk a ni kan ti a ni.

Tin, Vety chungchang thuah khan thil pakhat han tarlan ve mai mai ka duh a. Han kal velin an indaih loh dan te kan hria a. Kolasib a DVO Office ah te pawh ka leng tawh a. Tahchuan khulalah khuan ran vulh an uar ve hle a ni. Phaisen pa, Pu Thanliana phei chuan Bawng 40 a vulh a, chu chu eizawn nan a hmang a ni tihte pawh ka hrih a. Mahse, midangte sawi ang bawh khan V.F.A. an awm tha lo ve a. Saiphai ah phei chuan hun rei tak atang tawh khan IV Grade M.R. kum 8 chuang thawk tawh khan charge a la a, a V.F.A. pangngai ai mah mahin a thiam a niawm e an ti tawh nghe nghe a. Chutiang chu khulai dinhmun chu a ni a. Chuvangin a indaih lo ang ang hian a awm ang hi semrual dan kawng zawn hi a pawimawh em em in ka hria a. Min eizawn nan tak takah an hmang tiang chuan. Immunization an han tih dawn pawn Kolasib atanga DVO hova an zuk chhukthlak te a ngai leh rih thin a, a hrehawm hle a ni. Chuvangin khawngaih takin heng kan indaih lo chung chung hian staff te hi semrual a. Tin, hnathawk tha tawh lovin an awm em? Kan staff te kan posting hi, a thu maia kan post hi a ni em? A takin an awm em? tihte pawh hi ngun lehzual, uluk deuhhlek a he kalphung thar nei sorkar ah hi chuan en a va tha awm ve tih hi Pu Speaker, ka ngenna a ni e, ka lawm e.

...199/-

PU LALTHAN KUNGA

: Pu Speaker, ka lawm e.
Hei Demand No.6-na Revenue-ah
khanin thil kalphung thar ang
reng deuh tak lo langin ka hria
a, Office Expense lamah a tla hniam tlangpui viau a. Tin,
Survey leh Settlement Operation lam ah Khan pawisa a lo
pung chho deuh hlek a, hei kan hriat theuh angin Revenue
Deptt. hi pawisa Sorkar-in a lak luhna hnar pawimawh tak
a ni a, LSC pek chhuah chungchang thua chak zawka hma a
lak theihna turin kan Sorkar hian hma lo la teh se tiin
Session hmasa khan ka sawi tawh a. A chhan chu Revenue
sources atang hian in pawisa tam tak hmuh tur kan la nei
in ka hria a. Mihausa pui pui in zau tak tak ram an nei
a, mahse LSC si loh, mahse an hauh deuh hlur bawk si a.
Tin, chu tih lai chuanin LSC duh ngawih ngawih engemaw
Loan han lak duh ve dawn pawh a dahkham tur lo mamawh
te pek theih si loh, khanglai bawr a kha a hnawksak viau
a, chu chu kan Sorkar hian tunah hian thenfai tumin dan
lam ah pawh hma chak takin a la tih kan lo hria a, a
thlamuan thlak hle ani. Chu chu tawite in kan tarlang
duh a.

Tin, Demand No.40-na ah hian
an sawi tam viau tawh a, tawite a han tarlan ka duh a
chu thildang kha chu ka sawinawm ve tawhlo mai ang a.
Animal Feeds lam-ah hianin chak tak a kan Sorkar-in a hma
a lak a hi Revenue source lamah pawh a pawimawhna awmin
ka hria a. A chhan chu heng kan ram a Bekang te leh
Vaimin te Animal Feeds atana han process tur hianin a tha
duh em em a. Chu chu mipui te pawhin a sumhnar an lo
siam theihna thil remchang tak ni te pawh hian alangin
ka hria a. Helamah hianin kan Sorkar hian in hma chak
takin la thei sela. Tunah hianin Budget-ah hian a la in
reflect tam yaklo niin ka hria a, hetiang thil han tihna
tak tak tur a hi.

Tin, kan Deptt. lam a mite
a technology lamah pawh thiam tawk leh rinawm tawk niin
ka hria a. churang chuan, Mizoram chungah hian ran chaw
tur a hi duh tawk a siam theih tur ni a a lanlain helam-
pang tumna a hi kan tlachham deuh hlek em ni chu aw, ka ti
thin a. Churang chuan, Doctor lampangte a engemaw bawvel
a kha chu a pawimawhlo tihna ni lovin kan intodelhna tak
tak tur leh hma kan lak tak takna, kaltluan theihna tur
atan chuan a chaw lam a hma kan lak te pawh a pawimawhin ka
hria a. Sawitur a tam hle na in ka kalpel mai ang a.

Hemi Tourism chungchang thua
khan tawite a sawi leh ka duh pakhat a awm-a. Hei pawh
hi Revenue siamna tur atan a pawimawh pakhat ani a, Tou-
rist ho an lo kal tam poh leh Mizoram mipuite chuan kan
hamthat pui dawn ani mai a, chumi atan a khawvel ram zau
zawkte kan han thlir phei chuan ram tam tak a hi Tourist
atang ringawt a Revenue siam a ram lo enkawlte pawh an
awm a ni tih kan hotute pawhin an sawi a. He kan ram

mawi tak mai hi short duration film te pawh han siam a, chung atana pawisa te pawh chu ruahman a, Tourist attraction lamah hianin hma kan lak a hun ve tawh lawm ni tih ka ngaihtuahna-ah a awm a. Chung atan chuanin Advertisement te pawh hi lian leh tam zawk a kan siamchhuah theihna turin, sum leh pai pawh kan Sorkar hian a dah thein ka ring ani. Tuna Budget kan discuss mek lai hi chu kan Chief Minister zahawm takin a sawi ang khan, nikum a Vaibelchhe 333 base khanin kan siam deuh mai mai niin alang a. Hemi aia tam hi kan la siam thei dawn niin a lang a, pawisa lo luhna tur hnar hrang hrangte pawh sawilan anih avangin, he Tourist Development thilah hianin nasa tak a kan Sorkar-in hma kan lak thar hi a pawimawh viau in ka hria a. Kan ram a hmingthanna mai tur pawh ani lova, kan ramin a Revenue tam tak a lak luh theihna tur atanah hmalakna pawimawh lutuk anih avangin, hemi film siamna lamah pawh hian-kan Sorkar hian hmatar la sela ka duh tak meuh ani tih kha tawite in kan sawi ve duh bawk ani.

Pu Speaker, Health & Medical chungchang thuah hianin sawi tur a tam hle in ka hria a, kan Sorkar-in a hma a lo lakna te, Referral Hospital a lo buatsaihna te, kan han hriatin, lawmawm kan ti a, ka hma a an rawn sawi tak ang khan a Deptt. pawh hi Bifurcation hi tih puitlin mai theih tur niawmte pawhin ka hria a. Chutiang anih chuan Medical Deptt. hi mumal lo tak hian a kal rei tawh lutuk a. Chuvangin, R.R. te pawh hi mumal takin kan Sorkar hian hmang tawh sela, tichuan, bifurcation te pawh hi tih puitlin tur anih chuanin Officiating kan han tih ang chi mai mai ni lo hian dahngheh dan tur kawng a Deptt. a hi singsak nive sela.

Tin, Health Deptt. hmalakna a lo langchho zel a, MLA te chuan mithi buaipui hi a hau-tak khawp mai a, a tihdam lam hi a mithi buaipuitu-ah an tel bawk si a. A sawi loh theih lova, kan Sorkar-in hemi chungchang thu a mithi phurhna tur a bik taka siam tur a Motor pathum lai an buatsaih tate leh pakhat phei chu a peih tep tawh a, hriat anih a hi a lawmawm ka ti a. Hemi a Deptt. in a hma a lakna tur atana thil pawimawh ni a ka hriat a chu tunah hianin hmannah khanin kan Minister pawh-in a tarlang tawh a Aizawl-ah Specialist Doctor te tam tak kan nei a, a lawmawm hle. Mahse, Zokhaw lamah harsatna kan mipuiten an tawh a, an ei a chhe zawk a, hna an thawk rim zawk bawk a, an hrisello zawk bawk si a. Chutihlaia kan hlamchhiah tlat mai hi a pawl viauin ka hria

Chuvang chuanin, heng Sub-Centre tak ngial pawh hi an thlahlel ngawih ngawih a, heng a Health - Worker te pawh hi Doctor angin an ngai tak meuh meuh ani kan Thingtlang mite hian. Chumi kawngah chuanin Sub-Centre hmasawmna tur kha hemi kan Budget-ah alang mang lovin ka hria a, chu chu engemaw chenah chuanin

phok 199-na ah khanin Health Sub-Centre atan khanin a pay, a hlawh tur lama kha a tlahniam thut mai a, a D.A. kha a pung thut ang lawi si a, kha kha ka hrethiam lo viau a, enge a awzia kan Minister-in la rawn sawifiah thei sela a tha viauin ka hria a. Tin, Sub-Centre mai bakah hianin Main - Centre te, P.H.C.-te kan han ti a, ka hma a miten an sawi tawh ang bawh khan kei ka bialah khianin Sakawrdai-ah a Building chu an sa thluah mai a, a han hman tak takna tur a thuan a kha a awm vak lova. Tin, chubakah huanin khawngaih takin kan Minister khanin min lo chhinchhiah sak sela. Sawmi hmar tawpa Mauchar khua-ah sawn In 160 zet an ni ve a, Health Sub-Centre hi sak tawh a ni a, a thawktu vawiin ni thlengin dah loh in a awm a, a hnai ber Zohmun saw Km 26 vel a ni a. Chuvang chuanin Nau neih, Damloh thilah a kawng tha bawh silo, a Jeep Road awchhuna pawh saw thal laiah chauh kal theih ani. Chuvang chuanin mipui hi an mangang hle mai ani, tih min lo hriatsak sela, sawnglai te saw tih changtlung theih dan kawng a awm em, kan hre chak ang reng viau a.

Tin, Zohmun pawh hi Sub-Centre, a Building chu sawi loh quarter pawh luah tlak lohvin a awm fai vek tawh a, hei hi Household pawh 300 chuang zet awmna hmun si, tin, a chhehvel a mi palsang te, Tinghmun te, Mauchar tena an lo rinpui ni ve bawh si a kha, vawiin-ah hian ngaihsak a pawimawh viauin ka hria a. Hetah hian-in kan Sorkar hian theih sela chuanin Main Centre te ang tal hi chu dah ve dan tur tal min han dap sak sela, tha viauin ka hria a.

Tin, Darlawn khi Main Centre a ni a, In 1000 dawnlai an ni a. A vel bawrah khianin khaw tam tak a awm bawh a. Tunah khianin Damdawiin an ti a, an han pan ve a, amaherawhchu, in admit thei si lovin a seat te a lo limit ve lo thei si lova, khawngaih takin khi khi P.H.C. ah tal hi chuan kan Sorkar hian min hlan kaisak ve sela, ka duh ani. Ratu khi a bial hming putu a ni a, In 400 teh meuh tur ni ve si a khi, Sub-Centre ang vel bawrin tunah khianin enkawl a ni deuh ber a, Main Centre mumal taka enkawl ve atan a tha hle in ka hria, hetah hian kan hotuten beng min lo chhit sak sela, ka duh a.

Hei, Primary Sub-Centre hi Pehlawn-ah te, Sailutar, Lungsum, Damdai, N.Khawdungsei leh Khawpuar-ah te hian hawn a la ni lova, hei hi ka ziak tam viau tawh a, ka sawi tam bawh a, a chhan chu Km 10 te Km 15 te a thisen la tur leh Nau nei tura an han kal thin a hi chu dik tak chuan lai a lo na ve lo thei lova.

Tin, Maternity leh Child Welfare thuah pawh hianin phok 219 na-ah khanin nikum lamah khanin nuai 125 dah niin ka hria a, kha kha kumin hian reflect a ni leh ta lova. Ka bial Ratu leh Sawleng-ah

Election puan anih tawh hnu khan Maternity Ward Contract hna kha pek an ni a, amaherawhchu, material te pawh la khawm tawh dul si in, an rauh san leh ta a. A sanction kha pawh kir ani leh ta mai nge Contractor hian a rauh-san tih a kha hriat ka duh viau a, kan Minister zahawm tak khan min lo chhinchhiah sak thei se, ka lawm khawp ang.

Tin, Sub-Centre chungchang thu bawkah khan tawite han luh leh duhna ka nei a. Hmun thenkhatah Female te kan dah a, Male awm lohna a tam hle a, chuti lain Sub-Centre sakna hmunah pawh Health Worker dah theih loh na te kan la nei a. Pu Speaker, kan Sorkar hian heng Sub-Centre changtlun theihna tur leh ngialnghehna tur hian pawisa hi min dah belh sak thei lawm ni le ? Dik tak chuan Thingtlang lama harsatna tawk mektute harsatna hi khawpui atang hian kan hre tawk lo deuh em ni aw, tih palh a awl khawp mai a. Km 20, 15, 30 ah te Nau nei tura an han kal a, Motor duh ang hman tur awm bawk si lo. Khang ang thil kha ngaihtuah ngam pawh a harsa hle in ka hria. Chuvang chuan, Maternity Ward heng, Sub-Centre lam ah te hian kan Sorkar hian hma chak zawka a lak theihna turin pawisa pawh hi kan Sorkar hian dahbelh a, revised estimate-ah te pawh tam zawk a min dahsak a pawimawh viau in ka hria a.

A tawp ber atan chuan Doctor, Aizawla an awm luai luai lai hianin thil pakhat han tarlan duh bik ka neih chu, kan House Doctor te hlawh kan ti dawn nge, lawman kan ti dawn ka hre lova. Kan House Doctor te lawman kan pek hi State thenkhat-ah an pek dan te han khaikhin hian a zahpuiawm deuhin ka hria a. Chuvang chuan heng Docotor te hi an hah em em ve tho mai si a kan chhawr tam ber te an ni mai awm mange tih tur zawk ani mai si a. Chuvang chuan, kan Minister khan min lo chhinchhiah sak sela, an lawman kan pek hi a tihpun sak theih lawm ni ? tih kha tawite in kan tarlang leh duh bawk ani e. Pu Speaker, ka lawm e.

S P E A K E R. : Ngawi lawk rawh u aw, hei kan programme ang chuanin Dar 4-ah khian kan tawp a ngai a. Mahse, wawiin niah Minister te Demand kan sawi a, a pawimawh hle mai a. Lehlahmah chuan zawh kan duh bawk si a, member 13 lai te chuan in sawi tawh a, engtin nge kan kal zel ang ? A sawi duh apiangin kan sawi zel ang a, a tul dan angin House hianin kan ngaihtuah tur ani ang a. Member ten engnge in ngaihdan a wind-up kha a hun kan ti nge ? Awle, Dar 4-ah break kan nei ang a, sawi kha inchuh vak a ngai lo, in sawi vek tho ang. Koh rual vek theih in ni lova, tunah chuan Pu F.Lal Thanzuala i ko ang.

PU F. LAL THANZUALA : Pu Speaker, tlem tlem in han sawi ve duh ka nei a. Demand No. 6-na chungchang thuah khan Land Settlement lamah khan ngaih pawimawh tak ka neih ve chu kan ram neih dan hi a ni a. Lamlian dungah hian han kal ila, tu ram emaw hi a ni vek mai a. Khawimaw laiah Sorkar-in kawng thar siam sela ram tha deuh lo awm sela, tu ram emaw kha a ni thei zel mai a. Hetianga a kal zel chuan a thei fate ram in a khat dawn a, Mizoram hi. A theilo fa tan chuan nakin deuh lawkah chuahnin a baihvaih thlek hle dawn a. Nikhua hi a rei telh telh ang a, ram hi a hlu telh telh dawn a, mihring kan pung telh telh ang a, ram erawh chu a pung ve dawn si lova. Chuvang chuan helaiah hianin kan Sorkar hianin dan mumal leh fel tak te siam sela, a siam mek anih pawhin chungte pawh chu, Dan han siam hi a har lova, Dan tha tak siam pawh hi a har lova, a kenkawh hi a har hle zel a. Tunah hian mirethei leh harsa zawk tan chuan a chep sawt em em mai a, entirnan - pakhat a kan sawi duh chu kei Lunglei lam mi ka ni a, kan veng Zohnuai-ah chuan Thing phurhna a awmlo ani, hla tawh tak thleng khan mi ram a ni vek a, LSC pawh an nei vek a. Mahse, thlai chin te a awm lem lova, min Thing va phur se thil ru an ni ta mai a, Kohhran thleng pawh khan a nghawng a, Upa ni ve si, rawngbawitu ni vesi, mi huan a Thing phur an ti si a. Mi huan-ah khan an phurh loh chuan phurhna dang a awm chuang si lova, Gas ti dawn sela, hmuh mai tur kha a awm chuang bawh si lova. Khatiang khan rilru lam leh pawnlam thleng khan harsatna hi tunah hian a thleng mek ani.

Vai ram kan en chuan a bet zawkte beh zia kan hria a, khami kawngah khan kan kal thei dawn a, chuvang chuan helai thil hi mi pakhatin ram chuti zat chin neih theih tih emaw, anih loh leh ram enkawl loh, thlai enkawl loh chu, chutiang/khatianga tih tur tih hi muangchang lova dan te siam a kenkawh thuai thuai a tul hle in ka hria, chumi atan chuan kan Minister zahawm tak ka ngen duh a.

Tin, Art & Culture leh Tourism lam kha kan sawikawp ang a, a changtu Minister thuhmun ani bawh a. Hei hnam reng reng hi kan hre theuh a, hnam hian hmanlai thil a ngah loh chuan, kha hnam kha hnam mawl tak emaw, hnam derthawng tak emaw tihna ani thin a. Hemi avang hian hnam hrang hrangte hian an Culture an tunhma thil te humhalh in an lo ngaisang thin a, hun kal tawh a min phuarkhawmtu chu hun kal tawha kan thil chin thin fo hi anni a. Lam dan emaw, kan awmkhawm ho dan emaw, khatiang thil tam tak kha, keini Mizo pawh hi hnam anga survive a dinchhuah kan tum dawn chuan kan hun kal liam tawh a kan thil lo chin thinte kan hmun pawimawh lo neih te kan ngaih san a, khami atanga Lesson tha tak la chhuak a, thangtharte kan in kaihhruai a ngai ani.

Hei, kan hriat theuh angin History te pawh hi an lo ziak tha thin a. A chhan chu hun kal liam tawha thil thleng engemaw kha thangtharte tana tangkai thei tur zawnga thu ziak te an siam tha fo thin ani. Chutiang chuan thil pawimawh a ni a, amaherawhchu, hei kan Sorkar thil ruahman danah hian helam pangah hian ngaihtuahna a pe tam tawk lovin ka hria a. Pawisa a dah dan hmang atangte hianin, helam pang hi uar zawka tih tunna hi awm sela, pawimawh hlein ka hria a. Entirnan - Sawng ka bialah te pawh han ti ta ila, Mizo History a lang ve ngei ngei tuf, Lal hmingthang tak mai pakhat a awm a, Zakapa a ni a, mahse, kha Lal hmingthang tak leh ropui tak mai kha engvang emawin History Bu-ah ziak lohvin a awm a, a chhan pawh tha tak awm niin a hriat theih a. Hengte hi thangthar ten kan hriat thar leh a tul a, a tha lo zawng ni lovin, Mizoin a hmasanga kan pi leh puten an lo tih thin, a vaia ka zuk hmusit tur ka tihna ni lovin, an tawngkam pakhat awm ve thin chu; Vai mai mai an ti thin a, zuamna rilru hmasang atangin an lo pu thin a. Kha kha zuk hmuhsit tur ka tihna ni lovin ka sawi duh zawk chu khami rilru, hnam dang pawh huphurh bik loh, 'ngam' kan nihna rilru kha kan chawilen te hi ngai tak a ni a.

Kan hla te kan han sak thin te hi a tha khawp a, amaherawhchu, kan tunlai nun hi han en chuan hnamdang zingah hian zakzum deuh hian kan zep kan zep tan emaw tih tur hi a lo ni a. Khami kan hnam rilru ti thar tur leh ti huaisen tur leh eng hnam te mah ni keini ai a huaisen leh chak an awm bik lo ani tih kan in zirtirna atan te'n helaia Lal Zakapa tih hi ropui tak a ni a. History lamah te chhiar tur a tam loh avangin Saptawng bu-ah te chuan Sap-ho ziakah a awm nial nual a, a thawnthu chu hetiang hian a awm ani. 'Murray-a Sap sipai officer chu Mizoram khaw hrang hrangah a kal thin a, a riahna apiangah hmeichhia, a zan mutpui tur a ngen ziah zel a, an pe lo ngam thin lova, an pe thin ani. Amaherawhchu, Tarpho khua-ah a han kal ve a, Zakapa Lalna khua-ah hian hmeichhia a han ngen leh a, ani chuan a lo phal hauh lo mai a, a lo awih ta miahlo mai a, 'chutianga hmeichhia min pek duh loh chuan, i nupui tal' a ti leh a. "Ka nupui hi chutianga i ti anih chuan ka kap ang che" a ti a, an inti buai a! Tichuan, a tawi zawngin han sawi ta ila, an inbei ta a, Sap Officer chu a tlanche ta a, ram palai lengah an um ani.

Heng khawvel-a Mizo-te rilru ah te pheii chuan Hnam ropui ber a kan lo ngaih thin Sap te pawh um thin hnam kan ni tih te hi kan Thangtharte'n an hriat ve a ngai a. Hei Vairam-a kan kal chuan hnam thenkhat chuan an chhoh en ngawih ngawih mai ani, engkimah an chhoh en nghal a. Hemi rilru 'Pride' hi kan inzirtir a pawimawh em em mai a, chubakah Hmei-chhia-te diklo taka an phutna lo danga, a lo humhim te hi Mizo Hmeichhia te tan pawh a mah hi dam tawh lo mahsela lawmthu hrilh tlak hi ani.

Khang avang khan a mah hriat-
rengna thil leh thangthar ten khatiang ang khan a lawm kan
lo awm tih an hriatchhuah leh a, hmasang thil hriatchhuahna
atanga kan nun zel dan tur te siam that nan tihlar nawn
leh a, amah hriatrengna thil te leh engemaw thilte buat-
saih leh a tulin ka hria a. Chungte chu Arts & Culture
lam atang hian bial khat thil chauh ni lovin min ngaihtuah
sak sela, hun lo la awm zel tur atan thil pawimawh tak tur
niin ka hria.

Tin, kan Minister zahawm tak
hianin a sawi a, kan ramah hian Tuikhawhthla mawi tak emaw,
Ram mawi tak emaw, Lui mawi tak emaw ramdang atanga mi lo
zinte lo hip tur hi kan nei lova, amaherawhchu, thil dang-
lam tak mai kan nei a, chu chu kan Chief Minister-in Sap
ho lo kal Dinner a neih pui tum a Sap-pa nena an ti ti a
sawi a, Sap-pa in a sawi ber Christian Tourism a ti emaw
ni ta ni, he kan ram Christian-na hi hnamdang hian hmuh-
nawm an lo ti em em mai a lo ni a, hnam pumpui mai a
Christian kan ni te hi a ropui hle a. Sunday tukah Inkhawm
turin Biakin kan pan sung sung mai te, Veng tinrengah
mimal In aia tha Biakin an awm te leh pathian be tura in-
kohna dar ri chur chur mai te hi ropui an ti thin a.
Kal an duh a, wawi tam tak an lo kal thin ani an ti a.
Khami atang zel khan Kristian ban te, Mizorama hipluh dan,
te a ngaihtuah a, chumi atan chuan thil han suggest tur
pawimawh tak pakhat ka neih chu, Ka bialah sawn Lungrang-
hmun a awm a, hmanlai chuan chu Lungrang-ah chuan khawm-
pui an nei a. Pu Buanga pawh hi a tel ve ani. Pathian
pawlna a ropui hle a, an zai tui em em mai a, wawi 60
atanga yawi 80 vel hi an hla nawn dan tlangpui a ni a,
chumi-ah chuan Pu Buanga pawh hian, "Kalvari tlangte
ka lo kal tawh a, kan Lal Isua chenna hi ka lo fang nasa
hle tawh a, mahse helai Lungrang tlangah hian anih hi maw
Kalvari tlang chu lo hnaih ber", le a ti hial e an ti a.
Chungte chu Kristian dangte han hip tura cheibawl atan a
tha em em a, chutiang thil chu awm ngailo a ni a, chungte
pawh chu min ngaih pawimawh sak turin ka ngen a.

Tin, Medical lam ah khan han
sawi ve zawk zawk ila. Keini Hnahthial-ah sawn a hmingin
Doctor pahnih chu min pe a. Amaherawhchu, Nupa an ni a,
pakhat zawk an Pa kha training a ala awm rih avang khan
an Nu zawk chauh a awm a, a retheihthlak em em mai a, dam-
lo an tam thei thin si a, Doctor Nu pawhin thahnem a ngai
thei hle a, thahnem a ngai lutuk a, a thawk nasa lutuk a,
a damloh phah ve nghe nghe a. Doctor dang beisei in ka
tei ka tei thin a, Aizawl Civil Hospital-a Doctor-te tam
zia kan hria a, mahse keini-ah chuan khatiang khan, khami
an Pa Training thla hnih, thla thum emaw chauh la awm han
awh lawk tur pawh kha a har hle mai a ni. Helai ah hianin
Medical Dept. te pawh hianin thil pawimawh tak an tih
ngain ka hria, han en vel hian mahni thawhna hmun tur

ni lova awm kan tam hie a, chutah kan hmasawna ber ni turā kan rin chu, kan thawhna hmun turah theuh hian awm ila, Doctor-te pawh hi thingtlang indaihlo lutukah hian helaia tam lutuk awmlo hian thawnchhuak ila. Khami thil kha ti hlawhtling ila, Health Deptt. chuan mipuite tan hna ropui tak a thawk nghal a ni ang. Hei hi ngaih pawimawh tur niin ka hria a.

Tin, pakhat kan sawi leh duh chu Malaria chungchang thuah khan a ni a. Thisen latute Sub-Centre-ah chuan an han awm ve a, mahse, an thisen lak kha hmun hla deuhah finfiah a ngaita thin a. Entirnan - Ka Bial Tarphe-ah chuan Sub-Centre a awm ve a, a thisen enna tur chu Hnahthial a lo ni a, Km 27 vel a ni a. Mi pakhat thisen an lak kha an kalpui mai dawn em ni ang? Thawn tur pawh an awm si lova, tih kha a buaithlak lutuk a. Nghahkhawnte a ngai a, hetih chung hian Damlo khan nasa takin na a lo tuarin a lo tlahniam thei a. Chuvangin, Health Sub-Centre tinah hian Microcopist dah mai theih dan hi sam te in a awm lawm ni? ka ti a. Midang laka training tir a harsa anih pawhin tuna kan microscopist tam tak hi matric pawh ni lote an ni a. Chuvangin, tuna Grade IV tam tak kan neihte hi training pangngaita pe sela, tichuan Health Sub-Centre-ah khan awm ve nghal zel sela. Tichuan, an thisen laka kha an lo hrihfhiah thei zel ang a, Sorkar-in a hranpa a sum tam tak senglo khan tih theih dan awmin ka hria a. Hemi hi kan ti thei anih chuan tuna kan thihna tam tak hi kan pumpelh ngei ngei dawn ani. Fiah loh vanga rin enkawl kha tam tak ani, chu chu kan sawi leh duh a.

Atawp ber atan chuan, han sawi chhonzawm ve leh ila, Zemabawk-a Cancer hemna chungchang thu kha, khata a thawktu kha Lunglei College a Lecturer nilai a ni a, MCS Physics a ni a, Bombay-a TATA Autonomic Research Centre a kum khat zuk training zo ani. A ma sum leh pai a training ani nghe nghe a, beiseina sang tak neiin hetah an lo la ve a, a hlawn kha a tlem riau mai a, a rank pui te hlawn kha pha lo hle in a in hria a. Hotute pawh an be thin a, kalkawng kawhmuh theih an nei chuang si lova. Chuvang chuan, a beidawng ta riau mai a, "Ka tan hian tih ngaihna a awmlo anih hi ka hna ngaihah let leh mai ang" a ti a. Kan sawilan duhna chhan chu public Interest tak tak a ni a, kan hotuten enfiah sela, a demand leh a phut a hi awmlo anih leh hnawl sela, anih loh leh a College lam ah chuan kal leh mai sela, awm anih a, tha anih a, tul anih chuan kan hotute hian ngaihtuah rawh se. Ka lawm e.

PU L.N. TLUANGA : Pu Speaker, ka lawm e. Hei Mizoram-ah natna hlauhawm AIDS kan tih te awm ve in an sawi a. Hetah hian kan Dam-dawi liana thawk ten hetiangte a lo nih tak siah chuan Nurse duty thenkhat chuanin hengho tan hian Ward hran bik leh, a hmanrua te pawh hi a hran awm ve tawh se, a tha lawm ni ? an ti a. Kan Minister zahawm tak te leh Doctor ten lo ngaihtuah atan tha ka ti khawp mai a. Health Deptt. ah chuan nikum khan an Jt. Director ka hmu remchang a, "Tunah hian Jt. Director ka kai ve chiah a, Engineer lam a ka aia kum thum a naupang te kha P.W.D. C.E. mai ni lovin Commissioner te ani tawh a", a ti kauh kauh mai a.

Darlawng khua nula pakhat chu a khua a sik a, a thisen te a entir ve a, natna hlauhawm an hmu lova, a hnu kar khatah Civil Hospital-ah sawn Malaria P.F. in a thi zui a.

Nikum hmasa khan ka tupa ngei chu a tlu a, a lu te a na-in a luak ve a, kan X-Ray tir a, A Lu a khi anih hi rang takin phaiah kal rawh u, an ti a. kan kalpui a, mahse, scanningte duh tawka an nan tih chuan engmah a lo nilo va. Engtingge, chutianga a Lu kak ni a an hriat theih ? A va mak ve an ti a. Chuvangin, Member zahawm tak ten an sawi tawh ang khan heng thisen pekna te, leh chutiang thildang reng reng khawl hmanga an test a kha uluk a lo ngai hle mai a. Mithiam awmkhawmte an ni bawk a, fimkhur tak tak turin kan Sorkar hian kai - hruai se ka duh khawp mai.

Tin, July inrinni hmasa ber khanin ka tute kum 10 mi lek leh an thianten Museum i tlawh ang an ti a, ka han tlawh ve ani. Khua a chhiat avangin entu an tlem hle a, kan han kal lawr dan dan a, a theih ang ang kan han tlawh ve a. Haw lama kan phurh-khawm chuan kal leh in chak em ka ti a, Ka tunu chauhin kal leh a chak a, adang zawng zawng chuan an chak tawh miah lo.

Tin, hmanah Tourist pakhat ka enpui tawh a, manhla a ti lemlo viau a. Amah-erawhchu, kan Art te, kan Culture tinrengte hi a lem a tha a kan tihlan thiam hle chuan attraction awm thei anih hi ka hrechiang hle niin ka in hria a. Fiam-thuin kum 10 zet chhung hianin mikhual dangdai tak tak Foreign mi tak tak hi London, Paris, Jerusalem, Washington thlengin mi 25 vel kan thleng tawh a, mak ka tih ang reng em em chu an ram tlawh tawhah Mizoram hi nuam an tih pawl ber a ni a. Chuvangin, kan Tourism Deptt. hian tun ala uar zawk hian a leh pekah te chuan tan la in, tourist attraction centre hi siam thei hret hret sela, a tha dawn in ka hria a.

Tin, 57 Independence champha chiah mai a kum 50-na nang tur khanin India ram mithiam bik 8 ten a report an siam khawm kha in hmu ve nualin ka ring a, khatah khan Mizoram hi factor chi hrang hrang tang tawmin ram nuam leh ram mawi 'Garden of India' a la ni dawn ani an ti chiah ani. Anih theihna tur hian area tam tak an sawi zingah khan vawiin ni a kan subject Tourism hi a tel ani. Keini a rama cheng thang ten, ropui mawi kan tih lem lohah hian rin aiin mawi an lo ti a, a mihring hi kawm nuam min ti a, min thlahlel hma viau mai a, India rama mithiam bik te pawhin 'Garden of India' ala ni ang an tih zingah khan heng kan nature beauty hi a tel ani. Chuvangin, Tourism hianin hma la deuh deuh se, kan Sorkar hian ngai pawimawh deuh deuh se, ka duh khawp mai.

Hei, kan ramah NLUP avangin V/C ten ram an pe tam em em a, mahse an pekna, hralh-chhawn theih loh, rochun theih loh an ti hial chung khan kan mihausa ten an lei tam hle a, heta Member zahawm tak Hnahthial Bialtu in a sawi tawh ang khan mi pakhatin tin 100 hmun 200/300 hmun nei te an awm thluah tawh mai a, kan Revenue Deptt. bik leh kan Sorkar chak tak hian heng hi a veng zo lo anih chuan, Zaminder an awm thluah dawn, India ramah Zaminder an duh tawh lova, an tih bona a rei tawh a, kan ramah erawh chuan Zaminder an piang dawn tep mai. Hei hi kan Sorkar hian en uluk se, ka duh tak meuh meuh ani.

Tin, Health Deptt.-ah khan kan kal leh zawk ang a, mak ang reng deuh mai chu Civil Hospital-ah sawn in Laboratory Technician Vai pathum an awm a, kum 15/20 vel an awm tawh a, vawi khatmah transfer ve loh an la ni a. Mizo dangte erawh chu kiltin kiltang ah an kal tawh a, chu chu kan Minister leh kan Deptt. ten hria se ka duh khawp mai.

Tin, Member zahawm tak sawi tawh ka sawi leh duh chu Vety. College khimi Selesih-a awm mek hi Central Agriculture Deptt. buatsaih a ni a, Imphal atangin Vice Chancellor in a enkawl a, January thla khan a satu Company Manager a mangang em em mai a, a lo kal chawt mai a. 'A kawng min zawnpui la, in Minister zahawm tak hnenah min lenpui teh' a ti tawp mai ani. 'Thla khatah nuai 50 kan hman a ngai a, mahse Vice Chancellor-in nuai 20 lek lek min sanctioned a, kan che thei ngang lo ani, tiang chuan kan zo thei dawn lo a ti a, a mangang em em mai a. Tah chuan kan Minister zahawm tak mai, Pu Rinchhana hnenah kan va leng tawp mai a. A niin kawng a lo zawng a, Central lama mi pawimawh te, Vice Chancellor te, a ko khawm a. Chuta result-ah chuan kan Minister hnathawh an lawm em em mai a, hna a kalchak phah taa. Tin, khitah khian Mizo Liaison Officer pakhat a awm ve a, chu chuan thahnem a ngai hle mai a, kan Minister te, kan Chief Minister te hial te an inrawlh anih chuan Mizo tan hna tam tak thawh tur a awm thei a, kan state Sorkar

hnuaiiah hna kan inchanlo em em a, khithah khian a professor tur, lecturer tur Mizo zingah a tling an lo tam tawh mai a. An lak meka te leh a thawk mek te khi Mizo aia Junior te an tam ani. A clerical leh IV Grade angah te pawh Vai deuh hlir an ni mai a, khi khi kan Liaison Officer pawh kan Sorkar-in 'hei hi a then a zar tal min sem ve rawh u' ti selang chuanin, mi tam tak tan hna hmuhna theihna tur a ni a, a pawimawh em em in ka hria ani. Tin, tuna thawkah chuan Mizo an awmlo hle a, vai hlir anni a, mahse, hna lak tur ala tam hle in alang ani.

Art & Culture-ah hianin heng hi India hnam lam te, State hrang hrang hi ka tlawh hnem ve khawp mai a, an Festival pawimawh hi ka tawng ve fo tawh, tin, T.V.-ah te kan hmu thang theuh tawh bawk a. Mizo tluka hnam lam nei tha hi awm in ka hrelo. Kan hnam lam hi a ropui em em a, chuvangin, chawilar deuh deuh va, kan Artist te pawh hi a thei ang zawng zawng duat chohte hi a tha in ka hria. Culture nisela, a hnam anga kan Culture hi mi hnam Culture neh a thleng hlap tur awm sela, thlengpui tur ka hmu manglo. Chuti khawp chuan kan Arts & Culture te hi a hlu in a ngaihsan-awm a, helam tan hian kan Sorkar pawh hian hma la chho hret hret sela, heng hi kan hnam chiawimawitu leh khawvel a mi hriat kan nih theihna tur pawimawh tak tak te anni a, a pawimawh hle in ka hria ani. Awle, Pu Speaker, ka lawm e.

S P E A K E R

: Dar 4 a ni dawn mai a, Darkar 1/2 kan chawl ang a, dar 4 1/2 ah khianin kan tan leh dawn nia.

PU C. THANGHLUNA

: Pu Speaker, kan Budget Demand No. 26-na. Hei hi han sawi ve a tulin ka hria a. Tin, a bakah

khan Demand No.40-na Animal Husbandry kha ka sawi ang a. Adang phei kha chu kan sawi hman tawh lo anih pawhin thian ten an sawi tam tawh bawk a. Hei, kan Sorkar-in a thu chuan Health for all by AD 2000 tiin programme a siam a, a thlamuan thlak hle in ka hria a, amaherawh-chu, tuna kan dinhmunah hi chuan natna hi a tam ta tial tial emaw tih turin heng Malaria te phei hi chu a lo pun-lun in kuminah phei hi chuan Malaria natna a nasa ta em em mai a. Zawhna chhanna-ah khan kan Minister khan Official Report-a a hmuh angin he House hi wrong information min pe-ah ka ngai a. Amaherawhchu, Official-a a hmuhdan anih miau avangin ani chuan a hriat dan angin

a pe lo thei lova, amaherawhchu, Chhintuipui-ah Khan malaria a thi mi 29 ti a report min pek kha a dik lova, mi 29 chauh malaria a thi a ni lova, kuminah chuan Lawngtlai-ah ringawt pawh mi 40 chuang Malaria in an thi tawh ani. Chutiang chuan, keipawh ka mangang lutukin kan Minister kha Telephone-in ka bia a, engpawh nisela, Malaria a kan thih dana hi kumdang ang a ni love, hei epidemic form in a leng ani ber a, engpawh nise, Doctor thiam bikte 2/3 te min rawn tirh sak hram rawh tiin Telephone in kan chah ngawt nghe nghe a. Tichuan, Doctor thiam 3 lai a rawn tir a, a lawmawm hle a.

Hei, Health Deptt. Budget-a a landan hian he taksa lam chhandamna, tihdamna programme a hi eng angin nge kan Sorkar-in a buatsaih ang tih Budget-a hmuh ka chak hle a, amaherawhchu, kan han en a, tunlaila Mizoram natna tam ber Malaria natna do na tur, programme atan Budget provision dah ani lo hi a pawh hle in ka hria. Malaria lo punlun ta vak, hemi controlled-na programme-ah hian hmuh tur pawh a awmlo em ni chu aw tih turin, ka enthiamlo zawk nge ni. A landanah hian pawisa te pawh hi hemiah hian dah a tlem hle a, 10000 emaw ni lek dah niin ka hria a. Hetiang anih hi chuan tuna Mizoram-a natna hluar ber, mihring nunna la tuntu ber, natna hlauhawm ber ti hial ila a sual tamlo awm e. He Malaria natna hi engvanga heti em a lo punlun ta nge anih tih hi mithiam zawk tena Research an beih hi a hun tawhin ka hria a. Chuti lo chuan natna dang aiin mihring nunna ala hnem em em a, kuminah Lawngtlai-ah kan Doctor tena an rawn report dan te, D.C in a rawn report te kha Hospitalised, Hospital-a thi te chauh an report a, amaherawhchu, khatih lai khan dandawiin-ah damlo te kha an lenglo lutuk a, Varanda zawng zawngah te, Dawhkan-ah te, Long Chair te an zawm a, an mut hnu pawhin an leng hlawl lova, mahni In a tuar ta mai a thi te kha mi tam tak an awm a. Khang Malaria avanga thi te kha Doctor te chuan an hre tawh lova, an report-ah khan an telh loh vang ani.

Lunglei-ah erawh kha chuan Malaria natna a thi te keinin kan lo hriat dan chuan, mi pali Chiang taka thi an awm ka hria ani. Amaherawhchu, pakhat chauh thi ang a kan Minister zahawm takin a House min hrilh kha chu kan Minister kha thu diklo min hrilh kan ti dawn nge, kan Minister-in a Deptt. atangin information diklo a dawng kan ti zawk dawn nge, kha kha thu diklo a ni tlat a. Kumina Malaria a punlun dan hi hei hi engemaw ti tak a kan control loh chuan nakumah kumin aia nasa pawh Khan a lo thleng thei a. Chuvangin, he Budget-ah pawh hian Mizoram-a Malaria natna a lo punlun tak siah chuan research beih a, engtia control tur nge tih hi dap-chhuah/zawngchhuah tul hle in ka hria a. Chumi atana Budget Provision dah awm lo hi pawh ka ti hle a, vanduai thlak ka ti a, research beih a ngai riau a ka hriatna point pakhat chu han sawi ta ila. Thingtlang rethei zawk, khaw sak

harsa zawk, ei chhe zawk te khawsakna-ah chuan Malaria hi a tam a, amaherawhchu, khati zawng ngawta chhut theih pawh a ni chuang lo. Khawthlang, Tuichawng phaia chengte khu la hnufual leh rethei tak tak an ni a, mahse Malaria natna hi an tuar lem hauh si lo ani. A mi chenga te pawh tam tak chu Chakma te, Bru te an ni a. Anni ho khu Malaria a thi an awm ve manglo reng reng a, kuminah pawh Malaria a thi hi sawitur kan hre tlat lo ani. An ei pawh a chhe tho si, an tam em em tho si a, an lo mawlin anla hnufual em em tho si a. Mahse, Malaria-a thi an awmve tlat lova, keini ho hi kan thi vak vak mai a, chuvangin, engemaw tak hi a chhan tha tawh a awm anih a rinawm, a lemlamah chuan Thingtlang-ah Ekin te neihna chang an han hre ve tan a, amaherawhchu, Ekin tha nei thei si lovin pit-latrine tean han hmang a, chung atang chuan nasa takin Thosi te a lo pianchhuah vang nge ni zawk? Ekin kha Tui tling thei lova vawn dan a awm bawk si loh avangin leh a nachang an hriat loh avangte pawhin nge ni zawk, heti taka Malaria lo pung ta mai hi, hei hi chu research beih hi a tulin ka hre tlat a, chumi atana Budget-ah pawisa dah a awmlo hi kan Budget hi a vanduaithlak hle in ka hria a, pawh pawh ka ti ani.

Tin, chulo lelah chuan Doctor Thingtlang lam leh hmun kilkhawr a mite hian natna leh hrisellohna in nasa taka thingtlang mite a beih lai hian chhantu/tidantu kan mamawh em em mai a. Chumi min chhantu leh min tidam thei tu chu Doctor te anni. Doctor thiam kan mamawh, amaherawhchu, Doctor thiam, Thingtlang kilkhawr lam-ah chuan (Doctor thiam tihah chuan Specialist) han ti deuh kher ila, chutiang te phei chu Thingtlang lam chuan an chang thei ta lo reng reng ani, khawpuiah an in chhungkhawm vek a.

Thingtlang lamah chuan awm ve ni sela, hetiang taka nunna kan chan hi a zia deuh chuan a rinawm. Amaherawhchu, Doctor te tan, mite aia zirna sang zawk leh thiam deuh zawk tan Thingtlanga awm chu a har khawp mai. Doctor-te hna hi tihdamna hna anih avangin hmangaihna tel lova mipui rawngbawlna, mipui chhan chhuahna hna a ni tih hre reng chung Missionary rawngbawlna ang deuh thilung pu chung Sorkar hna ang mai ni lova rawng-bawlna tak tak anga ngai tan lo chuan Thingtlanga awm tura lungawi taka kalchhuah chu a harsa a ni maithei. Amaherawhchu, vawin niah hi chuan kan ram leh kan hnam hian Doctor thiam te Thingtlang lama kalchhuaha insem darh hi a mamawh em em ani. Chuvangin, kan Doctor te pawhin theih tawp chhuaha tlawngaih chhuaha kan Sorkar thuawiha hmun kilkhawrah pawh hian Doctor thiam zawk te an kal tul hlein ka hria a.

Tin, kan Doctor-te hi tun tumah hian Fifth pay Commission-ah khan an hlawh chung-changah thil diklo tak mai a awm ni a hriatna ka lo nei ve a, entirnan han ti ila, entirna pawh ni lovin, SDMO an tih leh Civil Surgeon an tih te kum 10 Service in-thlau, vawin niah hi chuan Pay Scale thumun rengin

Fifth Pay Commission hian a Pay Scale kha a lo fix a, tichuan Civil Surgeon a lo awm tawh thin te leh SDMO a lo awm thin te chu vawin niah hian Scale pakhatat Rs 10,000/- ah an awm ta a. Kum 10 a lo senior tawh te, kum 10 in an hnungtawh ang a lo ni a, a tlahniam zawngin an hlawh kha a kai ta emaw ni tih turin a awm a. Hei hi chu thil dik lo em em niin alang tlat a. Chuvangin, hei hi chu kan Sorkar-in enthat leh thuai chi niin ka hria a. Doctor zirtur hian mithiam bik, mi nazawng in an tlin loh, kum tam tak an zir hnu a an hlawh, chhuti ni pawh nei mang lova mipui tana in pe te hlawh hi en that sak leh nise.

Tunah hian kan sawi leh lawk duh a chu, a bik takin Lawngtlai, kan Damdawiin saw englai pawh a Damlo lenglo lutuk mai khum 30 chauh awm a, damlo englai pawhin 50 hi chu an awm a, chaw kha damlo 20 in an chang thei tawh si lova, a khum zat bak chu chaw a pek theih si lova, chutiang chuan Varandah-ah te a theih ang angin damlo an awm reng a, an leng lo lutuk a. Chuvangin, tuna kan dinhmunah sawn kan Damdawiin 30 bedded CHG hi 50 bedded hospitalah tal min up-grade sak hi a tul hlich hlich tawh in ka hria.

Tin, Bungtlang khu fur lai hi chuan Ngengpui tui a lo lian a, Leihlawn a lo awm si lova, khawhtlang leh a Lawngtlai bawra kha inkal pawh theih tawh loh ani zel a. Damlo serious lutuk pawh awm sela, rawn inphurh chhoh ngaihna a awm tawh lova. Chuvangin, khumi Ngengpui thlang bika Bungtlang PHC ah tal min up-grade sak sela, chu chu ka han sawilang duh a.

Pu Speaker, Vety kha point 2/1 lek Demand No.40-na kha han sawi kaduh a. Doctor rau rauah hian Ran Doctor nih hi chu a nuam deuhin ka ring a, complaint hi a tlem deuh a, an chiuhlum tawp pawhin tumahin an complain lova, anih dan tur rengah an ngai deuh tawh mai a, Mizo mipuite hi ei leh bara intodelh tihah hian, sa lamah pawh intodelh hi kan tum ta hle a, Ran vulh-ah pawh hmasawn kan tum tahle ani. Heti anih chuan kan Doctor, kan mithiam hote khan ran vulh lama hma kan sawn theih nan mipuite nen inngheng lum deuh hian, mipuite tanpui thei tur hian an inbuatsaih tan ve hi a ngai ani. Tuna field staff, existing staff te pawh hi tihpun an ngai ve tlat a, kan tihpun chuan si loh chuan awmia an nei dawn lova, chu chu kan Sorkar hian min hriatsak sela. Tin, Farm lo din tawh Mampui Farm lang te khu khutianga rawih mai lo khuan min din that sak leh a, Bawnghnute-a khawpui chawm ve hram hram theihna te ngaihtuah a tul a. Khu Farm khu hlawhtling taka min chei sak turin ka ngen duh a ni e. Ka lawm e.

PU C. LALRINSANGA

: Pu Speaker, ka lawm e. Kalphung thara kal tur kan ni bawk a, kalphung thara kal thahngaihna avangin thu

pawh kan ngah hle tlang a, i veilam a thu te pawh hi kalphung thara kal tur kan nih hria in thu an ngah hle ani. Hei vawin ni a kan thu chai a hi a tam tham hle mai a. Muangchang deuhva han khel chi pawh niin a lang a, muangchan hleih theih pawh niin alang si lova. A Demand wise khan in han chhui tawp tawp ila. Hei kan hriat angin kalphung thara kal tur kan nih avangin engnge pawimawh berhan ti ila, kalphung thara kal tur mihringte hi an hrisel a ngai phawt tih a kha priority-ah kan pe phawt mai a. Tichuan, Demand No. 25-na Medical kha chumi nen chuan a inzawn chho ta a, hei Demand-ah khan Vaibelchhe 35 thalam kan nei a. Hemi chungchang pawh hi khel tham fe a awm nachungin khalam kha chu kan hawi rih lo mai ang a.

Hei, kan hriat angin Medical hi an khawngaih-thlak em em ani. A chhan chu promotion stagnation hi a nasa em em mai a. Kum 17 dawn M.D lo ni tawh te vawin niah an awm ani, hengho grievance a hi engtin nge kan tih ang tih lai a hi he House hian kan ngaih pawimawh pui a tul hle a. Re-organisation kan ti a, , bi-farcate chungchang kan sawi thin a, hei pawh hi a hun a la rei lo em mai a, kan ti hlawhtling thuai turah ngai ila. Heng ang hun te kan thlen hunah chuan tun aia changtlung zawk a kan kal chhoh theih pawh beisei na nen thlir ila tha in ka hria a.

Tichuan, Medical dinhmuna pawimawh lai kan sawi duh hmasak bera chu immunization hi a pawimawh hle in ka hria a. Tun tumah hian kalphung thara kal tur kan nih avangin, kan mamawh ber chu mihring a hrisel a ngai phawt a ni. Chumi atan chuan immunization ah vaccination kan ti a, Naupangte an nih atanga hriselna tha an neih theihna tur atan lo inven lawkna, hma kan lak na hi a tha thawkhat hle nachungin tun aia chak zawkin hma kan lak chhoh hi a tul in ka hria a.

Tichuan, Zoram Development tak tak phurh chhuahna tur atana a resource bul ber mihring kha chumi hawi zawnga hma kan lak chuan a hlawhtlinna pawh kan hmu chho thei zel dawn a. Chu chu Medical pawimawhna leh an source chungchang zawng zawng kan sawina pawh kha a bul thuta chu a lo ni ta ani tih laia kha kan sawi duh a.

Mizoram pum huap thlirin Medical hian inzar pharhna hrang hrang Lunglei te, Champhai-ah te, Mizoram hmun hrang hrang Saiha-ah te, mamawh hrang hrang kan neihte sawi vek sen a ni lova.

A bikin ka bula thu kan member zahawm tak Pu J. Lawmzuala a lo lang thei love, ama ai ka awhna pawh a ni thei ang a, Lunglei Ho-sptial sawn mamawh lian zet mai an nei a, medical staff engemaw zat an awm a, Doctor engemaw zat nen. Hei tun Sorkar tharah kan Minister te thahnemngaihna a zarah Specialist te pawh kan han nei chho va, kan lawm tak zet zet a. Staff quarter tha kan neih loh avang erawh chuan tunah hian proposal-ah pucca building chhawng li, chhawng nga vel awm thei sela, tahchuan inchung-khawmin tih kha proposal awm mek a ni a. Directorate level-ah leh Minister concern pawhin a ngaih pawimawh kan beisei a, a hlawhtlin thuai theih beisei ta ila.

Tin, Aizawl lam-ah lo let leh ta ila, hmanniah Civil Ho-sptial ka han tlawh a, Aizawl-a kan Hospital hi Building thar chan chang nimah-sela, a building a hi han lut ila, light a awm loh phei chuan a thim rup mai a, kawng leh lamah chuan kan pawisa neih leh kan hmuhma te pawhin a zir lo a ni ange, eng-pawh nisela, kha lam chu thukhat ni sel a. Telephone facility-ah hian tuna kan dinhmun hi a bei tham riauin ka hria a, emergency thilah Doctor han inkoh zung zung ngaihna-ah hianin EPABX facilities te pawh hi kan neih dan a changtlung lo viau a, hengte pawh hi tun aia changtlung zawka ruahmanna thar siam vat tha in ka hria a, Ka duhdan tak phei chuan Doctor, Hospital Ward hrang hrang pual khian Phone hi dah theih ni sela, emergency case a inbiak zung zung theih nan. Chuvangin, Telephone facilities hi tun aia changtlung zawka tih nise tha in ka hria.

Tichuan, Demand No. 48-ah khan hei Sericulture chungchang kan sawi dawn a. Tunah hian vaibelchhe hnih leh nuai 91 Budget provision an nei a. Hemi chungchangah hian Sericulture hi kan la hmelhriat tampui lo tlang a, thenkhat chuan Pangang khawitu kan han ti a, a dikna chen a awm a. Amaherawhchu, tun dinhmun develop kal chho mekah hian leh tuna kan Ram dinhmun enin ka hriatsual loh chuan Maimaw La kan tih ang chi hi ram-dang atanga lakluh kan nei nualin ka hria a, tunah hian Rizai leh Lukham-ah te kan siam a, zangkhai te leh sukfai pawh har lo tak niin ka hre bawk. Dawrkai-ah pawh Kg-ah engemaw zatin an hralh thin niin ka hria a. Hengte pawh hi kan rama Demand awm si hmundang atanga kan chawkluh kher ngai lova keimahnina kan intodelh theih a ni lawm ni ? tih a hi ka ngaihtuahna-ah a awm a. Chuvangin, Deptt. te ang reng taka kan ngaih a te pawh hi an pawimawhna zawn thlir chuan hei kalphung thar a kal tur leh profit oriented a kal tur kan ni a. Chuvangin, productive deptt. ni thei tura hma kan lakna turah hian an budget provision pawh nikum lam an pha lo nasa chu a ni a, chuvangin, hengte pawh hi revise anih hunah kan hriat a pawimawh hle in ka hria ani.

Tin, Demand No. 25-na Arts & Culture Deptt. chungchang kha sawikai ve leh ta ila. Nia, kan ngaihthlak ang khan hei budget provision hi duh angin kan dah tam thei lo hlawn a. Engpawh nisela hei chu a tah-tawlin R.E-ah te pawh kan la dah chho thei turah inggai ila. Ram leh Hnam humhalh kawngah hian Art & Culture Deptt. hian mawhpurhna lian tak an nei a. Hei Ram hrang hrang te kan enin Hnam nundan phung leh an Culture leh an Art-a hi an humhalh thin a. Chumi atan chuan pawisa tam zawkte an hmang thin a. Tiangkhan an ngaih pawimawh a hi keini Ram thang/kal mek te pawh hian kan ngaih pawimawhah kan dah luh ve tial tial hi a pawimawhin ka hria a.

Hemi hnuaiah hian Library bik hi han sawi kai ta ila, hei Thingtlangah ka bial chhungah ngei pawh Library min rawn dil a, ka nuh kha a za deuh mai a, mahse pawimawhna tak a awm ve ani. Hei, kalphung thar a kal tur kan nih avangin kan Chief Minister leh kan House Leader ni bawh-in a, kalphung thara min kalpui a tumna- ah hian nasa takin hmel thar kan hmu chhova, chumi atana public awareness kan neihna tur atan leh kan Thingtlang Nu leh Pa tepawh in a kal-phung thar chu hetiang hi ani tih an hriat zung zung theihna tur leh thil kawng hrang hrang zirtir nei thawn-thu leh News tepawh an lo hriat theihna turin khawtin-ah hian khawtlangin an lo ruahman thei anih phei chuan Library ang te dah a, ruahmanna kan neih chhoh pawh a pawimawh a. Tin, ka bial chhungah phei chuan a remchang hmasa berah an Lehkha chhiar atana pawimawh tur, an khua leh a mipuiten a an tangkaipui tur lehkhabu tha te pawh ngaihtuah chhoh ka la tum mek ani.

Tin, Tourism Deptt. Demand No. 51-na chungchangah khan kan ngaihthlak tawh angin Tourist tepawh hi kan la awmchho dawn mek a, hemi chungchang sawi tur tam tak awm mahsela, khalai subject bik kha kal kan ta ila. Hei abikin ka bialah sawn pangzawl leh Mualthuam-ah hian Tourist Lodge hi kan mamawh hle mai a, Tourist te pawh sawlaihna-ah kal ta sela, hei pangzawl tlangdungah phei chuan riahna saw a chhangkhat ang reng hle a, sawngte pawh saw kan mamawh hle mai a, Minister tepawh khan min lo hriatpui thei se ka duh hle mai.

Tichuan, Demand No. 6-na-ah khan lokir leh ta ila, hei Land Revenue and Settlement Deptt. hi kan hriat lardana chuan Revenue kan ti mai thih a, mahse ani mai lova, Revenue hi ani ngawt lo. Land a tel ani tih hi kan hriat a pawimawhin ka hria a. Land Revenue & Settlement anihna ang hian sawi tur tam tawh a awm a, hei in hmun lo ram inkhinna thua te encroachment tam tak kan nei fo thin a, hemi kawngah hian kan record-na hi computerise ni thei sela, ~~duh~~ thu a sam hle ang.

chumi-ah chuan engangin nge kan facility neih dan te pawh hi ka hre lova. Computerised-a kan neih ve thova, engkim note leh thildang dang demarcation-a te pawh computerise theih vek anih ka ring a. Chu chu pawimawh-ah kan Minister pawhin min lo neih sak sela.

A pahnihna-ah chuan chhiah pek chungchangah hian mipuite pawh hi kan tih thanharh a ngai ani. Chhiah kan pek loh chuan neitu nihna tak tak hi kan keng zo thin lova, chuvangin, chhiah pe hnam kan nih chuan ram hmangaihna-ah pawh hian kan lut thuk telh telh dawn a ni. Chuvangin, kan ram acquire, mimalina kan acquire anga te leh Sorkar-in kan acquire te pawh hi chhiah kan pek a pawimawh em em ani tih kha ka sawi uar duh a. Tin, survey-na hmanrua te pawh hi kan facility neih ka hre lo na a, kan survey-na hmanrua equipment te pawh hi tun aia changtlung zawka ruahmanna kan neih chhoh theih te pawh a tul a ni.

A tawp bera ka sawi duh chu Demand No. 40-na Animal Husbandry & Vety chungchang hi a ni a. Budget provision-ah khan 8.87 vaibelchhia kan nei a. Vety bik-ah hian topic khat chauh ka sawi dawn a, ka ngaih pawimawh em em chu Disease Investigation Wing kan neih mek hi tiang hian ka ngaihtuah a, Mizoram hian vanneihna tak kan neih chu khawchhak lamah chhim zawnga Tui luang a awm a, khawthlang lamah Tlawng hmar zawnga luang a awm bawk a. Heng Lui luang te hi insuih finna nei zela kal ani ang hian hei hian ran natna hrik hmundang atanga lo lut tur hi a yeng niin mithiamte chuan an sawi ka hria a. Chumi anih chuan Mizoram chu kan vannei bik e tih hi ka ngaihtuah thin a. Chumi anih chuan Disease Investigation Wing hian tun aia chak zawk hian hma la ta sela, equipment tha tak pawh an nei a. Tichuan, a hmun hma leh a hma lakna turte pawh kha tam zawk ruahmanna te pawh nei ta sela. Entirnan-ran/sa kan lakluh Silchar tlangdungah te, Champai atangte a awm ve zeuh zeuh te, tin, Zawlnuam atang khuam kan la lut em ka hre lova. Khang ang hmunah te khan indin ta hmak hmak ila, a lo lut tur te kha an hrisel em, hrisel lo em tih te lo en thlithlai theih ni ta sela. Chumi rual chuan a ramchunga Disease Investigation a kha kal pah tho siin, ruahmanna nei ta ila, he Mizoram hi free disease a kan puan theih chuan, foreign-ah Market tha lutukin he kan ranvulh-te hi kan nei thei dawn ani. Chumi atan chuan Disease Investigation Wing pawh hi tunah hian Budget provision-ah engang innge a lan ka hrelo na a, kan Minister pawh hian, kan Finance tena min hriatpuina chhan-ah, helai chu a bik a kan ngaihtuahna-ah awm thei sela ka duh hle ani tih kha, kimchanglo takin pu Speaker, kan sawi ve ani e. Ka lawm e.

PU H. RAMMAWI

: Pu Speaker, a hmasa bera ka sawi duh chu Demand No. 4C-na Vety hi tawite a sawi ka duh a. Vawiin ni ah hian Aizawl khawpuih ngat hi

chuanin vawk leh arah hi chuan kan intodelh titih tawh a. Hei hi Vety Deptt. hmalakna hmasawna rah niin ka hria a. Kum 10 chhung Congress Ministry khan min kaihruai a, Pu Zira te Ministry khanin, an hnathawh that vangte pawh anih ka ring a, a lawmawm ka ti tak tak a, chak leh zuala hma kan Sorkar hian a lak ka beisei a. Tin, chutih lain Pu Speaker, ka bial Sangau ah chuan Vety Deptt. hianin Damdawiin an nei a, quarter pawh 4 - 5 lai an nei a. Amaherawhchu, an sak zawh atangin Doctor vawikhat mah a awm lova, hei kum 10 vel ani tawh a. Officer postingah hian Gazette ah a lo lang thin a. Sangau atanga Doctor an post chhuah hi chu alo lang ve ziah a, a tak awmsi lo khan. Tahchuan, khawtlang mipui an mangang a. Doctor awm loh ai mah khan a Building a chhiat kha an hlauva, chuan khawtlang hruaituten a building chhe tur vennan khan Damdawi tha deuh mai an ngaihtuah chhuak a. Chu Damdawi an ngaihtuah chhuah chutute emaw kha an luah tir ringawt mai ani. Chuan mihringin an luah chuan In hi a chhe mawh deuhva. Chutiang chuan vawiin ni hi kan thleng a. Tuna kan Sorkar thar hianin tun kan annual plan atang hi chuanin a In siamthatna nen a Doctor nen min pek a, Doctorin min thutchilh kha kan beisei ani tih kan sawi duh a.

Tin, Pu Speaker, a dawt lelah chuan tawite in ania ka sawi dawn. Demand paruk kan nei a, paruk kan neih zingah hian Tourism Demand No. 51 na pawisa tlem ber vaibelchhe khat leh Nuai 33 sing sarh leh sangnga chauh ani a. Deptt. dang ai hianin he Deptt. hianin harsatna a nei lian berin ka hria. Eng harsatna nge a neih tih chuan heng Deptt. vawiinna kan sawi lante hi Muster Roll a Staff engage tam tak tak nei an awm lova. Tourism Deptt. hi chu a tet tih nen wayside restaurant a mi an dahte reng reng hi MR hian kan dah deuh vek mai a, a then chu kum 8, a then chu kum 9 te ani tawh, chutiang chuan he Deptt. hi kan kaltir a. Lehlahmah chuan Zoram hmelhmang Mizoram tanah pawh Revenue earning, he Deptt. pawimawhzia hi chu sawi tam ngai lovin kan hre tlangpui theuh awm e.

M.R. atang ringawt a Deptt. han enkawl hi chu an Budget kan en hianin tiang regularised natur thar, a lo awm vak bawk si lova. Pu Speaker, he thil ka sawi duhna chahan hi Supreme Court Ruling tunah hian a awm a, Supreme Court chuan kum 3 thawk tawh chu an hna hi an regularised tur ani a ti mai ani. Equal work, Equal pay an ti mai ani. M.R. dah Tourism Deptt. loah pawh tam tak kan nei ang. M.R. kan dahte hian engtik niah emaw chuan Court ah min khing ang a, kan buai dawn. Tunhma thil kalsual tam tak kha tuna kan Sorkar hian mawh a phur dawn ani. Heng kan Staff engaged laklawh tawh regularised na tur hi kan Sorkar Finance Deptt. pawh hianin ngaihtuahna zau zawk neiin Post Creationah hian kan in phalrai deuh a ngai awm mang e. Chutilo chuan, Muster Roll ami kum 10 chuang lo thawk tawh, P.H.E Deptt. ami pakhat

phei chu kum 17 M.R in a thawk ani. Tunah hian a la thawk reng. Khatiang ang kha kan awm a. Chuvang chuan, tunhma a thil kal diklo kha tunah hian kan Sorkar thar hian a phur a. Chumi siam tha tur chuan a regularised a kha a ngai tawh ani. Chuvang chuan, Post creation lamah R.E lama kan regularised theihna turin he Deptt. hi tan a laka, chak zawka a kal theihna tur atan pawh ani ang a, Tin, a lehlamah chuan a controlling authority ten Post creation hi he Deptt. tan hian kan phalrai sak deuh hlek loh chuan Deptt. te si, Deptt. thaw si an khawngaihthlak lutuk kan ti deuh ani.

Tin, chulo lelah chuan Art & Culture hi Pu Speaker kan sawi duh a. Art and Culture Budget page 190 kha en ila, 1998 - 99 Budget ah khan Planah khan Nuai 95 ani a. Amaherawhchu, engtin tin emaw tunah hian an rek bung leh ta a. Kumina Planah hi chuan Token Provision ani bawk a, 74 lakhs chauh ani mai a. Deptt. dang hi chu a pung zawng hian an kal ani ngai a, hei hi engtizia nge tih kan hre duh a. Tin, 1998 - 99 Plan ah khan 96 lakhs anih lai khan a Revised ah khan 74 lakhs ah kan rek bung nghal ringawt mai a. Kumina an Budget phei hi chu 189 lakhs chauh mai ani leh nghal a. Hetianga he Deptt. hi kan enkawl zel dawn anih chuan hei 98 - 99 Plan ai khan kumthar Plan hi Rs. 20,69,000/- in a tlem nghal ringawt mai a, a Plan bikah khan. Kan sawi duhna chhan chu, hei tunhma khan Art & Culture Tribal Research kan tizawk emaw ni, hei hianin lehkhabu tha tak tak lehkhabu hlui an published tha leh ta a. Chu chu a hlawkna tunah hian kan tel tan chauhya. Research beitu tam tak ten vaiho te, Naga te, Khasi te leh hnam dang mi vai Bengali te pawhin Calcutta atang pawhin khang lehkhabu za ng khan Mizoramah an lo kal ve tak meuhva, chutiang ang chuan khang an lehkhabu chhut a kha, an print a kha kan hnam leh Vawin ni aimah hian, kan faten an hlawkpui leh nghal dawn a.

Chutiang chuan tunah hian hlawk na hi kan tel tan dawn chauh a. Tahchuan, Calcutta a National Library ah khuan ka leng zeuh zeuh a. Lehkhabu tunhma ami British hunlai kum 1800 chhovel a, Chin Hills ho chanchin, British an luh tirh a, an ziah lehkhabu, a bute a lo tha lo deuh tawh a. Lehlamah kum 100 chuang te a lo ni tawh a. Hetia keu pawh hian fimkhur taka keu loh chuan a mawihtan tawh a, kha lehkhabu lo kha India ramah hian a awm tawh silova. Chu chu Mizoramah Tribal Research te kan tang anga, hei hi chu kan publish ang maw le! ka ti a, chutiang ang chu bu thum (3) keimah mimal pawhin ka lo nei thla ve rawk a.

Department hotu te tlawm an ngai ang a, hetiang ang thil tha hi chu, an publish ngei ang chu maw ka ti a. Amaherawhchu, kan Budget kan en hian in, pu Speaker, page 182 ah khan publication tih hi chu, Nuai khata awm a, heihi chu direction hnuaiah ani ta tlat mai a.

Tin, chu lo lelah chuan, khatiang anga hman theih tur kha kan zawng leh a, Tribal Research Institute tihah hian phek 185 naah hian publication

ah hian singruk lek hi a awm leh a. Budget provision han en hi chuan ka beidawng sa ringawt a, ka beiseina kha engmah lo ah hi kan ti ve nghal ringawt a. Tribal research lo hi a dang Deptt. dang khatiang titu tur kan nei silova. Chuvang chuan tuna kan Budget ang ngai ngai a kallo hian hemi Art & Culture Department a hi pawisa te pawh a tul anga kan Sorkar na kan pek belh hi ka duh tak zet a. Vawiin ni a nangleh kei a tan anilo Pu Speaker, kan fate kan tu leh fate tan thiltha rotling kan hnam tan rotling lehkhaw pawimawh tak takte an nih avangin, khang kha han neih a pawimawh a tha in ka hria a.

Tin, Pu Speaker, Archive kan nei ve a. Amaherawhchu, hman deuh khan Census ka zawng a, 1951 Mizoram Census kha khawiah mah Mizoramah hmuh tur a awm lova. Kan zawnga khawiah mah hmuh tur a awm lova. Delhi ah kan zawng a, an hmulo bawk. Mahse, Delhi atangin Guwahati ah chumi hmunah a awm ang an ti a. Guwahati ah mi kan zuk intir a, kan zu copy chhuak a. Chu chu Archive hi ka pe ve ringawt hlawm mai ani. Nei ve, kawl ve ringawt rawh u ka ti a. Khatiang khan Archive hi thangthar tena research an han tih tak tak hunah chuan a pawimawhzia kan hrechhuak dawn a. Pu Speaker, warning maw? tlem pek belh ka ngai awm mange ka khua a hla deuh hlek a, min hriatthiam ka duh a. Tin, chu chu tawk mai sela.

State Library Calcutta ah kal ta ila, National Library chu Taxi pu zawng zawngin an hre vek Shillongah kal ila Taxi pu zawng zawngin State Library chu an hre vek. Aizawlah hian helaia vawiin nia kalkhawmte hian State Library hi kan hrekim em aw? Canteen kualah emaw kan ti mai thei a, a awm leh tawh lo ania! India rama lehkhaw thiam tamna ber State kanni tawh a, State Library hmun hi ka rilru in kan zawng vel thin a, hmun tha deuhthe hi Kan Sorkarin building mumal deuhhlekk, compound nei tha deuhhlekk kan ngaihtuah a tha awm mang e, tih kan sawi duh a.

Tin, Pu Speaker, min hrethiam la, Health Department chauh ania ka sawi tawh dawnni. Health Department ah hian sawi duh ka neih chu, ka bialah chuan Doctor chi thum kan nei a, pakhat chu MBBS Doctor kan ti a, a pakhat leh chu Health Worker ho hi Doctor kan ti leh a, a pakhat leh chu laymen ho, Health Worker awmlahna khua, inchiu hi an zir ve a, an chiu ve pawp pawp mai a, mi mangang chuanin an pana, chu chu local Doctor kan ti a, Doctor chithum kan nei ani. A chhan chu Health Department hian min cover hnehlo em em ani. Hmanni lawk khan Doctor Lungpher ah kan nei a, chu lo chu Bualpui ah kan nei leh ringawt a. Khatiang khan harsatna kan nei ani. Chutah chuan Pu Speaker, nichinah khan Sub-Centre thar kum 2000 hma a hawn loh tur tih sawi rik viai viaite kha a lo awm bawk si a, kan mamawh ber chu tunah hian inchiu thiam Health Worker kan tih ang chite hi kan phak tawk ani a. Doctor te phei chu tunah hian ka bial Vartekkai khua phei chuan Vawiin ni thlengin Doctor hmel an la hmuh ka ring lo. Chutiang ang chu kan ni a. Chuvang chuan, keini tan chuan

Sub-centre thar Health Worker hmeichhia leh mipa an awm ve theihna hi a ropui em em, kan tangkaipui em em a. Chuvang chuan, Sub-centre thar hi Mizoramah hian kan siambelh tam hi a ngai te hrim hrim a. Pu Speaker, ka bialah chuan Sub-centre building awmsa pawh kha Sangau ah an nei tawh lova, Cheuralah an nei tawh lova, Lungpherah an nei tawh lova, Eualpuiah anei tawh lova, Lungverhtumah pawh anei tawh lo. A tawih vek tawh. Health Worker in an kal ringawt. Chu chu Pu Zira te Sorkar laiah khan min ngaihsak lo ka tihna ani miah lo ania. Kum 10 chhung an Sorkar chhung khan min ngaihsak lo ka tihna ani miah lo ania, chu chu kan dinhmun ania. Chuvang chuan, Health Deptt. hi, Pu Speaker, ka'n sawi duh chu, Mary Winchester, mihring nunna pakhat chhanchhuak turin British Sorkar khan London khawpui atangin Mizoram kha khang hun laiah khan an rawn pan a, pawisa sum tam tak sengin mi tam takin an thih phah. Khatiang khan mihring nunna pakhat hi an ngai pawimawh ani. Mihring nunna pakhat chu sawiloh, vawiin niah hian sikserha thi ringawtte, nichina Lawngtlai bialtu sawi ang knan, Lawngtlaiah ringawt, ka hriat chinah ringawt pawh 43 ani. Lungpher khuaah 13 a ni. Mihring nunna chhanchhuak tur hi kan ngah em em a. Doctor awmlah vanga thi lo tur, thi kan tam em em ani. Chuvang chuan, Health Deptt. hi pawisa kan pek belh a tul tak meuh meuhvin ka hria.

Tin, chulovah chuan, 'refer case' kan ti a, Phaiyah pawisa tam tak tak sengin kan kal thin a. Chung ai chuan vawiin niah hian kan Sorkar thar hianin scanning Machine te hi nei ang hmiang. Endoscope leh Ultrasound kan tih angte, Lungleiahte, Saihahte dah ve ang hmiang. A khawl kan neihloh avang hian vawiin ah mipuiin harsatna kan tawh a, Phailam kal thei lovin tamtakin kan thih phah a. Natna hriat loh chuan enkawl dan a awm silova, chuvang chuan, khawl scanning-machine kan tih ang, mihring in kan mamawh ang hi kan Sorkar hian risk pawh la mai rawh se, tih kha ka'n sawi duh a. Tin, chulovah chuan Pu Speaker, thil pakhat chiaah a tawpna atan Specialist Doctor hi Aizawl ah chauh em ni post tur aw ? tih ka ngaihtuah a. Specialist zirlaite hian Aizawl chauh emaw anti palh ang tih ka hlaui a. Aizawlah hian Department pakhat a pahnih pathum an awm chuan a tawh e. Champhai ahte, Lunglei ahte, Saiha ahte sem ve deuh ang hmiang. Hetiang ang ringawta kan kal hi chuan kan Mizoram than dan hi a dik lovang a, Health Deptt. than dan hi a dik lovang tih kha ka ring ani. Ka lawm e.

S P E A K E R

: Lawngtlai bialtu, ka pek zet chiaah ka pe belh ta che i duhtawh ang. Pu K. Sangthuama, ngawirawh, ngawirawh, Pu Nihar Kanti Chakma kha nichin khan kan lam thlawh tawh e.

PU NIHAR KANTI CHAKMA

: Pu Speaker, Kailash. In regards to the Demand No. 26, I would like to draw attention of the Minister about 30 bedded in

the Hospital at Tlabung which is not well equipped at present. Although the Deptt. has purchased X-Ray machine but till now there is no one to handle it. And at the same time in the patient Ward, there is no attached Latrine for which the patients are facing a lot of difficulties. And at the moment there is no Specialist Doctor at Tlabung. I request and expect the Minister that at least Medicine Specialist Doctor may be posted at Tlabung as early as possible. In regards to D.D.T it is not properly sprayed every year. In the first day of the March Session, I have asked from the Hon'ble Minister regarding the Gypsy Type of Ambulance which was provided by the W.H.O. And I request and expect from the Minister that the same Ambulance may be handed over to the Tlabung Civil Hospital authority as early as possible. Since roads are very small it will suit the necessity. I hope so. And at present the condition of Public Health Sub-centre within Tlabung Constituency is very worse. In my Village Nunsuri, the building has completely been damaged due to severe Cyclone, I hope and request the concerned Minister to keep some Budgetary Provision for the construction of the said buildings at Nunsuri and other places. And at the same time I request that the Tlabung Civil Hospital should be upgraded into 50 bedded Hospital.

Pu Speaker, I would like to point out the reply to Unstarred question furnished by the Medical Deptt. Lunglei on Malaria. The reply was given only one person died in a whole of District. I hope to some extent this not true I have seen many Malaria patient in Tlabung personally and as per report available, many persons died due to Malaria. Therefore the Deptt. is requested to do the needful for controlling the malaria. In regard to Demand No. 6 that is Land Revenue, in my Constituency Tuichang which has been declared sub-town by the Government since three years back. From the Revenue Deptt. also the survey has been conducted but till now LSC has not been issued the matter may be given an importance for the benefit of the people.

In regard to Demand No. 51 that is Tourism, in Tlabung the construction of Tourist Lodge has been started since many years, but it is far from completion. Therefore, I request the concerned Minister to keep some Budgetary provision for the completion of Tourist Lodge at Tlabung. Lastly, Demand No. 25, that is Art & Culture and I expect and request the concerned Minister to keep some Budgetary provision for the construction of Sub-Divisional Library at Tlabung. Thank you.

PU K.SANGTHUAMA

: Pu Speaker, ka lawm e. Kan Demand a kan luh hma in kan Sorkar thla sarih (7) vel chauh kan kal a. Chuti chungin kan

Sorkar in thil tam tak a ti a. Kan Chief Minister leh kan Minister te thawhhahna a zara, Sorkar hmelthar a tang hian thil lawmawm sawi tur tam tak kan neiin ka hria a. Hmuntina han en mai pawh a, thilthar tam tak awmin ka hria a. A bik takin ka bialah pheii chuan thil tam tak tihin a awm tawh a. A kim changin kan sawi seng lo ang a. Ka bial Kawrthah bialah chuan Deptt. tinah ka bialte pawh an lawm em em a. Chuvangin, kan Minister leh kan MLA te hnathawh hah zarah vawiin niah kan ram thla sarih chauh Sorkar hmel thar kan hmuh chung hian, mipuiin lawmna tam tak kan nei ani tih vawiin hian tawite in ka sawi duh a. Vawiinah House-a lo kal zawng zawngte hian chu chu hre turin ka duh che u ani.

Vawiinah kan Demand No. 6-na ah khan kal ta ila, Land Revenue and Settlement chungchang hi a pawimawh hle mai a. Kan ram hi ka hma amite sawi tawh ang khan mimal hian kan Ram hi an nei deuh vek tawh niin a lang a. Kawngpui tlangdung ami hi chu khawimawlai khekre deuh laiah hi chuan engemaw chenah an in settle nang a, tlangdung vel hi chu mi hausa ram ani deuh vek tawh a. Heihi kan ngaimawhna a rei tawh hle mai a. Enkaw! mang silovin, vawiin ni ah hian kan ram kawng tlangpui dungah hi chuan milian Ram ani zo deuh vek tawh a. Han kal ila, chumi Ram chu ani, an ti zo vek tawh mai a. Heihi kan Sorkar thar hi chuan ngaihvenna hmana tum niin a lang a. Tunah hian Ram neihdante, Tax chungchangahte Dan kan siam dawn niin a lang a. Heihi a lawmawm hle in ka hria a. Sorkar thar hmalakna ani a. Hun reiloteah hian Dan thar te pawh kan neih beisei ila, chutah tana pawimawh leha ka hriat chu, tunah hian ka'n sawi ang khan Ram zau tak tak Bigha za, zahnih, zathum Bigha sangkhat thlenga neite pawh kan awmin a lang a. Mi hausa ten hetiang a Ram kan neih vek vek mai chuan Ram hi nakin thlengin a him lo zel dawn a. A tax lak lamah hian tang ta ila, a tha awm mang e, ka ngaihtuahna a awm tawh ani a. Bigha khat atana kan chhiah lak tura hi tam deuhhle sela, Non-Revenue ah hian tam tak kan la lut thei ang a.

Entirnan, Bigha khatah hian Rs. 100 te lo nita se, chu chuan mi pakhatin Bigha 500 a lei chuan kha ram neitu Bigha 500 neitu khan kumkhatah Rs. 50,000/= a chawi mai dawn ani. Kha ram kha tha taka a enkawl duh loh chuan a ram kha a surrender mai ang a. Chuvangin, kumtin Rs. 50,000/= kan lo chawi chuan kan Ram kha tha takin kan enkawl mai dawn niin a lang a. Chuvang chuan, hetilalah pawh hian kan Revenue Deptt. hian chhiah engangin nge kan Dan siamahte an rawn siam dawn kan hre lova. Chuvang chuan, hei hi a pawimawh hle in ka hria a. Tunah hian kan ramin chhiah lakna tam takte kan tih loh chuan vawiin nia kan inenkawl na ang ngawt hi chuan kan Revenue lak hi a tlem si a. Heihi kalpui zel theih tur atar a tawkin a lang lova.

Hemi Land Revenue huan Lo Ram mai bak atang hian kan In hmun atangte hian chhiah tam zawk la ila. Tichuan kan Ram hian hun reilo teah Crore 100 emaw tal Revenue kan hmuh hi tha in ka hria a. Hemi chungchangah hian mipuite, Sorkar hnathawkte kan zavaia kan tan tlan a ngai a. Kan inzirtir deuh pawh a ngai a. Chhiah chawih loh ringawt kan inzirtir thin hi a diklo fova. Chuvangin, awareness kan beih a, chhiah chawitu nih hi chaponaah kan hman theih chona turin leh kan Ramah hei, Corruption kan tihfo pawh hi chhiah hi chawitam ila, Rs. 10,000/- te, Rs.1,00,000/- te chawih deuh vek thei ila chuan, kan Rama corruption pawh hi ka rindanin vawiin ni a kan sawi kan sawi corruption pawh hian min tlansan thei deuhin rinna ka nei thin a. Chuvangin, hetilaiah hian chhiah tam zawk han lak theihna atana hemi Land Act rawn giam an tum hi a rang thei ang bera kan tih chhoh a ngaiin ka hria a.

Tin, pakhat lehai chuan Bazar chungchangah hian, hmami khan LAD ho ka zawt a. Bazar chungchang hi chu Revenue lam kut ani e an ti a. Kan New Market saw a tawp ang reng viau a, sawlaiah sawn mi kan leng lo nasa em em baw a. Ran saw Bazar hmunah kan talh mai a, in hnuaiah te kan talh a. Sawng saw a fello viauin a lang a. Sawngte pawh saw a thi nen bawlhhlawh nen ran rimchhia nen tisawn kan in chiahpiah nuai mai a. Hei pawh hi a senghawi dan ngaihtuah vat a tha hle in ka hria a. Kan Veng Electric veng step ah Bawng an kai chho thin a. Mihring kan tam si a, vawk an kai chho baw a, Bawng huaisen deuh an kaihchhoh chang pheih chuan in hliam a hlauhawm khawp mai a. Chuvangin ran talhna hmun hi kan Revenue lam hian a senghawi a a ngaihtuah vat hi chu a ngaiin ka hria a. Heihi kan Minister ten lo hria se tha in ka ring a. Chumai bakah kan Bazar saw kan leng lo nasa a, 1950 kan Aizawl kal tirh vela kan Bazar dan kha kan zui leh ta deuha. Inrinni pheih chuan Dawrpui pheiah sawn kan Bazar khat tlat a. Dawrpui Biakin kawmchhakah nen motor kal hleih theih loh in kan awm a. Sawngte saw a tha lo hle mai a, hriselna atan bakah a zahthlak ang reng hle a. Sawng senghawi dan saw kan ngaihtuah vat a tha hle a.

Tin, Chhim lamah pawh hian tunhma atang tawh.khan Bazarah hian kan buai reng a. Inrinni te hian va kal ila, Thakthing atanga Sikulpuikawn thlengin kawng dungah kan Bazar baw a. Hengte pawh hi a senghawi dan awmse a tha khawp mai. A Bazar hmuna hi kan neilo anih pawhin hei Central lam atangin LIC emaw HUDCO emawin Loan la ila, Vaibelchhe sawmte, Vaibelchhe sawmhnih te, a hmun lei ta ila. Tichuan, sa ila, khang atang khan a luah man kha kan inrul zel ang a. Chutiang ngaihtuahnate pawh chu kan Minister hian lo hmang sela, kan problem hi a solve thei deuh mai awm mange aw, tih ngaihdan ka nei deuh hlek a.

Chuvangin, Bazar hi veng hmuntinah hian kan neih loh chuan harsatna kan tawk zel dawn nin a lang a. Heihi kan hotute rilru ah lo awmse a tha in ka ring a.

Tin, chulo lelah chuan kan Bazar hi a tawp em em mai a, ke a han kal dawn phei chuan keini veng atangte chuan kan kal hleitheilo va, a rimchhia khu: kan hel zel a. Chuvang chuan, kan Bazar tawp dan te han ngaihtuah hian a senghawi dan hi kan Revenue lam hian a ngaihtuah theih chuan a tih thianghlim dan deuh hi kalphung thar kan ti mathlawn lovin, kalphung thar deuhhleka vawiin niah hian tan kan lak deuhhleka a ngaiin ka hria a. Chuvang chuan, heihi kan hotute hnenah pawh ka han chah deuh mawlh ani.

Tin, pakhat lelah chuan, hei Animal Husbandry chungchangah hian ka lo vei ve em em nichin khan an sawi tawh a, khimi kan Vety College chungchang, a hna-thawktu lak chungchangah khian Mizo tena kan thawh theih tawk IV Grade leh Lecturer thlengin kan thawh theih tawk angah khian hmun hauhtam a pawimawh a. Hei kan Central YMA te pawh hian an ngai pawimawh hle a. O.S.D te leh a hotu ber thlengin an bia a, an sawitlang thin a. Heti laiah hian kan Sorkar pawhin ngaimawhah a nei tho tih pawh kan hre nachungin, Mizo tam tak hetilalah hian kan thawh ve theihna tura kan Minister ten hma an lo lak tawhna hi lak chhonzawm leh zel niselangin, thaa rinna ka nei a.

Tin, pakaht lelah chuan kan Demand 26-naah khan kal ta ila, hei Medical chungchang hi kan sawi tam tawh hle a, tlem azawng han sawi ve ka duh a. Doctor an pawimawh a, vawiin niah Specialist tam tak kan nei a, heti laiah hian duh angin kan la nei tam lo deuh niin kei chuan ka hria a. Tunhma khan kum 5 Sorkar hna an thawhin Special an zir thei tih ani a. Vawiin niah chuan kum 3 ah an tla thla a, hei hi a tha hle a. Ka lo ngaihdan phei chuan kum 3 mai pawh ni lovin, miin an zir duh phawt chuan kum 3 aia reilo kum 1 an thawh pawhin, appointment an hmuh atang pawhin tih theih mai ni sela. Tunlahiah khawvel finna intlansiakna, thiamna intlansiak naah hi chuan a zir duh apiang zir theihna kawng hi awm zel sela tichuan Specialist te kan duh theih si a Thingtlangah. An vai hian Post Graduate ni vek sela chuan, thingtlang lam pawhin Doctor Specialist kan nei ni mai tur ani a. Helai kawngah hian kan hotuten chik leh zuala ngaihtuahin kan Minister te pawhin a tihdan kawng thar la dap chhoh zel hi thil tha ni awmin kan ngai a. Chuvangin, in hawng tak-in, Post Graduate kan Doctor tena thiamna sang zawk an zir chhoh theihna a tam thei ang ber hi kalpui ila chuan, harsatna thingtlang lamin kan sawi tam takte pawh hi a sawt thei deuh chuan rinna kan nei a. Aizawlah hian tam hle a, amaherawhchu, kan hotute'n in sawifo angin transfer hi a har em em mai a. Aizawla han inhnawhkhawm deuh tut hi Deptt. dangachte, zirtirtu-ante pawh hian kan lo duh deuhfo niin a lang a.

Ka bialah chuan Minister leh kan Director te a Department te min lo hriat sak tur in ka ngen duh che u a. Damdawi tam tawk min thawnthlak sak ula. Ram pilril ani a, dik chiah chuan vawiin niah Damdawiin ah Damdawi a awm si lova, damdawi zuar sawi tur an awm bawk si lova, damdawi nei lovin vawiin niah khuan an awm reng a. Chutih laiah chuan a theih ang anga damdawi min ngaihtuahsak a min thawnthlak sak vawiin niah kan ngen che u ani. Tin, chubakah Kulikawn Damdawiin te saw tihlen a ngai a. Tin, Khawzawl lam Damdawiin te pawh khi in 200 dawn laiah khum 10 awmna lek a awm a, hengte pawh hi ngaihtuah a tha khawp mai. Tin, ka biala Damdawiin te pawh khu 1987 a MNF a Sorkar khan khum 30 awm theihna turin kan hotu ten an ruahman a. Vawiin ni thlengin khum 10 chauh a la awm mai a. Khungte pawh khu kan Sorkar in min lo hriat sak ula ka duh hle a.

Tin, Sub-Health Centre ah reng reng khuan Health Worker pakhat te an awm a. Tin, chubakah thisen lak chungchangah hian nichina ka hma ami te sawi ang chiah in Km 10, 20, 30 ami ani a. Khang an va thlen leh chuan karkhatte karhnih te an lo damlo tawh a, chutah chuan harsatna tam tak an tawk thin a, hetih laiah pawh hian min ngaihtuah sak turin ka han ngen duh che u a.

Hei Art and Culture chungchangah hian sawive duh ka nei a. Library hi a pawimawh em em mai a, Library hi ram changkang a piangin an uar a. Keini pawh ziak leh chhiarah India ramah pakhatna kan ni a. Vawiin ni a Library kan ngaihsak loh dan hi chu a tha chiahin ka hre lova. Kan Budget ah te han en ila, Library lam hiam hmasawna tur a awm teh chiam lova, Central Sorkar hian Library hi a ngai pawimawh em em mai a. Kan State Sorkar ina pawisa a dah ang zat hi Central Sorkar hian a rawn khing zel thei a. Nuai 10 kan dah chuan Nuai 10 min rawn pe thei a, Nuai 20 kan dah chuan Nuai 20 min rawn pe thei mai a. Chutianga Central Sorkar pawhin Nuai 15 min rawn pe thei dawn a. Mahse, a khin nan Nuai 12 vel chauh kan dah a, Nuai 3 chu kan chan leh dawn niin a lang a. Hetiang kawngah pawh hian Central Sorkar a thilphal hle si a, keini lam thilphal ve deuh pawh hi a tha awm hle in ka hria a. Library hi a pawimawh em em a. Hnam ang leh ram anga kan ngaihsan a, hma kan sawn theih nan a pawimawh a. Hmuntinah Burma dep velah te, Manipur ahte, Tripura ahte kan tawng tih hausak theihna tur chuan Library atang hian hmalak a awl ber a. Hei pawh hi kan Sorkarin ngun taka ngaihtuah a, kan Minister pawhin lo ngaihtuah chhunzawm turin ka chah duh mawlh mawlh a. A chhan chu Library atang hian ram leh hnam siamna development tam tak a kal thei a. Tawnga mi kan va hneh hian hnam angin mi kan va hneh ani thin a. Kan tawng min an hriat loh chuan, hnam angin mi kan hneh tak tak thei lo. Chuvangin, kan tawng min an zir a an thiam chiah hian, tawng angin mi kan va hneh thei a. Keimahni a mi kan la lut thei ani tih hi kan hriat atan kan sawilang leh duh a.

Chulo lelah chuan Tourism chung-
changah hma kan lak dana hi keini bial lamah khu chuan Tour-
ism hi a awm leh awmluh pawh kan la hre chiah lova. Chuvangin,
khawthlang lamah khuan Tourism hi min han tih lar sak ve ula
kan duh khawp mai a. Chuvang chuan, Tourist Lodge te emaw, a
theih anga hma min rawn laksak turin kan Minister te vawiin
niah kan ngen ve leh duh ani a. Ka lawm e.

PU R.LALZIRLIANA

: Pu Speaker, ka lawm e. Hei,
Vawiin nia kan Demand han sawi-
te hi a tlangpuiin a pawimawh
hle hlawm a.

Demand 26 naah hian kan lut tan
ve dawn anga. Damdawiin lam, Health Deptt. hi an pawimawh hle
a. Nimin lamah kan sawi tawh angin, Pathian tih lovah chuan
min tidam theitu anni a. Nunna an pe thei lova, damna erawh
chu an pe thei ani. Chumi rual rual chuan, kan Sorkar kal tawh-
te pawh anni tho ang a. Kan Ministry kal tawh zawng zawngah
hian Health Deptt. hi kan en dan hi duh ai hian a pawimawh
lo deuh em ni tih theihin ka hria a. Chuvangin, tun tumah hi
chuan kan ngaih pawimawh hle a tulin ka hria a. Chutiang anih
lai chuan kan Governor Speech ah leh kan House Leader zahawm
tak Speech ah khan, priority ah khan an tello niin a lang a.
A kalphung pangngai a kal mai turte zingah khan an tel rih ani.
Heihi a lungchhiatthlak hlein ka hriaa. Pu Speaker, a pawimawh
na ang hi kan pawh hma loh chuan, vawiin niah hian ei leh bara
intodelh tum mah ila, a hnathawktute chu an hriselloh miao
chuan kan intodelh tak tak thei dawnin ka hre lova. Hei aia
nasa zawk deuha tan kan lak hi a tul hlein ka hria. Hei tun
Sorkar tharah chuan a lehlamah a lawmawm hle a, Directorate
hmun hniha thente kan han tum a. Hengte hi hmasawna chikhat
chu ani ngei a. Directorate hmun 2-a kan then chuan a post,
Director post 2 a awm dawn a. R.R a awm a, Eligible Candidate
te an awm bawk a. Chutiang anih chuan tunhmaa thil thalo tak
ka tih thina chu Health Deptt. ah Director chianguang mang lo
kan dah reng mai thin a. A mihring ka ti lova. Director anga
nghet taka an awm anih loh chuan Adhoc appointment tih ang chi
mai mai emaw charge la tih ang reng mai mai hian rilru nghet
takin an rilru zawng zawng kha Deptt. ah khanin, ta angin a
lang thei tak tak lovang tih ka ring a.

Chumi anih avang chuan vawiin
niah hian regular basis a fill-up theih mai niin a langa,
chutiang anih lai chuanin adhoc-appointment, adhoc-basis a
tih tumna nia tlang sawi kan ti tite hi a diklo niselangin
ka duh a. Tichuan, MPSC kan neia, hetiang Officer lian deuh
chu an kutthlakna turah ka ngai a. Mizoram Public Service
Commission ah pek a, a senior te a tlak an tih kha chu rawn
dah mai se. Dan anga kan tih hian Sorkar leh mahni pawh hi

kan fihlim hma dawnin ka hria a. Chulamah chuanin ngaihtuah zui atan ti ila.

Tin, a pahnihna atan chuan nichina Member zahawmtak takten an sawi tawh Zemabawka T.B Hospital saw a ngaih mpawimawh aww hle in ka hria a. Hman deuh phei kha chuan an chaw dawn a chhe lutuk a, engemawni han strike te pawh kha an tum deuh niin a lang a. Amaherawhchu, kan hotuten khatiang thleng lo khan an lo tihsak a, a lawm-awm ka ti a. Khum 30 awwna tura khum 50 dah niawm takin kan lo hria a. Sawlai V/C ten an sawi danin an tawt hle mai a. Nichina kan Member zahawm tak takten a bialtuten an rawn sawi danin Doctorte hian an awwchilh thei lova, a awwchilh thin aww thin a kha, hmundangah suan ani tawh si a, chuvangin, kan Doctorte pawh hian khawngaih taka a hmuna min awwchilh turin kan Minister zahawmtak hian hrilh sela, aww ta selangin a tha awwin ka hria. Rilru a dam chuan natnate pawh hi a dam deuh huai thin anih hi.

Thawkkhat lai phei kha chuan Biakin leh Choka te kharsak niawmin ka hria a. Amaherawhchu, chungte zingaha damlo a te kha an lo in hmelduhva deuh a, an kharsak ani aww a. Amaherawhchu, mi pakhat سوالنا avangin Eden huan ang kha chu thleng em tawh lo sela.

Pu Speaker, Malaria beihpui hi kan thlak a ngai ani. Sorkar chaktak hian theihtawp chhuaha intih chuan Thosi thlawk ve ve hi chu a aww loh thuai hi ka ring tlat. Ka bialah pawh khian Malaria an vei nasa a, kan hotute ka han puna, an theih ang tawkin hma min lak sak a.

Blood transfusion ah kal leh ila, khati lai khan kan Minister zahawm tak hian a lo enzui tawklo deuh avanga kha thil kha sut leh anih a sawi a, a lawm-awm kan ti hle mai a. Thil lo en tawklo deuh avanga khalai a man lo pe tawhte kha chu a rang thei ang bera pekkir leh nise lang a tha in ka ring. Tiang kama ka lo hriat dan chuan, pekkir leh pawh tumlo niawmin ka lo hria a. Amaherawhchu, keimahnin kan thiam lohva kan hriatna na chu, an hnenah khan kan pe kir leh mai turniin ka hria a. Tiang chuanin Pu Speaker, khawngaihmin min lo ngaithiam la, a la reiin ka ring lova.

Nau neih lampang kha inkhawm hmasa khan ka sawi tawh a. Naute pawna an cheh tak maia kha ka sawi tawh a, a dik khawp mai a. Kan Minister min chhan danah khan, thlathum leh chhung chuan engtin nge? in pu te pawhin kum 5 lai ro an rel a. Min han tideuh tak na a. Amaherawhchu, khatiang tithei tur khan mipuiin an ring che u a, an thlang tling che u ani tlat mai a. Khami hnu pawh khan pawna nau khan cheh leh a kha an aww leh tlat mai a. Doctor te ka han kawm ve mai mai a, an sawi a kha ka ring khawp mai a, anni kha ka zu demna lam nilovin, khilala Insa theitu ate zawka kha tih a ngai ta niin ka hria a. Nau vei hi mipa nau han siam chak hi kan la tamin ka hre si a. Hmeichhia lahin an pai reng duh bewk si a. Tiang khan nau vei kha an tam thin si a. A veina hun chhungah ngawt khan

an leng silova, pawna ve awmte kha a ngai a. Nau awl deuhte chu a pik pawk ani mai si a. Khatiang khanin an lo awm leh tawh mai a. Chuvangin, Pu Speaker, Demand 26-na Health Deptt. ah hian sum hi duh ang tawh dah theih nilo mahselangin helai a vaibelchhe 330 kan lehkhabu a, a lang piah lamah khan lo hawng kha a tam leh si a, khang kha dah nise langin. Civil Hospital lampangah reng reng chuanin nauneihna Ward kha ngai pawimawh ber sela. A hmunah sawn se nghal mai sela. Chu chu kan notu ten min bawhzui puia min tih puitlin ngeite pawh hi kan han beisei ve ani. Chu chu Health Deptt. lam bikah khan nita rih mai selangin.

Tin, Demand No. 6 naah hian in Land and Revenue ah hianin thil pawl ang ereng deuh awmin ka hria a. Ka hma a Member zahawm tak Kawrthah hialtu in a han sawi kha ka han hria a. Amaherawhchu, heti zawng hian ka han sawi ve duh thung a. Chhiah hi kan la tam lutuk ta a. Tunah hian a pung thut mai a, a let khatte in a pung a, a let thum te in a pung a, a let ngate in a pung a ni. Chumi awmzia chu milian, mihausa, Beauocrats ho awmna kawngpui dungah hian a let khatin a pung ani. Mi hausa khatiang ang chhiah chawi thei, pawisa ngah tak tak kha a letkhatin a pung chauh a. Tin, chumi ang deuh thaw tho mi va laihawl i ti mai ang khatiang ang ho awmnaah khan a let thumin a pung a. Keini ang mi rethei deuh veng mawnga awm in hmun tha pawh neilo Main road pawh hla tak a awm ho tan khan a let ngain a pung ani. Pu Speaker, mak i tiin ka ring nang pawhin. Hetiang em em tur hi chuan engtizia nge kan han tih mai ka ti a. Chuvangin, kalphung thar a kan awmdan tur leh vawin nia kan chhiah lak ka han ngaihtuah hian a inmil theiin ka hrelo ani. Kalphung tharah chuan mirethei hnusihnung zawkte hetah mual eng kan lo hmu ve phak ang tih kan in beisei lain a let nga in a pung ani. Chu chu khawngaih takin kan Minister in min lo ennawn sak sela ka duh ani. Hetiang anga a let nga a a pun chuan mihausa zawkte pawh hi a let 5/10 in pung ve rawh se chuti chuan tax kan lo ngah ve tawh ang a, Revenue kan lo ngah ve tawh dawn ani.

Tichuan, a pahnih lehnaah chuan Biak In hmun Session hmasa ah pawh ka sawi tawh a. Biak In hmun Sorkar hmasa in alo pek zawng zawng kha chu Pathian leh kan ram tan titu tun kalphung tharah hi chuan inpe chhunzawm ngei ula ka duh ani. Heng in pek avang hian Sorkar ram ani emaw khawimaw lai ani emaw, a hek lutukin ka ring lova, mipui leh vantlangin an sawisel ka ringlo. Tin, an sawisel ka rin leh thung chu sawlai Auditorium kan sakna Zarkawtah sawn, a sak lohna lam saw mi thil tithei tak leh kan hotute hmel hrist takin an dil a. Secretary pawh an application te pawh khan a thleng tawh ani awm e. Sawlai saw pek a hlauhawm hle mai, khawngaih takin kan Minister dikna ngaisang takte leh kan khawpui traffic-jam nasat thin thu hretu ani a, ani hian lo dang ngei sela, lo pelo ngei sela tih kha ka sawi duh ani. Chu chu nimai sela, kan ti zung zung anga.

Demand 40-na Bawnghnute lam hi tlemte han sawi leh ka duh a. Bawnghnute kar kalta nilai ni vel kha chu an dal ang reng rip rep khawp a, rialno fim takah hian han dah ila, kan in atangin Zemabawkte saw han thlir ila a lang fiah ting emaw tih mai tur ania ! han chhuang ila a tla fim kuk mai a. Chuvangin, hengte em em hi chu tih chi ah ka ngai lova. Kan Minister zahawm tak hian min note sak mawlh mawlh mai a tihzia ka ti a. Vety lampang atang hian kan hawng kawchhungte hi a balta deuh nge ka hre lova. Bleaching powder a tihfai an tum nge ni ? Bawnghnuteah khan a nam leh em em mai a. Engtizia nge ni, tui pawlh loh kha kan lei ve thin ani si a. Bawnghnuteah han nam tak em em mai kha. Hengte pawh hi min lo enfiah sak selangin, a lawmawm ngawtin ka ring a.

Chulo deuhah chuan ar chaw hi ar hi kan ramah kan intodelh theihna hmasa ber tur ani a. Chuvangin ar chaw hi to lutuka kan lei thinna te hi Department lam hian sutkian dan an hria in ka ring a. Retailer ang reng deuhthe pawh siam ve a, a chaw hi min leisak turin ka han ngen bawk ani.

Demand 51-na han sawi ila. Pu Speaker, khawngaih takin tlemte chu min belh ve la, hei a rei tawh miah lo ania. Heti lam sawia i rawn nuh deuh suih hi chuan a nuam ania, tak tak a, kan hlim ania, ka tifiham lo ania.

Demnad 51 na, Tourism ah hianin kan ram revenue kan hmuh tamna ber tur ani a. Vawiin niah hianin kan ram a nuam a, a ralmuang a, a boruak lah a nuam bawk si a. Tin, mikhual chungah mizo te hi kan sual ngai bawk lova. Chuvangin kan rama lo zin hi mi rama miten an chak em em thin ani tih kan hotu ten an sawi tawh thin a. Heihi ka pawm thlap mai a. Chuvang chuan Tourism Deptt. hi kan thuum that lehzuat a ngain ka hria a. Hei, Pu Rokunga hlaah, "Hnam dang hmusit mai lovin thianah i siam ang u. Chutin kan hming than mawina chuan khawvel a deng chhuak ang," tih han sawi ringawt pawh hian Tourism Deptt. nen hian a inhme hle in ka hria a, chutiang chuan kan ramah revenue tam zawka lo luh theihna tur leh Foreigner te kan mikhual atanga sum leh pai kan lo lakluh tur zawnng zawngte han chhut hian vawiin ni atang hian tlema kan tan deuh chu ngain ka hria a. Hei sum kan han dahte hi a beitham ang reng hle a. Tlema a Chief Minister lampang duhsak kai deuh leh rulling 'B' nilo lampang deuh hian han chang mai sela, pawisa hi an dah hnem thei deuh hlek ang a ti dawn ila, a Minister zahawmtak hi a fel hle bawk si a. Chutiang ang chuan kan hotuten ngaihtuah dan tharin rawn ngaihtuah kha ka han beisei ani a. Tichuan, Tourist Lodge kan neihte hi hmun tinah, Pu Speaker, i zin chuan han kal mah la, a maintenance hi a chhe leh lutuk a, ka bial ami, khilai Saitual a Tourist Lodge te chu thiannu te nen pheichuan mut ngam ani lo, a ri tut tut mai a, mahni pawh hian han let ila, a chim dawn emaw tih mai khawp

kha ani a. A maintenance hi a chhe lutuk ani. Tichuan Deptt. dangah pawh hian J.E. te, S.D.O te, E.E thlengte pawhin an nei thei a, hengte pawh hi thuum that ve deuh a, kan ram ah mikhual an lo kal dawn a, hengte hi an thlenna tur tih hre reng a, kan ngaihtuah pui a, sum leh pai tam zawkte pawh hi kan pek a ngai- in ka hria Pu Speaker, Ka lawm e.

S P E A K E R

: Kan sawi kim khat ta ani awm e. Wind up a **Pass** dil nghal tur in Pu Lalrinchhana, Minister i sawm ang u.

PU LALRINCHHANA

: Pu Speaker, Vawiin niah Demand hrang hrangte kan sawi chhova, phur takin nilengin kan sawi hova, ka Demand Revenue hi 20

zingah 11 in in rawn tarlang a. Amaherawhchu, ka lawm em em rualin, Mizoram Land Revenue and Settlement ngaih pawimawh a tul zia (awareness Campaign) a tul zia keimahni MLA ah ngawt pawh hian a ngai hle in ka hria a. Tihtak zeta kan ram, leilung kan luahna tur thu a thusawi kan tam vak lo niin ka hria a. Chuvangin, mipui aiawhte hian kan ram luah dan phung en that a kalphung thara kan kal a tulzia hi kan ngaihtuah ngun a ngai ka ti khawp mai. Kum 30 kalta hmalama kan ram kan luah dan leh District Council leh U.T leh State a kan han awm hnu a, kan ram kan senghawi dan leh kan luah dan han thlir hian Mizoram kan luah dan hi enngun a ngai khawp mai. Tunhma chuan Mizo mitin hian mahni In hmun tur harsatna nei miah lovin hmun tha takin an nei a, ei leh bar an zawna turin an nei vek a, engmah chepna an neilo. Vawiin niah erawh chuan tun tum 30 vela kan than tawh dan thlir chuan, ti hian thang zel ila tun kum 50 lo thleng turah chuan Mizoram hi mi hausa leh miliante kutah a ram leilung hi a awm chho vek ang a, mipui nawlpui za a sawmsarih te chu phairam ang bawh khuan mihausa leh milian te ram chhungah kan awm tawh a ngai ang. Chu chu tuna kan ram luahchhunga kalzel ani.

Mizoram mipuite hian kan ram chhungah hian mahni in hmun tha tak nei a, eizawna hmun thatak kan neih theihna tur, he hnam aiawh tute hian kan zawn a ngai. Chu mi avang chuan kan ram leilung kan luah dan hi uluk zawka kan ngaihtuah a, kalphung thara kan kal a ngai. Tuna kan kalphung hi a kal zel chuan phairam a landlord in ram zawn zawn an nei zo va, mipui nawlpui chu landlord hnuaiah bawiah an awm ang hian, kan ram hi a awm dawn. Chumi lak atang chuan kan ram kan hnam hi kan chhanchhuah a ngai. Chumi atan chuan kan ram kan luah dan tur Land Revenue and

Settlement tuah hian kalphung thar kan neih a ngai takzet ani.

Chumi thu ah chuan Budget kal-phung hi han thlirin nikum lam kalphung ang deuh bawk ani tho lawm ni ? a sum hi a tam belh hret hret chauh ani lawm ni, kan ti ang a, a dik thei e. Sum sanction dan phung a awm a, amaherawhchu, he sum in hna a thawh dan phung hi kan siam dan a thu thu in he sum hian a thawk dawn ani. Chuvang chuan tun atang chuan kan ramah hian Mizoram ami tupawhin mahni chenna turin a sakna tur hmun a neih theih a, eizawna tur ram a neih theihna turin kan ram hi kan senghawi a, kan luah dan tur kawng kan zawng dawn ani. Chumi ang chuan tunah hian kal kan tum ani. Chumi atan chuan tuna kan Dan hman lai a hi a kim tawk lova, a tha tawk lova, chumi avang chuan tunah hian kan siam tha mek ani. Tun Session ah pawh hian a then tal chu put luh hman ngei kan duh a. Amaherawhchu, Law Deptt. in an la kawla. Kan pulut hman lo anih pawhin Session hmasa berah chuan pulutin, Dan kalphung thara kan kal theihna turin ruahmanna thar nen kan kalpui dawn ani. Chutiang chuan kan ram leilung kan luah dan tur phung hi buatsaih chhoh kan tum ani. Chumi atana Mizo hnam aiawh lo kalkhawmte hianin kan ram mipui thlirin, he hna hi i thawk ang u tiin ka han sawm duh ani.

Kan ram Revenue in kan enkawlna kawngah hian, India ram chhunga State dangte chu kum 50, kum 100 liantaah khan an ram leilung zawng zawng khi an survey vek a, an record vek a, an mapping vek bawk ani. Chutiang ang a chiang taka siamfel anih hnu-ah an ram leilung luah dan tur khi an senghawi chho thin ani. Amaherawhchu, vawin ni-ah kan ram hi chutianga survey a, record-a, thiltih a la awm mural hauh lo ani. Tuna, kan Revenue Deptt. in theihtawpa hman an han lakna ah Mizoram khua 700 velah hian, khaw 60/65 vel chu town-ah an han puang a. Sub-Town ahte, Chung zinga khaw 45 kha survey an la nei chauh ani.

Tunah hian khatianga kan survey, kan beihchhohna zel atan pawh hianin a sum lam chang ni lovin, a thawktu leh a hmanrua kan nei chau lutuk a, chu chuan tunah hian hna min thawh chak tir thei lo ani. Hemi fel, zawka kan tihtheihna tur chuan a sum lam mai bakah, a thawktu leh hmanrua pawh changtlung zawka kan insiam a pawimawh ang.

Chuloah chuan, kan ram kan enkawl chhohna tur atana ram kan luahna tura pass kan inpek dan phung pawh hi a tha tawk lo em em ani. A hmingin condition te chu kan insiam ngei a, amaherawhchu, chu condition chuan miin ram develop na tur khawpa rama sawisak loh pawha ram Sq. mile khat a hmanna tur kha a hauh tlat ani.

Chutiang ang anih avang chuan mi tam takin remchanna zawngin nakinah sum a ka la chantir tur tih hisap niawm takin ram kan hauh vak vak mai ani. Chutiang ang chuan tunah hian a kal a, chhiahlakna kawng lamah

erawh chuanin kan la vannei em em si a. Tunah mi ram han ni sela, tuna kan ram chhunga mimal ina ka ram tia kan luah bik atang hian chhiah khawn ta ilangin, tun hunah hianin Rs. 1, 03,00,000/- kuminah chhiah kan la khawm a. Amaherawhchu, miin Ram dangina an ram luahtute hnena an lak dan phunga a kim biai a lek chu ni sela, Rs. 10,00,000/- kan hmuhnaah hian Vaibelchhe sawm chu kan hmu em em ang. Chu chu anih avangin chhiah kan tihdan phung pawh hi a tha tawk vak lo ani. Chuvang chuanin, chhiah pawh tha zawka kan lak theihna turte, Ram luahtu chuan a ram kha a tihmasawn ang a. Chuta tangin chhiah tha taka a pek theihna tur a hnathawh dan tur kawng pawh kan zawn a ngai anga. Chung zawna tur chuan nichina ka sawi ang khan hnathawktute pawh tam zawk leh efficient ber ber kan inlakchhuah a ngai ang. Mi Ramah chuanin Commissioner hnuaiah Dy. Commissioner zawng zawng hi Revenue mi leh sa vek an ni. Amaherawhchu, tunah erawh chuan Revenue mi dinhmun chu a hran em em lo. Chuvang chuanin, kan ram leilung kan luah dan tur phuisui zawka kan siam theihna turin Revenue dinhmun hi kan schawisan a, hma kan lak chhoh a ngai a. Chumi atan chuan hma la turin i inbuatsaih tlang ang u. Chutiang ang chuan kan ram hi Mizo mipuiten kan develope a, hlim taka kan luahtlan theihna turin kan siam chhuak tur ani. Chumi kal-phung tharah chuan kal turin ka in sawm ani.

Awle, kawng hrang hrangin rawn sawi nuala. Engemaw pawimawh zual chu han tarlang zawk ila. Aizawl South II bialtu Pu Sangzuala khan Hlimen Quarry chim avanga Hlimen khua a harsatna chungchang kha a rawn sawi a. A dik khawp mai a, kha kha. Sawmi chungchang saw a harsa khawp mai a. Revenue Department ringawtin a tih theih pawh ani lova. Chumi avang chuan tunah hian Chief Secretary hotin Committee kan din a. Chung Committee chuan a theih ang angin hma an la chho ani tih kha ka han tarlang duh a.

Tin, chu lo leha ka han tarlan leh duh chu chhiah pun chungchang kha a hnuhnung lam ani na a han tarlang ila. Kumin chhiah khawn kha nikum lam ai chuan a pung nasa em em ani. Engnge a pun chhan? Nikum July thla khan khatiang rate a khawn turin Mizoram Sorkarin a lo pass diam tawh a. Chumi Mizoram Sorkar lo pass sa ang chuan kuminah chuan chhiah kan khawn mai ani. Chu chu tuna chhiah lo pung a kan khawn dan phung kha ani tih kan tarlang duh a. Tin, khatiang ang chhiah kan han khawn dan phung pawh kha siam danglam a la ngai down tih kan hmu a. Chumi siam danglam dan tur pawh Sorkarin a ngaihtuah chho mek a. Tin, nikum lama an lo ruahman tawh ang khan hemi House Tax leh Zoram chhiah pawh hi in tinin Rs. 20 leh Rs. 25 a pek tur a an lo rel vek tawh a ni. Amaherawhchu, chu tak erawh chu State Sorkar Cabinet in a ti tura approval a la awm chiah loh avangin la tih lohina a la awm a. Chu chu tunah hian tih hmabakin a awm zawk ani. Chutiang ang chuan tunah hian kan kalpui chho ani tih kha ka han tarlang duh a. Tin, survey kan tih tawhah khan LSC an pe chaklo an ti a. Kan pe chak vak lo reng a. Hemi-ah hianin technical thilah harsatna a awm avangte,

inthlan buai a tam avangte, leh mihring a thawktu an indaih lowk loh avangin, tunah hian kan ti chak thei lo ani. Theih-tawpa hmalak chhoh chu kan tum a, hma kan rawn la zel dawn a.

Amaherawhchu, tunah hian kan hriattur chu, Revenue ina LSC te siama pass siam natur chin chu Sub-town a puan chin hi ani. Sub-town a kan puan chinah hian cadastal survey kan ti a. Chuta teng chuan LSC kan siam thin a. A bak Village erawh hi chu LAD kuta awm ani. Khaw-chhunga Village anga inhmun chungchang hi chu LDC kut ami a ni a, Revenue va inrawlh lohna ani.

Amaherawhchu, Agriculture Land-ah erawh hi chuan a pumpuah Revenue in a khai thung ani. Chuti-ang ang chuan helaiah hian LAD chan lam leh Revenue lam chan hi a inthliar a. Khami lai kha kan hriat a pawimawhin ka hria a. Tin, khung lai Vairengte bula sipai Training hmun/ram pek belh chungchang kha anni khuan an dil a, an dil ang kham a hmunah zu en a, zu teh tawh ani a. Amaherawhchu, khami huam chungah kham mimal ram emaw, Deptt. ram emaw engangnge awm dan chiah ni a, engnge harsat dan? chu chu enfiah chhoh ani ang a, chumi enfiah chhoh hnuah chuan pek tur anih leh chung chu la tihtluk ani ang tih kha kan tarlang duh a.

Tin, Land record leh survey hi kan bei chhohnaah hian tunah hian computer pawh kan hmang chho mek zel a. Chuvang chuan kan Land record reng reng hi tun atang hi chuan computer-a thun vekin kan record chho tan tawh a, thui tak kan record chho tawh ani tih kha ka'n tarlang duh a.

Tin, a bikin Tlabungah khanin In 430 kha in awm a record ani a. Chutah chuan In 187 ah LSC pek ani a, a bak erawh chu la tih hman loh ani a, a bialtu-in a rawn sawi ang kham kan theih ang tawkin rawn tih hma kan tum dawn nia.

Tin, Biak In hmun chungchang kha chu Sorkar hmasain tha taka Revenue Deptt. kaltlanga pass a lo pek fel tawh kha chu a pangngaiin a kal a. La pending ho erawh kha chu an chungchang thu ngaihtuah chhoh zui leh niin, a tul anga khami chungchang kha ruahman chhoh leh tih danglam ani tih kha ka han tarlang duh a. Chu chu Revenue thu-ah chuan kan tarlan ni mai sela. In rawn sawilan hrang hrangte kha hetah hian kan lo record vek a, kan lo enzui ang a. Nangmahni bial bik leh hmun bik in rawn sawi te pawh kha kan lo enzui dawn nia.

A.H. & Vety chungchangah hian-in hun kalta a kan lo kalpuinaah kham thil tam takah hmasawna kan nei tha. Vawkte pawh kha kan intodelh ta tiin kan han awm renrawn a, amaherawhchu, kan intodelh dan phung kha a fel tawk loh avangin tunah hian kan intodelh lo tan leh a.

Chutiang bawkin Ar lamah pawh khanin hmasawna a kal tha chho viau a. Tunah hian poultry Union phei chuan, "State dang atang hian Ar la lut chho tawh-lo mai ila, kan intodelh thei tawh ang a", ti hialin an rawn sawi nghe nghe a. Amaherawhchu, kan intodelh dan nia kan hriat te hi a la famkim tawklo em em a. Chuvang chuan tun kan dinhmunah kan han thlir chuanin, Mizoram ina sa kan mamawhah hianin kan indaihlohna hi tunah hian 5372.84 metric-ton velin sa kan la intodelhlo niin kan hria a.

Tin, Bawnghnute-ah hianin kan intodelh lohna nia kan hriat chu - Litres maktaduai 59.4 in kan la intodelhlo niin kan hria a. Tin, artuih hian kan intodelh lohna hi engtinge intodelh zawka kan kal ang tih hi tunah kan ngaihtuah chhoh lai ani. Chumi kawngah chuan tunah hian In hmun tinah Vety in a hmun a buatsaih hi "Damdawi In emaw RH Centre emaw Sub-Centre tihte, khang hrang hrang kha kan theih ang anga improve chu kan tum ang a. Tunah hianin Quarter leh a damdawiin vel ilo pawh hmun tin meiah repair ngai ani tih kan hmu a, kum engemaw zat chu sak belh chu sawi loh repair theilo in kan lo awm tawh nghe nghe a, chung chue ang ang in nge kan tih that ang tih kha kan ngaihtuah chho mek ani.

Amaherawhchu, tunah hian kan intodelh nana hma kan lak dan tur erawh chu kha chu kal zel mahsela, tuna kan kalphung ringawt hi chuanin kan intodelh tak tak chuang dawn lo. Chuvang chuanin hnathawh penhleh a hmang chung a intodelhna tur hian engtikawng mahin hna kan thawk puitling lovang, chuvangin, hemi a thawktu turte chuan an chhungkua in kha hna kha an thawk tak tak tur ani. Chutiang anga thawk thei tur chuanin ruahman sakna kan buatsaih sak dawn ani. Tunah hian miin vawk an vulh duh chuan Mizoram intodelh nana vawk vulhtu te chu a khua pawh in khawhrangin kan siam mai ang. Khawhrang in kan siam ang a, an chhungin an awm ang a, an chhungkaw hnathawh pui tak takah an nei ang. Chutiang ang chuan khawkhatah In 50, 60 te dah khawmin chumi hmunah chuan in khat khan vawk 40, 50, 100 tel pawha vulh khatianga eizawn nan a hmang turin buatsaih chhoh kan tum ani. Chutianga an tih chhohna tur chuan sum pawh hai chhuaha, a then chu grant ani ang a, a then subsidy, a then Loan pawh ani ang a. Chutiang chuan hma laktir kan tum a. Bawng pawh nise, a sa ei tur chi hi mahni khua midang zinga tal lovin, khaw hranin hmun falah Farm an din law law ang a. Chung chuan bawngsa ei tur chi pawh hi an vulh ang. Chutianga an vulh theihna tur chuan hmun leh ram leh khami an vulh theihna tur kha sum leh pai pawh ngaihtuah pui kan tum a.

Chutiangin, arte pawh midang zinga in awmpawlh hian ar hian natna a tuar hma em em a. Chu chu anih avangin tlema hma deuh hreta tih a ngai a. Chutiang tura ram nei leh tui mite chuan chhungkua in khati-ang khan an chei ang a. In khatin ar 5000 - 10,000 thleng an vulh theihna tur kawng ngaihtuah puiin kan intodelhna tura hma lakna tur kawng tunah hian kan ruahman chho mek ani.

Tin, tunah hian artui hi kan intodelhna turin kan ramah hian tuman artui atan er an vulh ngam lo. A chhan chu a hmun atanga artui lo kal hi artui 1 ah Rs. 2/- te a an hralh theih lain tunah hian kan ram chhungah ar han vulh chhovin artui hmachhuan khanin kan vulh ta sela, an artui kha 1 Rs. 4/- emaw a hralh a ngai tlat. A chaw lam a harsat avangin. Chuvangin, Mizoramah hian ramdang atanga lalut lova keimahni ram atanga a chaw intodelh tura kan inbuatsaih a ngai. Ranchaw siamna khawl tunah hian kan er mek a. Estimate ah chuan duhtawka buatsaih tur chuan vai-belchhe 60 velin an hisap a. Mahse, chu aia hniam deuh hret pawhin Vaibelchhe 30 vel chuan a tihtheih kan ring a. Chuta tan chuan hma kan la tan a.

Tin, chulovah chuanin hmalak natur chi hrang hrang kan tarlante hun a duh rei dawn avangin kan sawi thuilo mai anga. Tuna Ar rate siam hi Trade & Commerce Deptt. tih ani a. Mizoram kan thil thar chhuah rate control-na hi Trade & Commerce kuta mi ani a. Tuna Ar rate siante leh State dang atanga lakluh emaw lakluh khap emaw hi Trade & Commerce kut ami ani.

Ran quality thu-ah hian tlem ka'n sawi leh vawk ang a, tuna kan vawk vulh lai hi tha thaw-khatin lang mahsela, Mizo mipuite kan lo thang lian deuh deuh a. Vawk thau tam tut hi kan ngainalo ve tial tial dawn tih kan hriat avangin, U.S.A vawk kha kan la lut a. He U.S.A vawk hi tuna kan vulhlai ang bawk hian a tha a tha a, a lian thei bawk a. Mahse henglaia mi ang hian a thau tut lem lo. A thau tamloin a sa a tam thung ani. Chutiang chu anih avangin kan ram tan hian a tha in kan ring a. Tunah hian Selesih farm ah khian pui 50, 60 vel kan vulh a. Chu chu tipung zelin tunah hian hmun hrang hrangah an lei darh a.

Tin, hemi ringawt hi a la tha tawk dawn lo tih kan hriat avangin, Australia lama mi lakluh leh zai kan rel ani. Tichuan, Australia amite leh U.S. amite khami chi inthlah pawlh atang khan vawk tha tha leh vawk tha arawn chhuak thin a. Chu chu henglaiah kan Vety Doctor ten khami inthlah pawlhna kha buatsaih chho zelin, vawkvulh zel leh chithlah zel atan a chi tha kha an siam chhuak dawn ani.

Tin, Ar pawh hi Ar chi hrang hrang kha hetah Tanhrila kan Ar Farm ah khian an la thla a, tichuan, anmahni kha an inthlah pawlh tir a. Chumi atang chuanin Ar note vulh tur a kha an tih chhuah tir a. Chutiang ang chuanin an test chho zel a, vulh zel atana tha an buatsaih chho zel ani. Tin, ar note tute chawmna khawp tunah hian Tanhrila Ar tihkeu naah khuan siam chhuah tir kan tum ani. Chu tur chuan a khawl pawh hi tilian in Artui pawh a Quality tha kha siam chhuakin State dang atanga Arnote leh Artui a chithlah tur pawh lalut lova, keimahni ram chhunga intodelha buatsaih kha tunah hian kan tum chho mek a. Chumi atan chuan tunah hian hma kan la chho mek zel ani.

Awle, Pu Speaker, kan sawi seng dawn lova, engpawh nise ka sawi tawh ang khan tuna kan sawi tak zawng zawng kha kan lo chhinchhiah vek a, chung chu uluk zawkin Deptt. hotu te nen kan lo en ang a. In sawiselna zawng zawngte kha a dik lohna chhuichhuaka, siamthat kan lo tum ang a, hmasawn tlang tur leh tangrual tur pawhin Memberte kan sawm duh bawk che u ani.

Pu Speaker, ka Demand Land Revenue & Settlement leh Animal Husbandry and Veterinary Demand No. 6, Land Revenue & Settlement atan Rs.3,92,25,000 leh Demand No. 40 Animal Husbandry & Veterinary ah Rs.8,70,87,000/-

A vaim Rs.12,63,12,000 hi kum 1999 - 2000 a kan Deptt. hman turin pass ka rawn dil e.

S P E A K E R : Pu Lalrinchhana, Demand No. 6 leh No. 40 a vaim Rs.12,63,12,000 hi pass remtiin 'remti' ti rawh ule, Remti lo-
vin 'remti lo'. Lungrual takin Pu Lalrinchhana Demand Rs. 12,63,12,000 crore hi pass ani e.

Tunah chuan Pu K.L.Lianchi-a a Demand te wind up a pass dil nghal turin i lo sawm ang.

FU K.L.LIANCHIA
MINISTER

: Pu Speaker, ka lawm e, vawiin ah hei ka Department enkawlte discussion kan nei a, ka mitthla a cham reng chu nikum lamah khan kan lo thlir thin a. Health Department changtu te huaizia leh an tihhuaizia te kha mitthlaah a cham reng a. Chuvang chuan vawinah pawh hian khanglai mitthla a cham zawng a han ngaihtuah chuan a huphurh aww mang e ka ti a. Amaherawh chu, hei tluang takin discussion chu kan zo dawn ta a, kan Member ten tullo tak taka thil diklo tak tak han sawi te aww lem lova, tluang takin kan duh zawngte, kan ngaimawh zawngte an mamawhte an sawi a, a lawmawm khawpin ka ngai a. Engpawh nisela, a tlangpui thua ka'n sawi phawt duh chu, tuna kan hma lakna a thil engengemaw kan member ten hre ve se ka tih deuh deuh a te hi han point out hmasak ka duh a. Kan member te hi engnge an ngaihnan ka hre lova, hun hi ka duhtam hmel khawp mai a, mahse, ka sawi tawi chuan in lawm zawk mah in ka ring a. Engpawh nise, kan member ten in ngaih pawimawh leh in duhdan in sawi te, theih nise, a mal te te a han hrihfhiah a, theih ang chin chin in ngaih thlak atana han sawi hi bain ka in hria a. Amaherawhchu, ka sawi tawh ang khan ka Department hi a pawimawh dan hetiang hi a ni a, mihri ng enkawlna, ram hrisel leh hrisellohna a nihavang hian tlin lohna tam tak pawh kan nei ang tih chu ka pawm em em a. Chuvang chuan in sawi kha a tam em em mai. Heng ka sawi atanga chhang tawh a ka in ngaihna te kha chu kan kalpel zel lo thei lo ang a.

A hmasa berah chuan hmanna zawhna kan chhan kim tak lohah te pawh khan engengemaw han sawi tur chu ka nei nual mai a. BDS. Saitual tihte kha, an MLA kha a hmanhmawh hle na a, heng thil hi mi vanduai tak te, Sorkar ngaih ah chuan dam lohna a ngaih an ni a. Chuvang chuan damlo anga enkawl dan ngaihtuah ngai a ni a, a duh anga kan hman hmawh theilo palh anih pawhin khalaiah khan hriat thiamna ka duh a.

Tin, Saiha a Matron dah chung chang in rawn sawi ngun hlei mai a. Hei hi kan rilruah a aww. Saiha ah hian Matron Post chu a aww a ni. Chu erawhchu a sawi theih a. Chu Matron Post against pawh chuan appointment hi a lo aww tawh a ni tih kan sawi a. Chuvang chuan heng hi ngaihtuah aww takah kan ngai a ni.

Tin, Kawnpui bialtu zahawm takin a lungmuat, helai maiah si hian Health Worker pekhat mah an aww love a tih pawh kha, anmahni Health Worker ten an lo inti lak lawh nge ka hre lova. June ni 18-ah khan mipa leh hmeichhia alkappzauvi leh Z.D. Lalvunga te Post fel tawh an ni a. Chung chu hriat up-to-date deuh pawh har mai thei a. Hriat lai hunah hian a dik theihna lai, engemaw 'gap' deuh a aww avangin khang kha ka'n sawi chiang duh a ni a.

Tin, FHC chungchangah mi tam tak in in bial ami FHC building ah hian a choka tur ei rawngbawlina tur a aww lawm ni ? in tih kha, kha kha tel tura tih vek a ni a. FWD kutah pek an ni a. Chuvang chuan a tlangpui thuin nuai khat leh sing thum vel estimate, sakna tur atana pek tel an ni a. Chung chu an la khawih lo a nih pawhin khang kha tel tur a ni e tihte kha ka'n sawi tel duh bawk a ni a.

Tin, Serchhip Hospital kha, bial tu zahawm tak, Fu K.Thangzualla khan a rawn sawi hawk a, kuminah hian pawisa chu kan dah a. Maherawhchu, nikumah khan nuai 24 an lo hmang zo der tawh mai a. 50-60% vel chauh zawh a ni tih a nih si avang khan, a hmang zo vek tawh mai a nih si chuan, a dang ngaihtuah leh poh a ngai tihna a ni a. FWD te pawhin an enzui deuh pawh a ngai mai thei a ni. Nuai 24 vela Estimate a, 50,60% vel lak zawh a nih si kha chuan heng hi chu theih ang anga lo en zui a ni ang a. Kuminah pawh hian pawisa erawh kan dah leh tho a ni tih kha ka han hrih duh a. Tin, thil pakhat kan member tena kan hriat tur chu, hman niah pawh zawhna kan siam deuh tawh na a, hei, kan Chief Minister in hma a lak tawhna a zarah Government mawhpurnain, thingtlang hla tak tak te kan lo ni a, bial kan lo nei theuhva, tichuan, tawng thu chhe lovah, Damdawi In kan pan a, damdawi In hi mi tam tak kan thihna a ni lo thei thin love, mitthi chungchangah pawh mawh min phuh tir vek tawh a. Hei hi kan Chief Minister hmalakna a zarah kan Department ho an rawn nghat a, tunah hian Truck 407 chi pathum Aizawl lam atan sak mek an niin, Gypsy hardtop pakhat lei tawh a ni bawh a. Kan MLA te ko tih zanna tur atana ruahman a ni a, chung kan hma lakna hlawhtling mekte min hriatpui ka duh a. Lunglei saw Hospital lian deuh hlek a lo ni leh a. Lunglei atan pawh Truck pakhat, Ambulance ah sak tur a ni a. Truck 407 chi leh Ambulance atan Gypsy Soft top kha lei tura buatsaih mek a ni bawh a ni. Chu chu kan MLA te kan ko a rip tlang em em a, chhawk zanna tur atan a tih a nih avangin han in hriat tir ve pawh kha thain ka hria a.

Tin, a dawt leh ah chuan Mental Hospital hi Falkawn kan tih State Referral Hospital lai bawh sawn ram tha tak kan nei tawh a. Tah sawn Mental Hospital hi buatsaih tur a ni a. Maherawhchu, kan Department ten kawng an dap mek zel a. Regional Medical Hospital tana buatsaih a ni a. Chatiang a lo nih chuan NEC lam atanga sum hi tum tir a kha mi sum khan keimahni ram pual mai pawh nilova, lian zawka Regional Medical Hospital, Mental Hospital a ni ang chu. Chutiang tur chuan ngaihtuahna hman chhoh mek a ni bawh a ni.

Tin, a dawt leh ah chuan kuminah kan hma lak tawh mekna lawmawm tak chu, Chief Minister Delhi lam zin khan tun hma atanga lo inchiah tawh kan State Hospital tur, sawilai Falkawn hmuna kan dah tura saw a takin an rawn hawn a, sanction hmase ber Vaibelchho 5 an rawn hawn a, chu chu a takin kan khawih tan ta a, Tunah sawn Falkawnah ram zau tak kan mamawh phuhruk thei tura ngaih kan nei tawh a. Maherawhchu, Revenue lam atanga dan ang thlapa sawilai ram sawi neih tur anih avangin chungte chu tihfel mek a ni a. Chung a fel hunah chuan kan pawisa neih chhun hmang chuan hna hi tan mai theih a ni tawh a. Chuvang chuan internal Road Bulldozer a laih a ni ang a, tunah hian FWD ten heng hi estimates a building tur ang ang te pawh buatsaih mek zel a ni a. Chu chu tuna Vaibelchhe 5 awm a pawh chu Member lam atanga a hmanna eng age ni an rawn tih tawh bawh avangin. Construction Material lei nan kan hmang phawt dawn a ni. Chu chu tuna kan hma thar lak atanga ropui ve viau a kan hriat avangin wawinah he House zahawm tak ka han hriattir a ni.

Tin, Pu Speaker, Office ka han luh ve atang hian thlasarih (7) leh tlem a lo kal ta a. Hemi chhung hian he Department ah hian Promotion stagnation alo nasa em em mai a. Chuvang chuan kan Official ten, kan Secretary ten theih tawp chhuahin an bei ta a. Tunah chuan vanneih thlak tak in Doctor hi tunhma atanga lo rawih tawh mahse regularised loh 'Regulation IV C' vel ang a lo rawih thin ang a kha, sawm leh pa sarih (7) kan regularised a. Tin, Doctor appointment thar sawm hnih leh pahnih (22) kan pe tawh a. Tin, B.D.S. (Dental Surgeon) hi appointment pasarih (7) kan pe tawh bawk a. Kan Sorkar chhung hian Doctor chi hrang sawm li leh paruk (46) lai, lo thawk mek tawh te la regularised loh regularised te nen vek khan kan nei thar a, Chu chuan tlemin kan din hmun min ti tha deuh hlek a ni.

A dawt leh a ka'n sawi duh pakhat thil that pakhat kan introduced taka hi chu State illness Assistant Fund kan ti a. Kan member tam tak ten Aizawl Civil Hospital ah te Damdawi a awm lova Damdawi reng reng lei vek a ni a, in ti a, kan ti a, Hei hi a dik chiah a ni. Thawkkhat lai phei kha chuan engkim mai na chhawka tak ngial pawh lei vek a ni a. Vawiin niah pawh khawimaw laiah chuan a la ni tho mai thei a ni. Hei hi a chhan chu Sorkar hmasa lam atangin, 'a damdawi man lova tih aiin, a hmanrua leina lam pangah hian in hmang zawk ila',- tihna a awm a. Tunhma a free medicine, essential medicine te, free a sem thin a kha kalbosan in, 1992 vel atang khan kan kal chhchzel tawh avangin, khalamah khan thil a lo kal a, kan Budget pawhin kha lam kha a lo hawi tak zel avang khan a lo kal thui hle tawh mai a. Chuvangin kan han luh tirh phat atang khan damdawi man lova pek leh hram dan hi a awm lawmni tihte, kan sawi hova. Mahse, vawi leh khata thlak thut tur chuan pawisa awmsa chu a theih mai a, mahse pawisa a awm lo em em a, kan tlakchhamzia lah sawi ngai lo a ni a. Chuvang chuan kan han ngaihtuahin tuna State illness Assistant Fund kan tiha hi kan hmang ta a ni.

Hei hi tawi thei ang berin han sawi ta ila, hei hi Society angin a awm a, Health Minister-te hi a Chairman te kan ni tho mai a. Tichuan khami hmang khan heta pawisa kha mirethei zual kan ti a. Below Poverty Line ten damdawi man lova in enkawlina an hmuh theihna turin tih a ni ta a. Nikum khan harsa chung chungin mirethei zualte tal kan chhawm dawl thei lawm ni tih kha kan atchilh ve tlat avang khan kan hotuten min lo hrethiam khawp a. Nuaihza kha kan dah ve ta a ni. Chutia kan dah dawn chuan Sorkar hian 50% kha pek ve min tiam a ni, an remti a, an phal a ni. Za kan dah theih chuan Rs. 50 lakhs a kha Central in min han pe leh ta a. Tichuan 150 lakhs kha kan State Fund ah hian kan han nei ve ta a. A dan leh dun te, a hman dan tur kan han ennawn a, June 1 atanga kan hmang tan ta a, mi tam takin kan han beisei a, mahse, dan te anga tih loh chuan kan pawisa beitham tak a hi kan BPL ngei te chauh in lase, kan duh si avang chuan a khirh deuh hlek a. Tam tak chuan thinrim pah lek lek nan te pawh a hman theih a. Heng hi dan a ni a, hman chawp te a nih avangin a hmang tute pawh an fimkhur a. Sum leh pai thil a nih avangin helaiiah hian thenkhatin an beisei thin ang te, Minister in a ziahsak tih ang te emaw, tite kan awm hial thin a, khalam kha a ni lova,

hei hi keimahni Government Hospital leh, PHC kan tih Sorkar damdawiin ah hian mirethei damlo BFL te an lo awm a nih chuan, chung enkawl nana senso leh damdawi man a kha heta tang hian free in kan pe thei tihna a lo ni a, tunah hian kan hmang tan ta mek a ni. Chutiang BFL an nih a, dam lohna khirh bik te, refer case an nih chuan an referna case a serious dan a zir te, ang zel khan chungah te chuan Sorkar hnathawk re-imbusement tih ang ni lovin khami an senso puhrukna atan khan cheng nuaih 1 engemaw bikah chuan nuaih khat leh sing nga thleng pawh pek belhna dan te kan siam fel a. Tunah hian tam takin an rawn bei-sei a, mahse, thil hi dan a awm a. A form a awm a, khang an fullfil kha chuan kan han ti tan ta chu a ni a. Chung chuan hengte pawh hi thil.....

PU NIRUPAM CHAKMA : Du Speaker, chulai chu hman a ni em ? hmun dangah te pawh, keini lamah a va awm love.

PU K.L.LIANCHIA MINISTER : Aw, Du Speaker, thil pawimawh tak a ni. Aizawlah chauh hman a ni awzawng lova. Tlabungah keimahni Sorkar Hospital a awm a, Chawngte ah a awm bawk a, khangte kha a huap vek a. Amaherawhchu, pawisa hi kan sem mai dan a chu a vai khan kan pe mai ni lova. Entirnanah B.D.C. awmnaah khan Rs.2,00,000/- te te tein kan sem phawt ta a, Chuvang chuan hmundang tam tak atang chuan lawmthute an rawn sawi nil nial tawh a. Sawng lamah te pawh chuan thil titir kan nih avangin a hman dan kha tawk lo leh, an hman naah khan la fel tawk lote a awm a ni palh mai thei a. Mahse, thil thar a nih avang hian kan hman chho zel anga, Pathian zarah kan la telh ngei a ni tih kha chu lo hria ula. Amaherawhchu, la enjoy love in tih phei chuan enjoy tawh a ni tih chu ka sawi ngawt thei lova. Kan M.O. ten an zir mek a, an hmang chho mek zel a, tangka pawh kan la pe tam lem lova. Tikhan instalment in kan ti zel, kan ti zel dawn a. Aizawl Civil Hospital chu a lien ber a. Tunah entirnan Rs. 5,00,000/- emaw kan han pe chhin ta a. Sawtah Tlabungah emaw chuan Rs. 2,00,000/- emaw kan han beta a. Khatiang khan Saiha leh Lungleiah emaw Rs. 3,00,000/- te emaw khatiang khan kan han pe chhin ta phawt a ni. Chuvang chuan a engemaw tia an la hmu lova, chutiang khatiang in ti a nih pawhin ka pha hauh lova. Amaherawhchu a kalphung chu chutiang chu a ni. Chawngte te chu a thleng ve tak meuh ang Pathian zarah, kha kha kan sawi tel duh a ni a.

Tin, a dawt lehah chuan nichin ah kan member tam tak thusawi pawh kha a chhang nghalah ngai ila. Hemi kan Department hi bifurcation tihte pawh an rawn sawi nawk nawk a. Amaherawhchu, kan bifurcate chiah lova. A lama khan, Ministry hmasa ah khan bifurcation an lo ti nual tawh a. Mahse, bifurcate tak tak tur chuan he Department hi a in manin dal nghat luattuk avangin harsa an ti a. An ti leh ta lova. Chuvang chuan keini chuan re-organisation hmangin he

Department hi kan re-organise dawn ta a. Tichuan chumi awmzia ah chuan Directorate hranin kan then ang a. Pakhat hi Medical Hospital leh Medical Education a ni ang a, Directorate pakhat chu, General Health Services a ni ang a. A dang zawng i ti mai ang. Health Education, Medical Education leh Hospital lo zawng a kha i ti mai ang. General Health Services hnuaiah khan a awm ta ang a. Tichuan Directorate pahnih in kan function dawn ta a ni. Hei hi Cabinet pawhin min phalsak vek tawh a, Director pakhat bak siam pawh min phalsak tawh a, kan siam tawh bawh a. Tichuan, tunah hian Director pahnih pawh chu dah mai theihin kan peih thlap tawh a. Amaherawhchu, kan tih chung in election puan a lo ni a, appointment kan ti ngam lova. Helai a kan Chief Electoral Officer te pawhin an ti mai ngam lova. Chuvangin Delhi ah dil a ngai ta a. Chuvangin chutiang appointment siam mai theihna chu kan dil mek a, an chhanna a kha a positive anih chuan reiloteah hian Directorate pahnih ah chuan kan han then chhin ang a, appointment pawh chu kan han pe phawt mai ang a. Tichuan a in chelh fel dan tur a pawh kha a proctical in, he Directorate pahnih in then dan tur tlangpui tur chu kan ruahman vek tawh nain, a detail hi chu mihring in zawm tlat leh thawkho lutuk, in hnaih lutuk kan nih avang hianin then fel pawh hi a har mai thei a. Amaherawhchu, Directorate pahnih kha Budget hrang nei a, engkim Directorate level kha chu a hrang vek tura tih a ni a. Chu chuan Principal Director kan dil a, chu chu khaikhawm tu tur a ngai em em a ni. Chuvangin ka aw lo thei lova, Principal Director hi neih kan tum tlat a ni. Tunah mai chuan min phal tel lova, hemi min phal tel loh hi chuan hemi Directorate pahnih zuk Co-ordinate tu tur hi Secretary level daih a nih kha chuan a hla deuh kan ti a. Mahse, heng pawh hi kan hotuten min la ngaihtuah sak leh in min la phalsak ngei ka ring a. Engpawh nise, harsatna awm ang ang chinfelna atan khan kan han su tawp phawt ang a, chu chu kan han beisei vel zel chu a ni mai a.

Tin, a dawt lehah chuan tunah hian post graduate zirlai hi 15 (sawm leh panga) kan nei a ni. Member zahawm tak tak tenin rawn sawi a kha hmasawn zel tur chuan mithiam kan mamawh si a. Kum 5 kha kum 3 a an lo tihhniam chuan a tha a, chu aia hniam pawhin tih a kha kan sawilai mek a ni. Kum 3 tal lo thawk tawh te kha hemi post graduate a zir tur chuan kan han ti na a, midang khatiang kum 3 qualified lo pawh tih tur an awm si loh chuan 1/2 (kum khat leh a chanve) vel lek pawh kan condone mai a. Khatiang seat a awm a, zir tur an awm bawh kha chuan kan kaltir mek zel a. Chung chuan kan administration pawhin nasa takin kawng a dap mek zel a.

Chuvang chuan engpawh nisela, Specialist in ngen te pawh kha spare theih dan kan han zawng ang a. A tih theih hram chuan Saiha ah chang nilo, Champhai ah te pawh Eye Specialist kan dah tawh a, Lunglei ah kan dah ve a, Kolasib ah te pawh kan han dah chhin a, tikhani rawn dah theih te kan han tum ang a, amaherawhchu, kan tumna chu a hlawhtling nge thinglo chu hunin la rawn hrilhfiah sela, kan tiam ngam lo che u.

Tin, Doctor hrim hrim pawh kha kan in daihlo ta reng a, ti hian training in an kal a, hmun a ruak leh a kha ti reng mai kha a ni a. Mamit ah te chuan District Headquarter a ni ve tawh nang a, kan la tang hman lo a ni.

Doctor pahnih chiah an awm a, pakhat kha C.G.M. & H.O. a ni a, an dam loh avangin anlo leave a, hmeichhe pakhat te ringawt kha a lo awm a, a lun em em mai si a. Chuvangin District level ah meuh pawh khuan pakhat te khan kan la enkawl rih a ni tih te kha kan han hriat chuan, engemaw khawimaw laia kan harsatna tawh te pawh min hriatthiam puin in thinte pawh a dam deuh mahna tih te kha kan point out duh a ni. Tin, nichina Fu Sanghmingthanga han sawi kha Kawnpui bialtu zahawm takin, Laboratory Technician kha sawlai ah sawn pahnih chiah awm kha a hria a. Amaherawhchu, sawlai ah sawn Laboratory Technician kha pariat lai kan lo nei zawk a lo ni a. Amaherawhchu, kanin daih lo riau a nih pawhin khang kha enkawltu ten pariat lai awm chu indaih deuh dan zawn theih awm tak a ni a. Chuvang chuan eng nge maw lapse a awm a nih pawhin siam that dante lo zawng ila a that ka ring a ni.

Tin, Stipend chungchang ah pawh hianin in rawn sawi a, cheng sangkhat leh zenga (1500) chauh a ni a. Tunlai chuan a beitham lutuk a ni tih hi Sorkar pawhin kan hria a. Hei hi ngaihtuah chi a ni tih pawh kan hria a ni. Amaherawhchu, hlawh thar te ngaihtuah mek a ni a, hengte nen hian kawng tam takah inlaichin chho zel a ni a. Heng te hi Sorkar pawhin a enfel chho mek zel a ni a. Kan sum neihdan te pawh enin heng hi chu tih makmawh ahkan ngai a, amaherawhchu, eng tikah nge kan tih theih chiah ang tih erawh kha chu ka sawi ngam lo a ni. Tin, Kulikawn Hospital hi bialtu pa hian a ngai pawimawh a, ka hnenah pawh hian a sawi zing ta malh malh viau va, Sawtiang sawn khum 40 awmna kan han sa a, an zo tawh a, a hmam khum 10 alo awm a, avai pheh chuan khum 50 a ni a. khum 50 han enkawl tur leh han hawnga anih ang taka han function tur hian rin aiin a hau takin a duh rei viau a. Chu chuan kan administration pawh nasa takin min tibuai a. Nichina, Chawngte bialtu zahawm takin Chawngte ah chuan an awm lova, a tih kha a dik a. Chawngte-a zir mek a pawh kha zirna sang zawkah kan tir ta a. A ai kan la dah leh hman silova, sawta, kan S.D.M.O. kha helaiah conference a, a lo kal hlan a lo ni baw si a. A lo awl der mai tih kha a chiang a, kan hria a. Chuvang chuan, SDMO pawh a haw tawh ang a. Tichuan, Doctor hmel thar pawh in hmuh thuai kan ring a, kan beisei a ni.

A tlangpui thuin SDMO hian Administration an khawih tlangpui a, heng Hospital te pawh hi an enkawlpui ve tho a ni. Amaherawhchu, a Doctor te a zir te pawh a ni ve tlangpui tho ang a. Engpawh nisela, a bak zel kha chu, pathum, pali dah theihna pawh a ni. Mahse, indaih lohna avang erawh chuan, an awm chu ka beiseipui ngam vak rih lova. A tullo tihna ni lovin, chu chu ka han sawi zawi zawi a ni a. Tichuan, nichina kan memberte thusawi kha a tlangpui thua pawimawh zual nia ka rin hi chu ka han khawih nil nual ang a.

Chawngte chungchang sawi a tam hle a, kan member te leh bialtu lam ten thohnem in ngai a, a lawmawh a. Amaherawhchu, H.C. building R.C.C. hmanga sak tura ruahman erawh hi chu, chutiang chiah a la awm rih lo a ni. Khang erawh kha chu a dik lova, kan in hrih chuan dawtsawi a hlawhawn biau a ni.

Tin, Borapansuri kha sak zawh tawh a ni a, engtikah nge luah a nih ang tih erawh kha chu, mihring kan indaih lova, tunah hian post create tur tam tak kan nei a, chung post creation a zir chuan heng hi kan la ti thei zel turah ngai ila. A hun thu hi sawi lo mai ila, a that ka ring a ni.

A dawt leha ka han sawi leh duh chu, Health Worker te Staff Nurse tur hon thlan te hian, engemaw hnufual deuh backward area deuh kan ni a, chuvang chuan posting he lamah te helam atang hian tumah an kal duh silova. Heng hi zirtur thlanna ah te pawh hian engemaw special consideration in pe thei lawmni tih pawh hi a awm khawp a. Amaherawhchu, tunah hi chuan India Sorkar lam atang khuan min rem tih sak lemlo tlat a ni. A chhan chu quality tha, an duh tlat mai a, Chuvang chuan a thiam dan a zira Exam te kan neih tir a, a thiam dan a zira lak loh chuan an zir hlawhchham duh em em mai a. Entir nan, tun tumah pawh Health Worker Training tur kan han la dawn a, written exam kan han nei a, ka bial atangin mi 6-in an exam a, an fail fai vek mai a ni. Kan han chik a, 3rd Division an lo ni vek mai a, Minister bial atangin pakhat mah kan lut lo an ti a, an vui hat hat mai a. Examna a fail pawh min thun hram rawh tiin an lo kal a. Amaherawhchu, exam-naa fail em em kan thun kha chuan a quality a kha a tha lo dawn a ni tih kha a chiang reng mai a. Chuvang chuan, heng ah hian keimahni thu a tih mai kha a har viaw mai a. Mahse, ngaihtuahna chu kan nei lovang e ka tih dawtna chu a ni lova. Central lam atang zawk khuan heng hi min la pawmpui qhiah lo a ni tih kha ka'n sawi duh a.

Tin, Pu Sanghmingthanga'n nau neihna chungchang kha a vei viaw va, hmanah a rawn point out tawh a, tunah pawh khan nau neihna lam hlir a kha a rawn ngai pawimawh a, Patling, chhungkua a nuam duh khawpin ka ring a, nu lam ngaihsakna a nasa a, lawmawm ka ti. Chuvang chuan hmanah a rawn point out avangte kha, ni ta hmiang, tunah chuan saw laia Labour Room an tih a saw, nau neihna a saw kan tizau in kan siam tha dawn a, chuta tanah chuan lakhs 10 kha kan dah nghe nghe a. Tun atanga hun rei vak lovah ken ti tan dawnah ngai ila, kha kha Pu Sanghmingthanga'n a sawi bawka, ka chhan kawpna ni zel sela.

Tin, midang pali lain an sawi a chu Specialist an tam em em a, Aizawl ah. Tin, Aizawlah hian Doctor an tam em em a, thingtlangah an awm silo, an ti a ni, a dik khawpin ka hria. Chuvang chuan kan hotute ngaihtuahnaah pawh a awm mek a. Heng hi Specialist te pawh eng anga tih tur nge tih pawh kan Secretary hovin kan sawi tawh a, ngaihtuah chian chu a ngai a ni. Kan Saiha hotute thahnem ngaihna kha a zahawm khawpin ka hria a. Specialist te kan ngai sang a, ngaihsan tur pawh a ni a. Chuvang chuan rawn dah phei theih dan te eng engemaw chu kan rawn ngaihtuah ang a, Amaherawhchu, a thiam azawng erawh chu Pathian thu thu a ni a, heng thil hi kan ngaihtuahna kal zel ang a, ngaihtuahnaah chuan in awm a ni.

District hlun tawh a nih avangin kan ngai pawimawh em em a. Tin, saw laiah sawn a ni tak a, Doctor chu kan thahnem ang reng a, mahse, kan service erawh chu

sawi kan hlawh hle a, chuvang chuan kan Administration te pawh saw tlem chuan in enfiah a ngai a ni ang tih kha chu a suk rin theih mai a ni. Chuvang chuan engpawh ni sela DF&AR lam ten min han passed sak a, Finance lam ten min han concured sak hawk chuan, chung post te kan neih hunah chuan rawn hawn thuai kan chak khawp mai a. Mahse, chung indaih lohna avang chuan kan la sanction thei lo deuh hlek a, reiloteah kan tih theih thuai ka beisei. Tin, thil pakhat Du Zokhu Hlychho an a rawn tih kha ngaimawh ang reng tak ka nei a, ka ngaimawh dan a tlahniam leh a, a tihzia viauva, "hmasawna tur ruahmanna kan nei lemlo, hemi Health Minister i/c hian a ti", min ti mai a, khawihah nge ka ti a ? engtin nge ka tih ? ka ti lo reng reng, hmasawna tur ruahman kan nei lem lo ti chungah helaia thut reng kha ka tih awm pawh a ni lem lo. Chuvang chuan hei hi a hriatsual palh niin ka ring a, A bik ah erawh chuan sub-Centre te hi chu hawn belh vak tum ai hian a awm sa hi tih chu ka sawi a ni. Hemi Department pumpui ah hmasawna tur ruahman kan nei lemlo tih hi mi panggai tan chuan pawh chi pawh a ni lo hrim hrim a ni. Tongue Seip tawh ngei pawh a sawi chi a ni lo, thil awm thei lo a ni. Hmasawna tur kan ngaih-tuah a, theihtawp kan chhuah a, ka sawi tawhte pawh kha, tih emah chuan thlasarih atan chuan kan iai vak bik lo a ni. Thla sarih dangah tiang kha kan nei leh anih phei chuan chuvang chuan kha kha chu nawt reih turin kan ti ang ka ti a, mahse, huat tlak ah ka ngai leh ta lova. Du Speaker, ka dam leh ta mai a.

Tin, tunah a rawn sawi lan leh a kha chu khuangthinga building tih te, Bulfek zawl te nen a rawn ti a, Khuangthing chungchang kha chu ka sawi fel vek tawh a, kan Doctor in-charge a lungawi a, Senior Officer kan tir a, a lungawi avangin kan pe a ni. Kha a fel tawh a, Bulfek zawl kha ka chhang thei lo a ni ka ti a, vawin niah kan sawi leh lawk ang a, Bulfek zawl hi nikum June 1998 vela lo sak, iaiawm deuh aman lo pek tawh si lai a chu a lo ni a. Chuvang chuan kan han hre chianga, Sorkar hmasa lai a thiltih tawh a nih avang khan keimahni hun chhunga thiltih chu nisela chu engemaw action lak chu a tul a ni. Tha pawh ka ti, mahse, hun kal liam tawh a thil lo tih liam tawh Sorkar hmasa kut hnu anih avangin heng hi zuk chin pawr a phuba la anga lo tal lo tal hi kan tih awm ah kan ngai lova, ngawihsan ve mai a fin thlak zawk kan ring a ni.

Tin, Saiha bialtu zahawm takin a sawi a kha Malaria FF a thi an report hi mi tam takin an sawi a. Amaherawhchu, hei hi keimahni Official document atanga report chu a ni tlat mai. Malaria a thi hi kha zawng chiah kha an ni kan ti lova, keimahni record ah chuan hei zawng hi a ni kan ti mai a ni. Chuvang chuan kan thian ten a chutah pawh thi chuti zat chu ka hria an tih kha, "Inhrelc in daw" ka ti hauh lova, mahse, keimahni Official a record kan hmuh dan atanga kan lak khawm a ni a, Lunglei pumpui ah Malaria a thi 1 chiah an ni lo mai thei mahse, confirmed case chu 1 chiah kan nei kan tihna mai a ni. Chuvangin, in lo ringhlel a nih pawhin rinhlel a mawh love. A diklo deuh in ti a nih pawhin ka pha chuang lo. Amaherawhchu, keia Report leh sawi erawh hi chu kan Official Document confirmed thil a ni. A pialham in sawi kha in daw ka ti hauh love, keini pawh hi kan daw bik lo.

Tin, Malaria kah chungchangah khan kumtin April, 5 ah an tan deuh ziah a, a tea, a lo ni vek lem lova. Artan hun hi fur tui tlak hma a ni-ber a, kuminah a kahna hmanruate a lo chhe vek tawh a. Chung vel chhung nen tlemin kan kap tlai hret a. May thlaah kan tan thei a, June 10 ah kah zawh a ni.

Tin, Report ah khan Chhimituipui ah mi 14 lek an ti a, kha pawh kha tuten emaw wrong information an pek palh mai a ni a. Saiha, Lawngtlai Area ah sawn mi 40 hemi ti tur hian eawih a ni. Ammahni damdawi In concern chauh an pe che u a ni mai thei. Keini chu Chhimituipui zawng zawng huap kan ni a. Saiha, Lawngtlai, Chawngte kha an awm hrang diat diat a. Khang han belkhawm khan mi 40 in a kah hna hi an thawk a ni.

Tin, an hlawhte kum khat chuang te an bat sak a, a ti a, a dik mai thei e. Tunhmain kum 1 chuangte an lo ba thin a nih chuan a kaptu tan pawh a hrilhai thlak ang pawh kan ti khawp a. Kumina kan kah ve erawh hi chu tunah hian sanction kan move mek a, minrawn pek veleh pe nghal turin kan inpeih thlap tawh a ni. Pawisa pawh a awm. Kum khat chuang an lo ba thin kha chu kalphung tharah chuan bo turah ngai ila a that ka ring e.

Tin, hemi kan kah tlai chhan pawh kha kan han tih taka kha nichina 14 in tih pawh kha, kan note ah chuan 8 chauh chhawr tiin ka record tlat, Saiha Area ah tunah 24 kan ruai a, Chawngte ah 8, Lawngtlai 8 avain 40 a ni, kha kha a ni zawk a, ka lo ngaithla sual a ni mai thei. Tunah chuan malaria hi a serious em em a, kumina Malaria tamzia hi phat rual a ni lo. Kan do hneh lo tih pawh hi phatrual a ni lo, kan theih ang tawh kan chhuah a, chu chuan a hneh lo em em a ni, kha kha chu a chiangin ka hria a. Tunlai hian Biher ahote Malaria a hluar ve em em a, anni pawhin an hneh lo a ni tih te chanchinbuah kan lo hmu a, kan anpui hi chu an lo awm ve zel a.

FU C.THANGLUNA

: Pu Speaker, kha kha chu sawi nawn chi pawh niin ka hre lo, 54 an thi a.

FU K.L.LIANCHIA
MINISTER

: Pu Speaker, nilo, nilo, Lawngtlai ah mi 8 thosi kap tuna rawih a ni. Lawngtlai bialah khan mitthi lamah in lo ngai a ni. Chu-

vang chuan a thiah khan thahnem ngaih chia vak ka ngai lo. Tunah chuan hei hi theitawp chhuah kan tum a, tin, kan chhuah mek tawh bawh a. Heng kan harsatna zawng zawng kan sawi hi kan hnial thei kauh loh a ni. Tunah ka bialah ngoi Riangtlei, Sialhawk ah te pawh tlang hrileng a leng vak mai a, Malaria nen a inkawp mai thei tih report ka hmu a. Vawin niah ka rilru ahah hle a ni. A tlangpui thu chuan kumina a khawthal avang khan

Tin, Microscope pawh hi 10 kan lei belh a, tichuan hmun pawimawh deuh deuh ah kan dah chho turah ngai ila. Tin, thisen enna hi a pawimawh em em a, kan indaihlo em em a, keimahni awmna Aizawl 'E' chhuahlam deuh zawng zawng pawh saw, Bawngkawn ah a enna a awm chauh mai a, A dik tak chuan thisen kan va la a, Bawngkawn a va dah leh a Bawngkawn result chhuah kha chuan a dam tur mi chu kan dam hman tawh a, a thi tur mi chu kan thi hman tawh a. Chuvangin hengah hi chuan Sorkar in a bik taka, thingtlangah te pawh hma kan lak chu a tul hle a. Engpawh nise, tunah chuan chuti/khati ti fakin han tih tur kan neilo na a, Sorkar pawhin kan hria tih kha kan sawi duh a.

Tin, hman kuma an tih tawh chu Thosi len an pe a. Central Sorkar atangin hemi khawthlang lam Malaria awmna nia an ngaih deuh deuh ah te an sem a, 15000 lai an sem a. Lo neitu ten an hlawkpui viuin kan hria a. Chumi ah chuan keini pawhin kan han dil ve tak na a, kan la hmu thei rih lo a ni. Mahse, chuti chung pawh chuan ramriak mi leh malaria natna lai bawr a tangkai thei tura kan hriat chu, hemi Chemical thosi len kha, tuiah khan an zuk chiah ang a, tichuan ramriakna ah leh khawi hmunah pawh khan an zar ta ang a, thosi lakah khan thla 6 chhung a veng thei a ni, an ti a. Chu chu lo thleng turin kan chah mek a, chung atan chuan ramriak mi abik taka Malaria tamna laiah chuan, anmahni thosi len tal a kha Malaria lak atanga humhimna turin hma kan la ve mek a. Heng zawng zawng hi beitham hle mahse, kan lo beihve na zawng zawng hi min hriatpui ka duh a. Chu chu ka han sawi lang a ni. Ka sawi tawh ang khan kan sawi zel chuan a tam ang reng a, kan hotute thusawi hi, ka sawi duh tlangpui chu ka sawina a. In sawi ami sawi loh luattuk te ka neih ka hlau bawk si a. Tin, Kawnpui bialtu zahawm tak khawin a sawi a kha a linglet nge aw ka ti a. Flannah hian sum a tam lova a ti tlat a. Non plan aia tlem khan a sawi tlatin ka hria a. Chuvang chuan kha kha hriat lehlin palh awl tak a ni a. Chuvang chuan planah hianin nuai sanghnih zahnih sawmriat paruk kan nei a. Kan non-plan-ah hian 1286 kan nei thung a ni, tih te kha enge maw information atanah mai mai. Tin, nichina Aizawlah Hospitalah damdawi a awm lova, Durtlang ah leichawp a ngai lova, an pan thin, a tih kha chu hriatsual palh anih ka ring a. Durtlangah khi chuan a te ber atanga a lian ber thleng khian lei tur sa a ni zawk a, a thlawn a awmlo reng reng a. Aizawlah hi chuan eng emaw harsat dan a zir te pawhin kan sawi tak ang khan tlem tlem hi chu an ti zeuh zeuh a, sawi tham awm manglo phei chu a ni mai a. Kha kha thil awm dan chu a ni a. Durtlangah kha chuan enkawlna te dik takin keimahni Kristian Hospital te a lo ni a, thawktute an lo nem deuh thin a, a nuam nge nge a ni tih kha erawh chu hriat pawimawh khawp ang a. Sihphir a IHC dah tih kha a khua chuan a phu khawp mai, mahse, kan fund neih tlem luat hian hengte hi chu min sawitir ngam lo a ni a. Tin, T.B. Hospital chungchang hmun hnih hmun thumah an rawn sawi a, khami kha Dr. Rotluanga kha a awm rei tawh em avangin keini ho ho chu Aizawla awm inchuh reng reng hi kan ni a, kan harsatna lian ber pawh hi a rei ta deuh a, tiin nui chungin kan sawn chhuak a. Tunah Doctor kan dah leh tawh a. Chu chuan a lo awm chilh lo deuh a. Tunah chuan sawtah Quarter pawh a awm a, awm chilh turin kan Director ten an lo hrih tawh a. A rawn awm chilh anga ngaite kan awh leh tur ah ngai ila.

eng eng emaw tiang hri hi a keng duh hle a ni an lo ti a. Tin, mi thiamte pawhin an ti tho a ni. Chuvang chuan hetiang tam tak avang khan kan Senior Officer te kan Kohkhawm a, Conference kan nei a, heng hi engtin nge kan check ang tih kan zir ho a. Tin, Zoram chhim lamah Malaria leh kawthalo leng vak kan hriat pawh khan a bialtu pain thahnem ngai taka a sawi tak ang khan, an duh ang tinlo mah ila, Special Team Doctor team kan tir a, Medical team 2,3 in an va tlawh zui leh a. Tichuan control theih ta ah kan ngai a. Chutiang chuan kan bei a bi.

Tin, National Institute of Communicable diseases, Delhi ah kan report a, June 27-30 1999 chhung khan hemi NICC hian Doctor thiam bik 2 kan ramah an rawn tir a. Chung chu hmun pawimawh mawh Lawngtlai, Saiha ah te an zin kual a. Chung chuan research ang reng deuhin an rawn bei tawh a. A report erawh kan la dawng ta rihlo a ni.

Tin, Ni 5-20.7.1999 chhung hian Mizoramah Indian Council of Medical Research Team Doctor thiam bik 3 leh Technician 4, ten Mizorama Malaria leh natna dang thlentirtute zawng chhuak turin an lo kal a. State Sorkar Health Department nen tangruai in tan an la mek a ni. Kawnpui bialtu zahawm tak Pu Sanghmingthanga H.Pautu in a sawi ang khan, research ang deuhin heng hi Delhi lam mithiam te pawhin kan report na chhang hian min rawn ngaihtuah zel a ni.

Tin, Ni 7.7.1999 leh Ni 29.7.1999 khian World Bank senso turin Malaria Directorate N.Delhi ami leh Mizoram Health Department tangruai in Zoram PHC Doctor te, Malaria enkawl dan zirtirna an nei dawn a. Hemi Workshop ah hian Delhi atangin mithiamte an lo kal dawn a ni. Kan Malaria enkawl ana te pawh hi a lo hlui deuh tawh nge ka hrelo, en-nawna a ni zel ang a.

Tin, a dawt leh ah chuan Malaria hi Health Department ringawtin a do chi a ni lova. Mipui lam atang hian a do letna na zirtirna tha tawh pek a, kan awih atang hian a hlawh tling theih chauh dawn a ni. Tunah hian Thosi kahne 60 kan lei belh a, heng PHC ah te CHC ah te hian a kahne spray a hi hmun hreng hrangah kan dah ang a, ramriak miten a an thlam te an kah theihna tura an hawh theih tur khan tunah hian dah kan tum a. D.D.T. te an thlam a an kah theihna tur khan kan buatsaih sak a ni. Central Sorkarin Malaria dam-dawi min pe tam thawkhath hle a. Mahse, kumin ang ah chuan a indaih lo em em a. Keimahni State Sorkar pawh hian tulzual tam tak chu leiin ka supply ve ta a ni, tih kha min hriatpui kan duh a.

Tin, malaria hrik enna hi nichin ah member tam tak ten an rawn sawi a, khang kha kan chhan-na ni mai sela. Thenkhat sawi leh thenkhat sawi kha a in kalh a, heng hi Laboratory Technician ngei an awm tur a ni tih te, an in daih lch anih chuan IV Grade te pawh hi Training tir nise, hmun tinah hian awm deuh fur mai se tih te kha, a enga pawh chu thahnem ngaihna vek nise, a inkah tak tak chuang lo.

Tin, M.R.I. tihte Scanning tih te, hengte pawh hi a dah ve theih lawmni tih hi, a man a tam deuh a. Nuai tam tak man a ni mai a. A chhan chu kan hriet theuh angin kan harsatna te kan hre theuhva, han sawiia, in rel kan ching dawn si a. C.T. scan tih te hi nuai 120 vel emaw man a lo ni a, thildang kan thawk hlei thei lovang tih kan hlau si a. Tin, MRI tih pheih hi chu, a man a tam lutuk a. Kan Budget pangngai anga kan han tih dawn hi chuan, kan la phak lo deuh hlek a ni.

FU K.T.ROKHAW

: Fu Speaker, Minister hian sawi fiah thei sela, a lawmawm viau ang. Chakhang PHC building zawh tawh a ni a, Doctor min dah sak theih ang em ?

FU K.L.LIANCHIA
MINISTER

: Fu Speaker, Chhualung tih te pawh kha ka hria a, kan zo tawh a, luah pawh kan luah thei lo tih ka hria. Amaherawhchu, 1992

a sak zawh tawh kan la lush thei lo fo mai a kha chu a mak zo zai ang reng hle mai a. Tu mawh, tak hi nge maw ni dawn le kan ti kan ti a. Dik tak chuan PHC te Sub-Centre te, kan Laiking fa neih mai mai a. Laikingin tui a nei teuh a, a lo keuin a ngaihsak leh ta lo ang hian, khingah Sailutarah te, Lungchhuan ah te volunteer in Sub-Centre lo sa rawh u, kan rawn luah ang an ti a, mahse, an luah leh tak loh avangin chung chu a chhe leh zo tawh a ni. A pawh hle a ni. Chung avang chuan a ni ka sawi fo a kha Sub-Centre leh PHC tihte a hawn belh lam ai chuan tuna a awmsa te hi a nih tur ang nih tir lamah hian hma la ila kan tihfuh zawk ka ring. Chumi hnuah kan ti thei dawn a nih chuan kan ti chho zel tur a ni ang tih ka sawi thinna chuan a pawh hi Sub-Centre te leh PHC hawn hrim hrima te hi kan duh lo a ni awzawng lo, amaherawhchu, Laiking fa neih mai mai a anih tur ang ni leh chuang silova, hi a tha lo em emin kan hria a. Engpawh nise, Chhualung tihte kha Chakhang tihte a kha chu Sorkar Comittment a lo nih tawh chuan tuna kan Sorkar hian Doctor te kan neih belh mek zel a, heng atang hian Doctor te rawh dah theih hram kan tum ang a, Amaherawhchu, a hun leh ni kan tiam ngam hauh lo che u a, 1992 atanga dah thei ve lo phawt chu a ni a. Engtikah emaw chuan theih turah kan ngai a, hlawhchham turah erawh chuan kan ngai miah lo a ni. (Nihar:- Ambulance kha Tlabungah i sawn thei dawn em Saiha atangin ?) Tlabung ami tur kha Saiha ah an lo dah daih tawh a. (FU NIHAR KANTI CHAKMA :- Chu chu i sawn thei dawn em ?) Am bulance dang 1 pek a ni tawh zawk a ni. (FU NIHAR KANTI CHAKMA:- Kha kha chu a lian deuh a, Gypsy Type of Ambulance a ni tur a ni) Mahse, pakhat ringawt a aia lian pek pawh a lungawi tawh loh kha chuan eng anga tih fakau nge kan ngaihtuah dawn ? Engpawh nisela, kan sawi duh zawk a chu khami a kha khatih hunlaia kan Sorkar in a lo tih tawh a ni a, chuvang chuan a aia lian kan pek leh tawh kha chuan khami lian lak let leh kha chuan thil kha a thatna tehchiam awmin ka ring chuang love.

Chuvang chuan khami an lak tawh kha chuan a aia lian zawk Am-
bulance hi Tlabung hi kan pe leh tawh a ni. Chuvang chuan
Health ringawt kan la khawih si a, Lawngtlai bialtu zahawm
tak khan Specialist nei ila chuan Malaria te pawh kan tihtlem
theih deuh ka ring a, tihte pawh kha a sawi tel a, Specialist
ah dan kawng a kha chu District puitling in ni tawh a. Chu-
vangan District Level anga function hi a theih hun hunah
chuan hmasak a nih avangin in hmanhmawh deuh hlek a, in hman-
hmawh ang hi kan puhru hman ngang silove. Amaherawhchu, hma-
bak ah erawh chuan khang kha chu awm turah beisei ila. Tin,
kan ngai pawimawh lo a ni hauh lova, Malaria control programme
a awm leh a, mithiam ten research a nei tur a nite i ti a,
hengte pawh hi ka sawiah khang a tel tawh nual emaw ka ti a.
In sawi ka hriat chian em em chu Health for all tih khang i
sawi bawk a. Health for all tih hi India ram mai a ni lova,
Mizoram mai a ni lova, Mizoram pum a ni a. Tin, Health for
all tih hi kan ngaih dan hi a in ang lovin, a diklo niin ka
hria a. Health for all tih hi a awmia taka chu kum 2000 ah
chuan mi zawng zawng hrisel tur tiha ngaih a nih chuan a theih
loh reng reng a. Pathian in khawvel a siam chhan a ni tawh lo
hrim hrim a ni. Chuvang chuan Health for all hi kum 2000 a duh
tak tak a nih chuan kan thih a ngai ringawt ang. Natna reng
reng awm tawh lova. Chuvang chuan hemi Health for all tih a
hi chu mitin ten hriselna an neih theihna tura hmanrna leh eng
emaw hi kan nei tawh tur a ni tih tluk a ni zawk a ni. Chu-
vangan kum 2000 ah hrisel vek mai tura in ngaih kha chu thil
awm theilo a ni, he lei pianphung a ni tawh lo reng reng a ni.

Chuvangin a facilities leh
engkim hriselna atana Sorkar hmalakna hi a vawrtawp a thleng
tawh a ni tihna tlukah ngai ila. Chuvangin keini pawh kan
in buatsaih ve a ngai a, kum 12 leh a chanve vel kha chu han
ti ve zet ila chu in han duh thawh deuh kha ka ngaihthiam in
ka ring a, kan hun hi a tlem tawh a, thla leh hnai lawkah a
ni tawh mai si a, kan zavain kan hrisel dawn lo tih chu a
chiang reng mai a. Amaherawhchu, Health for all tih kha hemi
medical facility a hi kum 2000 ah chuan neih kim vek theih ni
se, tihna tlukin ngai ila a dik tawka ka ring a ni.

Tin, Fifth Pay tih kha i rawn
sawi bawk a, nichina ka sawt a, ka sawi ziktluak leh si lova,
hemi hi a pawimawh em em reng a, Specialist kan tih hian Rs.
2200/- atangin Specialist chuan Rs.3000/- atangin 4500/- an
hlawh a. Senior Specialist in Rs. 3000/- atangin 5000/- a
maximum kha 500 in a pung hret ringawt a. Chutiang chuan an
lo kal mek tlat mai a. Tun hlawh lo kalah hian hetiang hlawh
in hnaihte te a kha a rawn hrut rual vek mai a, an han pro-
mote pawh hian a ngai ta reng same scale ah an dah ta tawp
a. Chuvangin Pay Implementation Committee ah pawh hian an
thlen tawh a. An thlen mek a, tute pawhin theih tawp chhuah
pui kan tum ang. Han kaisan ve a, thil ngai reng mai fahran hi
chu thil awmdan pawh a ni lova. Tin, a leh lamah kan M.O. te
an kaisanna ah chuan mi Rs.2200/- atangin Rs.3000/- ah an kai
a. Rs. 3000/- atangin Rs. 3700/- ah an kai a, chu leihlawn
chu an zawh ve loh chuan helai ah chuan thil fello tak a awm
a ni. Chu chu kan rilru ah pawh kan hre reng a. Theihtawp
chhuah kan tum ang. Min ngaidam ula, thenkhat tan a ninawm
tawh ropui mai si a. Kha kha a tlangpui la ni ta chauh sela,
Kan Department hi a harsa a.

Tin, Sericulture kan la nei a, mi tam takin min duhsak a, lawmawm ka ti a. Kan ramah hian hnathawk lova, engemaw hmuh mai, ram a va kal aia khawlai len a hlawk zawkna hi mihring thinlungah hian a in tuh nghet em em a ni. Tih nek nek a hmuh mai lamah hian kan tui tlat a, heng Sericulture te hi nakin kan hun kal zelah chuan naupang leh putar thlenga tan theih a ni a. Tih tak taka an tih chuan rethei lutuk lova awma chu Sericulture ah hian a awm chiang em em a ni. Tuna kan la ngaihsan theih lohna chhan a hi chu vawi leh khata hausak thut duhna kan la pah lova, Sericulture kan vulh a, Pangang khawi te kan tih chuan a tha em em a, hausa a ni lo hrim hrim a ni. Ei hmuhna atan mirethei tan erawh chuan a aia chen fakawm Department hi han sawi mai chuan a vang khawp ang. Nichina an sawi ang khan hei kan Budget te a tlem a, nikum ah pawh khan 230 lai kan nei nang a, kan hman tak tak kha chu 180 chauh ah a tla a. Tunah plan ah 200 kan nei a, a tlem renrawn hle a. Tlem renrawn pawh hi kan Sorkar hian eng engemaw tunah plan a la telh loh sum hmuh tur beisei tam tak kan la nei a. Chung atang chuan min la improve ve ang tih kan beisei a. Tunah 230 lai awm a, 180 chauh a tak awm ai chuan 200 pawh kha a tak vek a nih chuan kan la hlawk turah ka ngai a. Chuvang chuan eng pawh nisela, lawm takin kan nghak ve ringawt phawt mai a ni.

Tin, heta thil sawi pawimawh deuh a chu nichina kan Sericulture thahnem ngaitu te khan Chawngte bialtu zahawm tak niin ka hria a. Mizoram huapa, Mizoram Apex-Co-operative zawnga kalpui nisela, a ti a. Chuvang chuan February thla khan Mizoram Apex -Co-operation Society hi kan lo din tawh a. Hengte nen a rual chuan hei hi Society ang zawng pawhin kalpui kan tum a. Tin, Society hi a tlangpui thuin mi an tam deuh hlek naah chuan Society ang deuh zel hian Sericulture Cocoon Reeler ho hi an ti deuh vek bawk a. Chuvang chuan khangah khan theihtawpa hma lak chu kan han tum ve chu a ni a. Tunah hian Society khawtina khatiang te te a kha chu 57 lai kan nei ve ting tang a, hi chu mi kan nei teuh tawh a ni. In register ngawt phei chu 3000 chuang kan nei tawh a. Eizawn na ang deuh hlawkpuina hmang tawh pawh hi 600 dawn lai awm ve tawhin kan record ah chuan a awm ve a ni.

Tin, nichina thahnem ngaitu tak mai ina a rawn sawi pawh kha khilalah, Manipur-ah chuan Sericulture ramah Central Sorkar tanpuinain Project an siam a, chung te pawh chu ngaihven ve ula, tih a kha kan lo ngaihven mek tawh a. Tunah hian Manipur-ah Central lam Team an lo kal a. Chumi chu Mizorama Foreign Aid Project din ve turin kan dil a. Chumi bawhzui tur chuan tunah pawh hian Session lai mah nise, kan phal sak a. Kan Director pawh tunah hian Imphal-ah a cham mek a. Chuvang chuan engang chiahin nge a rawn hlawhtlin ang tih a chu kan la ngaichang mek a ni.

Tin, Vanva bialtu zahawm tak khanin thil hriatsuel deuh a nei pah em aw ka ti a. Ka hresual zawk thei bawk a. Tunlai hier Silk kan lalut a, ramdang atangin, chu chuan Rizate, Lukhum te an siam a. Heng hi tihbo theih nisela, a ti a. Keini hriatah chuan ramdang atanga Silk lakluh hi a awm reng reng kan hra lova. Keimahni Department zawk hian Zemabawk-ah sawn khawl engkim kan nei a. Shawl te an tah a,

Rizai te kan siam a, lukham te kan siam a, Emperium ah kan Directorate hnuai ah khian sale emperium kan nei a. Chungah chuan rizai nah tak tak keimahni tah lei tur te pawh a awm nghe nghe a. Chuvang chuan khingte khi min dawr ve thin ula, heng hi chu kan tih tak a hi chu niin kan hre lova. Lakluh ang chi a hi chu khating atan a tih Cotton te a ni tlangpui ber a. Chuvang chuan refine cotton te a ni mai a. Henga kan silk dik tak a hi chu lak loh vek ngam chi pawh a ni lo, to tak a ni. Chuvangin keimahni a sale emperium kan neih te pawh khi min han en sak ula, min dawr ve nghe nghe ulal kan MLA zawng zawng te hi chuan kan silk siam rizai vel te khi han sin ula, han lukham vek thei nghe nghe ula, a thlawnin kan sem thei em si lova. Chuvang chuan khangte pawh kha tawitein kan sawi lang duh a ni ka ngaih pawimawh in sawite zingah. Chuvang chuan Pu Speaker, ka sawi rei ta a, ninawmah pawh a kal tih pawh ka hria a, amaherawhchu, kan memberte kan Department hi kan liai luai a, sawi tur a tam si a, kan sawi sei khan in lungawilo ang tih ka hlau si a. Engpawh nisela, kan Member te'n a in sawi pawimawh a kan hriat, in bial tana in duh phei kha chu kan note ve hrim hrim a, tih theih a nih ngai chuan tih theih mai tur chuan kan lo ziak vek a. Kha kha kan lo kawl tha khiau a ni tih kha in hriat ka duh a. Tichuan Pu Speaker, ka Department enkawl pahnih heng Medical leh Sericulture atana kum 1999-2000 hemi Financial Year a hman tur hian Demand kan rawn siam a. Demand No 26-na Medical ah hian vaibelchhe 35 leh nuai 62 a ni a. Tin, Demand No. 48-Sericulture ah hian vaibelchhe 2 nuai 91 leh singkhat leh sangkhat a ni a. A pahnih a belkhawmin vaibelchhe 38 nuai 53 singkhat leh sangkhat a ni a. Hei hi kumin a kan theih ang anga hma kan sawn a, tan kah lakna tura kan sawi tak ang khan chutianga hman theih tur chuan he House zahawm tak hian min pass pui turin ka han ngenin ka han theih a ni e. Ka lawm e.

S P E A K E R

: Le, Pu K.L.Lianchia'n a Demand chan Demand No. 26, 48 Rs.38,- 53,11,000/- Pass a dil hi pass remti lo kan awm em? Remtilo

kan awm lo. Vote lak ngai loin i Pass mai ang kan ti thei em? Aw, remti lo kan awm lo maw. Lungrual takin Pu K.L.Lianchia Demand Rs. 38,53,11,000/- chu he House hian kan pass a nih chu.

Tunah chuan Pu J.Lalthangliana a Demand te Wound up a pass dil nghal turin i lo sawm ang u.

PU J. LALTHANGLIANA
MINISTER

Fu Speaker, ka lawm e. Hei tlai lam te a lo ni bawk a, vawin nia kan Member zahawm tak tak 18 in ka Department chanve Art and Culture leh Tourism Department in rawn sawi chhuak a. In sawi chhuah dan kha ka lawm em em mai a. Department te tak te ve ve a ni a. Thahnem ngaihpuina na nen kan hotu te khan in rawn sawi chhuak a, a lawmawm ka ti. Hei kan hotute thusawi kha ka ziak a, ka kawl tha vek a ni.

Hun chu awm sela, han sawifiah chakawm tak tak a tam mai. Art and Culture ah hian a bik takin sum tlemtein hnam nunphung humhalh kan tum ve a, a pawimawh em em mai si a. Tahchuan Art and Culture chu kan in then sawm leh a, in han sawi ang khan a then chu Library ah te, a then Museum chungchang thu te, Library chungchang thu te, archive chungchang thu te tikhan kan in sem darh ve nual a. Tin, tribal research ah wing kan nei bawk a. Tichuan wing hrang hrangah kan in sem a, pawisa hi a beitham ve em em a ni. Maherawhchu, chuti chung chuan kan ti ve hram hram a, kan hotute sawi zinga kan ngaih pawimawh em em a chu hetiang ancient monument humhalh na tur pawisa hi a va awm love ti angkhan kan hotute khan in rawn sawi a. Pawisa hi a beitham em em mai a. Hei humhalh, Historical Monument Preservation hi a Act siam kan tum a, kan peih hman lo deuh hlek a. Law ah kan ziak tir vek a. Hetiang te neih ve a, hetiang kan hnam ro hlu te hi humhalh ve hram hram kan tum a, tunah pawh hian kan pawisa neih ang angin kan humhalh ve mek a ni. In sawi zingah hian tam tak kan chhinchhiah a, hun a awm vak lo bawk a, kan Speaker, khan detail lo deuh hlek a sawi turin min ti a, detail vak lovin kan sawi ni mai sela, kan member zahawm tak te khan in ngaih pawimawh zawng kan chhinchhiah te kan la sawiho ang a.

Kan sawi duh a chu hei kan C.M. zahawm tak ho hian Mizoram Tourism Development Advisory Committee kan din a. Chief Minister Chairman a ni a, chumi atang chuan hmalak zel kan tum a. Tourism ah chuan kan hotuten an rawn sawi ang khan kumin phei chu ka rin danin. Maherawhchu, hei kan Chief Minister te thahnem ngaihna zarah hian Committee ah hian a Board ni lovin Advisory a ni a, Official vek an ni.

Tin, chulovah chuan consultative Committee din thar ve leh a. Chuvangin MLA te kha Member kan ni hlawm a. Tourism chungchang thuah hian Fu N.P. Chakma khan a rawn sawi a, a ni hi lo enkawl tawh thin a ni a. A tulzia te a hria a, kan Budget a tlemzia te pawh a hre vek a. Helai kan sawi duha chu, Tourism Department hian Engineering kan pui ve lo a ni tih hi Engineering Department tlawmngaihna hnuaiah hna kan thawk ve a. A tlangpuiin W.D. leh FHE leh F&E Department te hi kan ngen a.

Khawbung bialtu zahawm takin sawi, khilampang a, Mizo hmanlai Pipu te sulhnu te humhalh hi a pawimawh khawp mai a. Kei pawhin ka han thawh a, ka chhinchhiah nuel a, hengte pawh hi kan rilruah awm reng sela, a thain ka hria. Thil pakhat kan hotute zinga sawi ka duh a chu, rilru kap deih tu hmanlai atangin Art and Culture ah hian ka nei a. Fiara Tui hmun in chuh te, Ropuiliani Thlan

hmun in chuh te, Denlung ah nge Ralvawng ah tih te, Mary Winchester hi khawiah nge an lak, Sailam ah nge Kawlni ah tih te hi a awm thin. Kei pawh min tibuai em em thin a, Chuvang chuan, Fiara Tui te pawh hi hmun hnih ah kan nei tlat mai a. Kan hotu hmasa te pawhin an buaipui thin a. Hmanniah lehkhabu pakhat ka chhiar a, ka rilru a dem khawp mai a, kan sawi duh chu "Holy Places Move" tih lehkhabu hi a awm a ni. Hmun thianghlim a lo in suan thin alawm mawle tih lehkhabu hi kan ehhiar a, hmun thianghlim hi a lo in suan teuh mai a, (khawvelah hiar) Isua khenbehin Kalvari te pawh hmun hnih ah a lo awm a, Emau khuate phei chu hmun 4 laiah a lo awm mai a, Chuvang chuan heng hmun thianghlim hnam tana kan hmun hlu kan in chuh te pawh hi a lo awm viau reng a nih hi, Ropuiliani Thlan Darlung ami ka va tlawh a tifuh hi ka in ti em em mai a, Ralvawng amin an sawi a dik leh zawk a ni awm mang e aw ka ti a, ka rilru mangan lai takin chu lehkhabu chu mi pakhat in chhiar teh reng min ti a, kan chhiar a, Adam ta huai a, chuvangin heng hmun hlu kan in chuh (preservation) hmun hnih ah te pawh kan la humhalh mai ang chu. A chin kan hriat theih loh chuan Fiara Tui te pawh chu pahnih awm ta mai sela, pahnih chei ta mai ila, tih te rilru ah a awm a, kang kha preservation te hi kan tih dawn chuan rilru ah a awm lo thei love.

Tin, kan sawi leh duh pakhat chu publication board hi kan hotute khan in rawn sawi a, hei hi act hi kan nei tawh a rules hi kar hmasa khan Cabinet in min passed pui a, Rules pawh kan nei tawh a, . Hei hi Rules pawh kan nei tawh a, hei hi fulfilled in function lo mahsela, function tir thei mai kan in ring a.

Tin, Library chungchang thu kha an rawn sawi chhuak hlawm a. Library Act 1993 ah khan kan neih tawh a ni. Mahse, a la function lo fo a, hei hi in ngai pawimawh em em tih kan hria a. Mahse, sum leh pai indaih lohna vang a ni a, nuai 60 vel hi min pe ula, chu kan ti thei ang a tih te kan hotuten an sawi thin a, hei hi kan la implement thei tawh lo fo a ni. Library Act hi kan neih tawh a ni. Tunah hian kan hotuten an sawi a, State Library hi khawiah nge a awm tih pawh kan hre hlei nem mawle, te in ti hial a, kan Library hi kan suan kan suan a. Mahse, kan hotute kiangah kan sawi duh chu Upper Bazar ah sawn sak mek zingah sawn State Library tur kan chung tel a. Tin, Saikuti Hall Lunglei ah District Library tur hi tel bawkin ka hria. Chuvangin Library pawh hmun tha tak nei turah kan in ngai a ni.

Tin, Tourism tih hmasawna chungchang tur thahnem in ngai hle a, kan hotute khan. Hei hi keini pawhin Department hian theih ang tawh chuan kan ti a. Mahse, MR kha in rawn sawi a, MR deuh vek hi kan nei mai a, hnathawh a har khawp mai. Kan hotute kan la dil ang a, post creation te pawh min phal sak ang chu kan ti mai a ni. Central atang hian sum hi min pe ve thin a, kan ui ang reng si a. In hi kan sa ve ringawt zel a, tunah hian MR pawh kan lak theihlo avang hian kalh ringawt hi enge maw zah Tourist Lodge kan nei a ni. Tawipui ah kan hotute sawi chhuah pawh kha tih ngaihna kan hre love, kan la function thei love. Kan hotute sawichhuah bawh

Khawbung In 3 lai kan sa zo tawh a, kan la function thei love, Darzo ah kan zo tawh a, kan kalh ringawt bawk a, khatiang khan a awm thluah a ni. Kumin phei chuan 'Visit India Year' te nia Central ah, kan hotute an zuk dil a, an thil phal deuh bawk a ni ang chu kum dang aiin kumdang let nuai 300 vel min pe dawnin kan hria a, kum dangah chuan nuai 100 leh tlem min pe thin a. Chuvangin hmasawn chu kan tum ve khawp mai a. Eng-pawh nise, Infra-Structure hi han ti phawt mai ila, mihring kan dah theih lo pawn in tlo tak tur hi han sa ringawt mai ila, han awm phawt sela, tih hun a awm ang chu, Central thil phal lai hian kan ti a ni. Vawiina Budget min passpui tura kan dilte pawh Fund kan nei nual dawnin ka hria. Tin, kan hotuten thahnem in ngai a, kan Chief Minister ten thahnem an ngai a. Peace Bonus atangte pawn nuai 100 vel, Tourism ah hmuh kan in beisei a. Art and Culture ah pawh engemaw zat chu min pe thei turah kan ngai a. A lawmawm hlein kan hria. Beiseina sang tak kan nei a ni.

PU NIRUPAM CHAKMA : Pu Speaker, Scheme engemaw zat propose kha sanction pawh hmuh tawh a ni a, enge ni a dinhmun?

PU J. LALTHANGLIANA MINISTER : Pu Speaker, kha kha kan sawi tawh ang khan FWD in an ti dawn mek a, a bak chu Power Department pawhin an ti ang a. PHE erawh hi chu la sak lai mek, la zawh loh, an la nei nual a, an hman lo niin ka hria a. Tlabung bialtu zahawm takin a sawite pawh PHE tih a ni a. Kum 2/3 dawn lai a ngaiin a awm tawh a. Chuvang chuan an hman lo deuh niin kan hria a, kan la zo lo na a, FWD leh Power Department lamah a then hi chu min tihsak turin kan ngen a, kan hlawhtlin pawh kan ring viau a ni. Chungte chu kan hnathawh tum dan a ni a. Chu chu Pu Speaker, ka sawi theih ni mai sela,

He ka sawi tawh ang khan Member te thusawi hi kan ziak mek a, kan la sawiho zel ang a. Hei in hre vek ang a, Highway Restaurant ah kawng hrulah kan naute khawhar em emin an thu a, mi hriat mang loh emaw kan in tih laiin Member zahawm tak tak khan thahnem min lo ngaih pui a, lawmawm kan ti tak meuh a ni. Hmasawn ve zel kan in ring a. Tin, a tlangpuiin kan hmalakna chu kawng tha hi kan han zui phawt a. Vairengte atangin 54 Highway hi Saiha thlengin kan han zui phei a, Tichuan tuna kan hmalak tum lehna hi chu hemi World Bank in kawng an laih tur Aizawl-Lunglei hi zawh leh dawn tih ang kan han ti a. Tin, khawthlang lam chu kan la hlam-chhiah deuh hlek a, khawthlang lamah Mamit te, Tuidam lam te retention pawh kan hmu nual tawh a. Tin, khawchhak lamah khuan Farkawn khi kan han zui chho leh ang a, tin, chulo lehah chuan Manipur kawng lam hi kan lo ti ve hauh lo mai a. Chuvang chuan Manipur kawng lam hi zui chho leh ila, kan han ti a, Ngopa lamah te hian kan han chho leh ang a, khingte pawh khi Central-in min han pawmpui tawh a, scheme te a lawmawm hle a ni. Thu lawmawm tak pakhat chu kan Joint Director hi Israel ah Tourism Development in Rural Areas tih Training in a awm mek a, thla 2

Training a n^o a, Israel Sorkarin sum sen zawng zawng a tum a, chungte chu kan hmalakna a ni a. Israel ramahte Tourism Development kan zuk zir ve a, kan Secretary leh Deputy Director te pawh Berlin (Germany) ah te pawh kan tir ve a. chungte chu kan han tive nual reng a ni a. Chuvang chuan hmasawn kan tum ve reng a ni a. Chu chu kan sawi theih ni mai sela, Pu Speaker.

Tichuan, titawp dawn mai ila, ka Department chan ve Demand No. 25 Art and Culture atan hian Rs. 1,89,33,000/-. Tin, Demand No. 51 Tourism atan hian Rs. 1,33,75,000/- avaiin Rs. 3,23,08,000/- Art and Culture leh Tourism Department a ka Demand te hi he House zahawm tak hi min pass pui turin ka rawn dil a ni e. Ka lawm e.

S P E A K E R

: Awle, Pu J.Lalthangliana Minister in-charge Art and Culture leh Tourism khan a demand Rs. 3,23,08,000/- pass

turin he House hi a rawn dil a, pass remti apiangin 'remti' ti rawh ule. Remti lovin 'remti lo' ri rawh ule.

Awle, lungrual takin Pu J.Lalthangliana Demand chu pass a ni e. Tunah kan bang ang a, naktuk dar 10:30 ah kan tan leh ang

Meeting adjourned 8:20P.M.